

## **Alabari a Sa'ani a Matta**

### *Ucuɗuwu wa aatagada a nda*

Matta, vuma na ɗanai aatagada a nda, vuma ta ɗa ɗtsumɗa a ajiya e Yesu. Matta za va Isra'ila ɗa, waru u ɗana ta aatagada'a adama u roco ɗaɗa a yi, aza a Isra'ila, a na Yesu ɗa Zamawawa na a ri e indanasa matawɗa ma yi.

Matta reve ta a na Yesu Mogono ma amayun ma ɗa, u to tsugono tsu uvadi suru. Waru u roco ta amayun a ɗa Yesu shiton ta ili i na amasula a Nzuwulai mu Ufaru n dammai adama a Zamawawa na a tawɗa na woo o'wo Mogono ma Gbain. Matta rito ta a na tsugono tsa yi, tsugono tsu uvadi u nda u ɗa shi. Tsugono tsu uvadi u to koto, amma tsugono tsa Yesu tsu ta lo babu ukotu. Mogono na a ciga a 'yuwan u ɗana za vu ucira. Yesu roco ta ucira wa yi ana u lyuwai aci o ukwisa, reve waru u 'yon diga a aason. Ili i nda suru obolo na akapi e ili suru a ta pe ɗtsumɗa a aatagada a nda.

Matta kamba ta ɗaɗa e Itoni ana'an adama a na u cuɗuwai cine Yesu shitoyin ifoɓi ya Asula tsara u tawato ama zuzu na ayi. Ana Adamu nusayin Asula, ama o o'wo ta wukasu na ayi. Kucci na ama a yuwusain a Nzuwulai mu Ufaru waa gura tawa addama a nda shi. Matta roco tsu ta cine Yesu o o'woi kucci na cayi ama ure u na aa tawɗa zuzu na Asula, waru Yesu ɗa mogono ma na maa yuwusan tsugono tsi ili suru ɗtsumɗa o uvadi u nda.

*Ili i na i ri pe ɗtsumɗa a aatagada a nda*

1. Nkaya na limatan va Yesu (1:1–2:23)
2. Ikaka ya Yahaya za vu Urumbusu (3:1-12)
3. Urumbusu wa Yesu na malyungwa ma yi (3:13–4:11)
4. Yesu atsuma a Galili (4:12–18:35)
5. Yesu lyawa ta Galili a tyo Urishelima (19:1–20:34)
6. Ajuma o ukosu wa Yesu: atsumalima a yi nu ukwa wa yi (21:1–27:66)
7. Yesu yon ta atsuma o ukwa (28:1-20)

*Nkaya ma Yesu*  
(Luk. 3:23-38)

<sup>1</sup> Yesu Kristi† Zamawawa† uta ta o u'wa u Mogono Dawuda diga o ugundo wa Ibrahim.† Apa nda ugeru u tsukaya tsa na wu utai.

<sup>2</sup> Ibrahim da matsain Ishiyaku.

Ishiyaku† da matsain Yakubu.

Yakubu† da matsain Yahuza na akapi a muwun ma anawu ma yi olobo.

<sup>3</sup> Yahuza† da matsain mpishe Farisa na Zera (Tamar da makuci me le).

Farisa da matsain Hesuruna.

Hesuruna da matsain Aram.

<sup>4</sup> Aram da matsain Aminadabu.

Aminadabu da matsain Nashon.

Nashon da matsain Salumuna.

<sup>5</sup> Salumuna da matsain Buwaza. (Rahapu† da makuci ma Buwaza.)

Buwaza da matsain Obe.

(Rutu\* da makuci ma Obe.)

Obe da matsain Yese.

<sup>6</sup> Yese† da matsain Dawuda Mogono.

---

\* 1:5 Rutu Takpaci da.

Dawuda† da matsain Sulemanu.  
 (Bashaba da makuci ma Sulemanu, ayi da ka na  
 Dawuda† usai e ekere a Uriya.)

<sup>7</sup> Sulemanu† da matsain Rihobuwa.  
 Rihobuwa da matsain Abija.

Abija da matsain Asa.

<sup>8</sup> Asa da matsain Jehoshafa.  
 Jehoshafa da matsain Jehora.

Jehora da matsain Azariya.

<sup>9</sup> Azariya da matsain Jotam.

Jotam da matsain Ahazu.

Ahazu da matsain Hezekiya.

<sup>10</sup> Hezekiya da matsain Manasa.

Manasa da matsain Amon.

Amon da matsain Josaya.

<sup>11</sup> Josaya da matsain Jekoniya na muwun ma  
 anawu ma yi olobo.

(A mantsa ma da da a purai ama a tyo e ida ya  
 Babila† tsugbashi.)

<sup>12</sup> Ana a pura nle a tyo Babila, avu Jekoniya mat-  
 san Shayatiya.

Shayatiya da matsain Zerubabe.

<sup>13</sup> Zerubabe da matsain Abihudu.

Abihudu da matsain Eliyaki.

Avu Eliyaki matsan Azoro.

<sup>14</sup> Azoro da matsain Saduku.

Saduku da matsain Akimu.

Akimu da matsain Aliyadu.

<sup>15</sup> Aliyadu da matsain Eliza.

Avu Eliza matsan Mata.

---

† **1:6** Dawuda yuwan ta tsipere na Bashaba ayi o oluso Uriya, reve  
 u yuwan ifo6i i na vali va yi Uriya aa kuwa. Aalabari a nda a ta pe  
 atsuma 2 Sam. 11:1-27.

Reve Mata matsan Yakubu.

<sup>16</sup> Yakubu da matsain Isuhu.

Isuhu da vali va Meri,

Merit da mma va Yesu za na e deyi Kristi Zamawawa.

<sup>17</sup> Ala o ugeru wa zuwa e reme ta tsukaya kupa na aza a nashi diga ya Ibrahim a tyo ya Dawuda, na tsukaya kupa na aza a nashi diga a mantsa ma Dawuda a tyo mantsa ma na a pura nle a tyo Babila, waru na tsukaya kupa na aza a nashi diga a mantsa ma na a pura nle a tyo Babila a tyo mantsa ma Zamawawa.

### *Limatan va Yesu Kristi*

<sup>18</sup> Apa nda ununa a matsain Kristi Zamawawa. Mma va yi eegefe a vuma ro da na a tsu de Isuhu. Babu u reve vali, avu u tsura aatsuma o ure wa Ruhu va Akiza.† <sup>19</sup> Isuhu gba vuma va abula da za na shi a yuwusan ili i na i ri mejege; agba u ciga u ca Meri wono a alanga e eteshe shi, dafa u foboi wu kasa na ayi usokowu.

<sup>20</sup> Ayi atsuma a majiyan mo ndolo, avu malingata ma Asulazuva ma tawa ya'a yi atsuma a alavu, reve u damma, "Isuhu, mawun ma tsukaya ma Dawuda, she vu uwwa wovon na vaa zuwa Meri wan, adama a na Ruhu va Akiza da zuwa niyi u yuwain aatsuma a mawu'un. <sup>21</sup> U ta matsan ulobo, avu vu ca yi aala Yesu,†† adama a na u ta wawa ama a yi o unusu u le."

<sup>22</sup> Ne da nzuwulai ma Asulazuva n shiwain, ununa Ishaya vumavasula† dammai de nu ujimu, <sup>23</sup> a na,

---

† **1:21** Aala "Yesu" ta nu urevu "Asulazuva za vi iwawi."

“Usheli u na koto u revei vali shi u ta yuwan aatsuma, u ta matsan ulobo, reve a ca yi aala Imanuwe.” Urevu wa yi ayi da, “Asula obolo na atsu.” ◇

<sup>24</sup> Ana Isuhu jiwain, reve u yuwan ili i na malingata ma Asulazuva ma damma niyi u yuwan. Avu u tara Meri a tyo o u'wa wo o'wo ka va yi, <sup>25</sup> agba e revelei shi hali u matsan ulobo'o. Reve Isuhu ca yi aala Yesu.

## 2

### *Aza o urevu a tawai e ene Yesu*

<sup>1</sup> A matsan ta Yesu a lyuci va Batalami e ida ya Yahuda, a mantsa ma na Hiridu\* danai mogono. A mantsa mo ndolo, reve ama o ro aza a na a ri nu urevu wi italyo'o o uta asana reve a tawa Urishelima.† <sup>2</sup> Avu e ece, “Te da mawun ma na a matsai'in, za na ri mogono ma aza a Isra'ila?† Tse ene ta talyo'o asana za na rocoi limatan va yi dafa tsu tawai adama tsu yuwaan yi aganda.”

<sup>3</sup> Ana Hiridu Mogono ma uwwai ne, reve ugbozu wa yi u 'yon, ne da waru akapi a ama atsuma a Urishelima. <sup>4</sup> Reve u boloto nan ganu a gbagbain na munlu n Wila† suru, avu we ece le, “Te da aa matsan Kristi Zamawawa?”

<sup>5</sup> Reve a usu, “A lyuci va Batalami atsuma a Yahuda. Mika vumavasula dana ta adama a nda a Adanshi a Asula:†

<sup>6</sup> Avu gba Batalami, vi ida ya Yahuda, ili i ro i da shi atsuma e ilyuci ya Yahuda.

◇ **1:23** Isha. 7:14. \* **2:1** Ayi Mogono Hiridu ayi da Hiridu Mogono ma gbain. Mawun ma yi Hiridu Antiba da danai Mogono a mantsa ma na Yesu kuwai.

Mogono mā to utā ya'a wu.

Za na oo o'wo ana za va aguba va aza a Isra'ila,  
ama a va.' ” ◇

<sup>7</sup> Avu Hiridu de omocin a na a tawai diga asana'a usokowu, reve a damma yi mantsa ma na talyo'o'o vu utai. <sup>8</sup> Reve u damma le, “Walai i 'yawā Bata-lami i bunga mawu'un ulobonu. Na ye ene yi, avu i tawā i damma mu adama amu fo n 'yawā n yuwaan yi aganda!”

<sup>9</sup> Ana aza o urevu'u a uwwai ili i na mogono ma dammai, reve a kara. Avu talyo'o na e enei a asana'a u wala elime e le, she na u rawai ubata'a, avu wi isawan ubata u na mawu'un u ri. <sup>10</sup> Ana e enei talyo'o'o, reve a yuwan mazanga lon! <sup>11</sup> Ana ama'a a uwai o u'wa'a, avu e ene mawu'un na Merif mma va yi, avu a kingyo a kadato a yuwaan mawu'un aganda. Reve o utaa nu une'e u le u zinariya, ne erepu e re a maguru na ri ni ikebe na a tsu de furenkisen† na mur.† <sup>12</sup> Avu Asula o rono atsuvu aza o urevu'u atsuma a alavu, she a kambā ya Hiridu wan, dada a kambai e ida i le nu ure u ro.

### *Iladi a tyo Masar*

<sup>13</sup> Ana a karai, reve malingata mā Asula† mā tawā ya Isuhu atsuma a alavu, avu u damma, “'Yon! Jika vu tara mawu'un na mma va yi a tyo Masar! Vi isawan de she urana u na n damma nuwu vu kambā, adama a na Hiridu ri a zama mawu'un tsara wu una yi.” <sup>14</sup> Reve u 'yon, u tara mawu'un na mma va yi, avu u reme ure na ayin a tyo Masar. <sup>15</sup> Reve a danu de she na Hiridu kuwai. A yuwan ta ne adama o shiton ili i na Asulazuva

---

◇ 2:6 Mik. 5:2.

a dammai o una wa Hosiya vumavasula: “N de ta mawun ma va mo uta Masar.” ◇

*Hiridu zuwa ta o una muwun mo olobo*

<sup>16</sup> A mantsa'a ana Hiridu enei aza o urevu'u a kandaruwa yi tu ucina, reve u yuwan upan lon. Dada u zuwai o una muwun mo olobo suru n na n ri na a'wan e re a cipa atsuma a Batalami ni ilyuci i ro i na i ri lo ukandaruwu. U reve ta mantsa ma na a matsain mawu'un adama e ili i na aza o urevu'u a dammai. <sup>17</sup> Reve ili i na Asula a dammai o una wa Irimiya† vumavasula wo o'wo amayun:

<sup>18</sup> “Reve a uwwa uɗyo atsuma a Rama, vuma ro a yisaali a adama a atsumolangu. Rahila† da ri a yisaali adama a muwun ma yi, reve u 'yuwan adanshi a na aa casu yi, adama a na muwun ma yi n kuwai suru.” ◇

*Ukambu u le Nazara*

<sup>19</sup> Ana Hiridu kuwai, reve malingata ma Asula ma tawa ya Isuhu e ida ya Masar atsuma a alavu.

<sup>20</sup> Avu u damma yi, “'Yon, vu tara mawu'un na mma va yi vu kamba e ida ya Isra'ila,† adama a na aza a ri e izami i na oo una mawu'un a kuwa ta.”

<sup>21</sup> Reve Isuhu 'yon, avu u tara mawu'un na mma va yi, reve a kamba e ida ya Isra'ila. <sup>22</sup> Amma ana u tawa u revei mogono ma sa'avu Akilayu† mawun ma Hiridu ma da, reve wu uwwa wovon. Dada atsuma a alavu o ro, Asula a damma niyi u tyo e ida ya Galili. <sup>23</sup> Reve a kara a 'yawa a danu a lyuci na a tsu de Nazara. Adama o ndolo a da ili i na Asula

---

◇ 2:15 Hos. 1:1. ◇ 2:18 Irm. 31:15. † 2:22 Hiridu Akilayu mogono ma wuya ma da ma dani da da o utaa niyi o tsugono. Reve Hiridu Antiba maci va yi vo o'wo mogono.

a dammai o una wa amasulā wo o'woi amayun, a na: “E te de yi za va Nazara.”

### 3

*Yahaya za vu Urumbusu fōboi ure*

*(Mak. 1:1-8; Luk. 3:1-18; Yah. 1:19-28)*

<sup>1</sup> Ana a yuwain a'wan o ro, reve Yahaya† za vu Urumbusu teme alajiya atsuma o una upasu wa Yahuda, <sup>2</sup> adansa, “Vadalai i lyawa unusu† u du i kamba ubata wa Asula, adama a na tsugono tsa zuva† tsa yuwan ta zuzu.” <sup>3</sup> Ishaya† vumavasula yuwan ta de adanshi a Yahaya ana u dammai:

“Nanza te dewu atsuma o una,

‘Fōboyi Zagbain ure,

i yuwan ure u na waa kuru mejege!’ ” ◇

<sup>4</sup> Yahaya shi ta wotowu ni itana i na a dawai ne eleme a arakumi. Reve wu nla gbakala vu ukwan. Apapari ni ishiki i da i danai ilyalya ya yi. <sup>5</sup> Ama na abunda diga Urishelima na Yahuda na bata na ri lo zuzu nu Udolu wa Urdu a tawa ta adama a uwwa Yahaya. <sup>6</sup> Ana a dammai nusu le a alanga e eteshe, avu u rumbu† le o udolu'u.

<sup>7</sup> Afarishi† na aza a Sadukiya na abunda a tawa ta ubata u na Yahaya shi a rumbusu ama tsara u rumbu le. Ana Yahaya ene nle, reve u damma, “Suru ndu apili a da! Zane da damma ndu i suma atsumalima a na Asula a ri lo a tawaa? <sup>8</sup> I yuwan ili i na yoo roco i lyawa ta nusu du. <sup>9</sup> She i jiyān yoo sowo atsumalima shi, adama a na yaa dansa Ibrahim akaya a du a da. N ta dansaa du Asula a ta gura tara atali a nda, reve u vazatowo Ibrahim muwun n tsukaya! <sup>10</sup> Ko gogo tsunda, aabau a ta lo

◇ 3:3 Isha. 40:3.



ufobu adama wu kodo danga a aralu e le. Ufanga u na u matsain muwun n sa'ani shi, suru o to kodo yi reve a vari yi akina.

<sup>11</sup> “N ta rumbusu du na mini adama u roco i vadala† ta, amma za na ri lo a tawa acapa a va u ta rumbu du na Ruhu va Akiza na akina. U la'a mu ta tsugbain lon, agba n rawa n guzaa yi atan shi.

<sup>12</sup> U tu ufobu na aadanga a faba na aakpatalutsu o uyeluwu adama u zangada ishina. U ta kakasa ishina no owopo. Reve u tsun ishina i sa'ani o mophon ma yi, owopo gba shi avu u kulato le na akina a na a ri n kima shi.”

### *Yahaya rumbuyi Yesu*

<sup>13</sup> A mantsa mo ndolo ma da Yesu utai Galili, reve u 'yawa o Udolu wa Urdu adama Yahaya rumbu yi. <sup>14</sup> Agba avu Yahaya shi ciga u 'yuwan a yuwan yi, avu u damma, “Avu da za na aa rumbu mu. Cine tsa da vaa tawa ya'a va?”

<sup>15</sup> Reve Yesu usu, “Ne da u lobonoi wo o'wo gogo, adama tsu yuwan ili i na Asula a cigai tsu yuwan.” Dada Yahaya usuyi u rumbu yi.

<sup>16</sup> Dada u rumbuyi† Yesu. Yesu o utushi a mini'i, dada zuva kpatu'wai, avu we ene Ruhu va Asula e telee yi ana muda. <sup>17</sup> Dada udyo diga zuva wa damma, “Ayi nda Mawun ma va ma da, za na n cigai, waru n ta yuwusan mazanga na ayi lon.”

## 4

### *Yesu na Mekerencesu*

*(Mak. 1:12-13; Luk. 4:1-13)*

<sup>1</sup> Reve Ruhu va Akiza† tara Yesu a tyo atsuma o una, adama Mekerencesu† ma lyungwa yi. <sup>2</sup> Agba

Yesu lyuwa ili shi, hali rana na ayin amunga. Adama o ndolo, wu uwwa ta ambulu lon. <sup>3</sup> Reve Mekerencesu ma tawa avu u damma yi, “Na avu Mawun ma Asula ma da, kambato atali a nda o o'wo opopofu.”

<sup>4</sup> Avu u usu, “A dana ta a Adanshi a Asula,† ‘Na alya e ilyalya i da goon vuma aa dana wuma shi, amma she ni ili i na Asula a dammai biti.’ ” ◇

<sup>5</sup> Reve Mekerencesu ma tara yi a tyo Urishe-  
lima lyuci va akiza, reve u zuwa yi de e ncilecile  
ma Aa'isamapada.† <sup>6</sup> Avu u damma yi, “Na avu  
Mawun ma Asula ma da, teteruwe e ida, adama a  
na a dana ta atsuma a Adanshi a Asula:  
‘Asula a ta zuwa nlingata ma yi n tiga wu,  
e te kede wu ne ekere e le,  
adama vu tadatsa a aatali vu uwwa usan wan.’ ” ◇

<sup>7</sup> Reve Yesu usu, “Amma Adanshi a Asula fo a  
damma ta, ‘She vu lyungwa Zagain Asula a wu  
wan.’ ” ◇

<sup>8</sup> Reve Mekerencesu ma tara Yesu a tyo zuwa  
masasan mo uga'an, avu u roco yi tsugono tsu  
uvadī suru na tsugbain tse ele. <sup>9</sup> Reve u damma,  
“Na vaa kadato vu yuwaan mu aganda, n ta ca wu  
ili i nda suru.”

<sup>10</sup> Avu Yesu usu, “Buwaa mu ure Male!† Adanshi  
a Asula a damma ta,  
‘Vu yuwaan Zagain Asula a wu aganda, ayi a  
nde'en da vaa yuwaan tsugbashi!’ ” ◇

<sup>11</sup> Dada Mekerencesu ma lyawai Yesu, avu nlin-  
gata ma Asula n tawa n kamba yi.

◇ 4:4 U.Wl. 8:3. ◇ 4:6 Ica 91:11-12. ◇ 4:7 U.Wl. 6:16. ◇ 4:10  
U.Wl. 6:13.

*Yesu temei ulinga wa yi*  
(Mak. 1:14-15; Luk. 4:14-15)

<sup>12</sup> Ana Yesu uwwai a zuwa ta Yahaya o u'wa wa ali, awu u kamba e ida ya Galili. <sup>13</sup> U fara ta 'yawa a lyuci va Nazara, awu u 'yon u kara a tyo Kafarnahum na nden, a mbanda m Mala ma Galili, upasu wi ida ya Zebelun na Nafutali. <sup>14</sup> Ne da nzuwulai ma Asula n shiwain ununa Ishaya vumavasula dammai:

<sup>15</sup> "Atsuma e ida ya Zebelun na Nafutali, o ure a tyo a mala, upasalai wu Udolu wa Urdu, atsuma a Galili ubata u na Atakpaci† na abunda a ri nden.

<sup>16</sup> Ama a nda a na a ri nden atsuma e irumbu e te ene ekan a gbain.

A ta nden ubata u na u ri ukpatowu na lulu vu ukwa,  
amma ekan e te ikana le." ◇

<sup>17</sup> Diga lo da Yesu temei alajiya adansa, "Vadalai a nusu du i kamba ubata wa Asula, adama a na tsugono tsa zuva tsa yuwan ta zuzu."

*Yesu dangulai ama a nashi aza e mereme ma mugula*

(Mak. 1:16-20; Luk. 5:1-11)

<sup>18</sup> Urana u ro, Yesu a mmalu a nge'en m Mala ma Galili, awu we ene ama e re muwun ma anawu. Za ta aala a yi a da Simo za na waru e revei na aala Bituru, za ve ire gba ayi da Andarawu. Aza e mereme ma mugula n da, a shi ta a varishi igolo i le a mala. <sup>19</sup> Awu u damma le, "Tawai i kuru mu! N to roco du ununa yaa tawaa na ama o unu u mugula."

<sup>20</sup> Lo da a 'yoshin a lyawai igolo i le, reve a kuru yi.

◇ 4:16 Isha. 9:1-2.

<sup>21</sup> Ana u lyuwai elime, reve u cina ama e re muwun ma anawu waru, Yakubu na Yahaya, olobo a Zabadi. A shi ta a wantsun u le obolo na dada le, o fobuso igolo i le. Avu u damma le a kuru yi. <sup>22</sup> Dada a lyawushi wantsun u le na aabara e le, reve a kuru yi.

### *Yesu yuwan ta uritosu*

<sup>23</sup> Yesu 'yawa ta ubata suru atsuma a Galili. U ritosu ta atsuma a alisa. Waru u yuwusan ta alajiya a Alabari a Sa'ani† o tsugono tsa zuva. Avu waru u kambatosu aza o ubanakun na aza a mbala gbaga. <sup>24</sup> Avu alabari a yi o uta a alanga atsuma e ida ya Galili, adama o ndolo a da aza o ubanakun, hali na aza a na a ri e ida ya Suriya, a tawusai adama a kamato le gbaga a banakun icu'un icu'un na mbala n lipu. Ozo o ro e le a shi ta no otoni a lima na abunda, ozo o ro gba shi a shi ta atsumalima na tsuda'un, ozo o ro waru gba akutsuma a da a shi. Avu gba Yesu kamato le gbaga suru. <sup>25</sup> Avu obolo a ama'a na abunda a kuru yi ubata u na u 'yawai suru: ama diga Galili, na Dikafoli,\* na Urishelima, na Yahuda suru, na diga asana o Udolu wa Urdu.

## 5

### *Yesu yuwain uritosu a masasan*

<sup>1</sup> Ana Yesu enei obolo'o, reve u kumba a aagadi a masasan avu u danu. Avu aza a na oo tono yi a rawa zuzu, <sup>2</sup> da da u uwai o ritosu le.

---

\* **4:25** Dikafoli urevu wa yi, ayi da Mulyuci Kupa.

*Aba'un a amayun*  
(Luk. 6:20-23)

<sup>3</sup>“Aza a aba'un a da aza a na e revei aa gura yuwan ili i ro na aciyele shi, da da e isawain ubata wa Asula goon.

Tsugono tsa zuva za le da!

<sup>4</sup>Aza a aba'un a da aza a na a ri a atsumolangu, adama a na Asula a ta tanato okolo e le.

<sup>5</sup>Aza a aba'un a da aza a na a tarai aciyele ili i ro shi,

adama a na uvadi u to o'wo za le.

<sup>6</sup>Aza a aba'un a da aza a na a ri na akuli na ambulu adama e ili i na Asula a cigai o una wi ili ya alya ni ili yo oso,

adama a na Asula a ta cuwaton le.

<sup>7</sup>Aza a aba'un a da aza a na oo rocosu ozo o ro isa'ani,

adama a na Asula o to roco le isa'ani fo.

<sup>8</sup>Aza a aba'un a da aza a na okolo e le a ri cece, adama a na a ta danu obolo na Asula.

<sup>9</sup>Aza a aba'un a da aza a na aa yuwusan ulinga adama a nden n sa'ani,

adama a na Asula a ta de le muwun ma yi.

<sup>10</sup>Aza a aba'un a da aza a na o sowoi atsumalima a malyungwa,

adama a na aa yuwusan ili i na Asula a cigai,

adama a na tsugono tsa zuva za le da.

<sup>11</sup>“Asula a ta zuwaa du aba'un a mantsa ma na ama e isula ndu. Asula a ta zuwaa du aba'un nna ama a lyungwa du. Asula a ta zuwaa du aba'un nna ama a yuwaan du cu'un ve epen suru adama a va. <sup>12</sup>Ama a ta lyungwa du cine a lyungwai amasula a na a yuwain wuma de nu ujimu. I yuwan mazanga, reve waru asuvu a du o yo'ono,

adama a na i ta ni iliyinkapa ya abunda a pura du de zuva.”

*Akpaɗi ne ekan*

(Mak. 9:50; Luk. 14:34-35)

<sup>13</sup> Aƙpaɗi Yesu lyuwa elime na adanshi, “Aƙɗu ɗa akpaɗi o uvadi. Agba ulobonu u ne u ɗa akpaɗi a ri nna a buwa peme shi? I ta gura zuwa le u yo'oniso? O to oco le reve a dasa le na ana, cine vu revei ili yu pere.

<sup>14</sup> “Aƙɗu ɗa aza a na aa casu uvadi ekan. Yaa gura pa'aton lyuci na ri usuwu a masasan shi. <sup>15</sup> Waru a tsu kaɓato fitila reve a kpaɗo yi na aasa'atsu shi. E eelele a ɗa a tsu zuwa yi adama ekan e ikana, tsara ama a na a ri pe o u'wa'a suru e ene ure. <sup>16</sup> Ne ɗa fo, yo o'wo ekan e ekere a ama o ro. I yuwan ili i sa'ani i na ee ene adama a ciɓala Dada ɗu na ri zuva.”

*Uritosu wa Yesu adama a Wila*

<sup>17</sup> Reve Yesu lyuwa elime u damma, “She i jiyann taƙa ta adama n lungusa Wilaƙ wa Musa ko ili i na amasula o ritoi wan. N taƙa adama n lungusa le shi, amma adama n shiton uritosu u le. <sup>18</sup> Amayun a ɗa maa dansaa ɗu, ko ili i ta yaa pusan atsuma a Wila'a shi, she ni ida na zuwa o koto. Ko ɗani aa puwan shi waru ko madaɓi me idani maa puwan shi, she ni ili biti i shiwan. <sup>19</sup> Ni i 'yuwan ko Wila u ke'en u na u la'ai ukalamu wi ili i na aa yuwan, awu waru i roco ozo o ro a yuwan ne, aƙɗu ɗa yoo o'wo nkosoto atsuma o tsugono tsa zuwa. Amma ni i kuru awu waru i roco ozo o ro ili i na u dammai, i ta tsura ubata u sa'ani atsuma o tsugono'o.

<sup>20</sup> “Munlu n Wilā na Afarishi a ta yuwusan atyo a na aa yuwan adama a kuru Wilā wā Asulā mejege. I ciga i 'yuwan i la'a le atsumā e itoni ya Asulā. Ni i yuwan ne shi, n ta dansaa dū amayun, yaa uwa o tsugono tsa zuva shi.”

*Uritosu wā Yesu adama o upan*  
(Luk. 12:58-59)

<sup>21</sup> Reve Yesu lyuwa elime na adanshi u damma, “Yu uwwa tā a na Wilā wa Musa u dammai, ‘She vu una vuma nu ucigu wā wu wan.’ Waru, ‘Za na unai suru a ciga a 'yuwan e ge'eto yi.’ <sup>22</sup> Gogo gba n ta dansaa dū: nā vu yuwan upan nā za vā wu, a tā ge'eto wu. Nā vu de za vā wu, ‘Aatamu,’ a ta tara wu a tyo ubatā wa Azagbain a Mbara.† Nā vu de za vā wu, ‘Avu aatamu za na ri nā afulā shi,’ vu tā zuzu na vaa uwa a akina a na a ri n kimā shi.

<sup>23</sup> “Adama o ndolo, nā vu ri mishin ubatā u masa'a† a Aa'isamapada a casu une'e ubatā wā Asulā, reve vu cuwushin vuma ro damma tā vu nusaan yi tā, <sup>24</sup> vu lyawa de ili i na vu tawayi ubatā u masa'a'a. Avu vu 'yawa i salalāi nā vuma'a, reve kambā vu ca une'e wā wu.

<sup>25</sup> “Nā vuma ri na adanshi nā avu, avu u ciga u tara wu a tyo ubatā o uge'etosu, i lapula adanshi atsumā a mantsa, kafu i rawa o ukobu wu uge'etosu. Nā vu yuwan ne shi, nā vu rawa de, a ta tara wu a tyo ubatā wu za vu uge'etosu. Reve u zuwa wu e ekere a mumadanga, aza a na a zuwa wu o u'wa wa ali. <sup>26</sup> N ta dansaa wu amayun, voo utā pe shi, she nā vu tsupa ili i na oo tonu wu.”

*Uritosu adama e tsipere*

◇ 5:21 Mtā. 20:13; U.Wl. 5:17.

<sup>27</sup> Reve Yesu lyuwa elime, “Yu uwwa t̄a a na Wilā† wa Musa u dammai, ‘She vu yuwan tsipere wan.’ ◇ <sup>28</sup> Amu gba n ta dansaa d̄u, n̄a vu kalyuwa ka, reve asuvu ā wu ā 'yawa ya'ā yi, vu yuwan t̄a de tsipere n̄a ayi o okolo ā wu. <sup>29</sup> N̄a lyusu vu usa'ani va wu waa zuwusa wu vu yuwan unusu, vu fodo yi vu vari yi. U ta la'aa wu vu lamba upasu u t̄a u lipu va wu, a na lipu va wu suru aa uwa a akina. <sup>30</sup> Nu ukere usa'ani wa wu waa zuwusa wu vu nusan, vu kodo yi vu vari! U ta la'aa wu vu lamba upasu u t̄a u lipu va wu a na lipu va wu suru aa uwa a akina.”

*Uritosu adama a wukasu u lolo*  
(Mat. 19:9; Mak. 10:11-12; Luk. 16:18)

<sup>31</sup> Reve u lyuwa elime u damma, “Yu uwwa t̄a a na Wilā wa Musa u dammai, ‘Vuma ta gura kakasa n̄a ka va yi nu u ca yi aatagada a wukasu u lolo.’ <sup>32</sup> Amu gba n ta dansaa d̄u, she vuma kakasa n̄a ka va yi wan, she nu u yuwan tsipere n̄a vali ro. N̄a wu kasa n̄a ayi u ta zuwa yi wo o'wo aashakala, ununa za na tara niyi suru ri nu unusu u tsipere adama a na u zuwa niyi.”

*Uritosu adama a akucunu*

<sup>33</sup> Reve waru Yesu lyuwa elime na adanshi u damma, “Yu uwwa t̄a a na Wilā wa Musa u dammai, ‘She vu kuḁa akucunu ā wu wan. Ciga 'yuwan vu shiton akucunu a na vu yuwayin Asulazuva.’ ◇ <sup>34</sup> Amu gba n ta dansaa d̄u, i kucina ko ni ili i ro wan, a mantsa ma na yaa yuwusan akucunu! Zuva ubatā u na Asulā ā ri n̄a nden ḁa, adama o ndolo she i yuwan akucunu n̄a zuva wan. <sup>35</sup> Ida u dasata wā Asulā u ḁa, adama o ndolo she i

◇ 5:27 Mta. 20:14. ◇ 5:33 N.Gn. 19:12; Mkc. 30:2; U.Wl. 23:21.



kucina ni ida wan. Urishelima lyuci Mogono ma Gbain ma da, adama o ndolo she i kucina na ayi wan. <sup>36</sup> She i kucina na aci a du wan. Yaa gura zuwa anji a ta a du wo o'wo u'uri ko ulima shi. <sup>37</sup> A mantsa ma na vaa yuwusan akucunu, vu damma 'Ee' ko 'O'o.' Na vu damma ili i na i la'ai 'Ee' ko 'O'o,' wu uta ta ubata wu za wuya.”

### *A yuwan gafura*

*(Luk. 6:29-30)*

<sup>38</sup> Avu Yesu lyuwa elime na adanshi, reve u damma, “Yu uwwa ta a na Wila wa Musa u dammai, ‘Nna za amaton nanza a lyusu ko a aanga, nu u ciga u 'yuwan u tsupa vuma'a lyusu ko aanga o ro na za va yi.’ <sup>39</sup> Gogo gba n ta dansaa du: na za ro nusaan wu, she vu tsupa wan. Nna za ro basa wu o ugbaguzu wu ukere usa'ani vu lyawa yi u koso basa wu o ugbaguzu wu ukere wu ugula. <sup>40</sup> Na wo o'wo za ro damma vu nusaan yi ta, reve u damma za vu uge'etosu u zuwa wu vu ca yi utugu wa wu, vu ca yi aapalutsu a wu fo. <sup>41</sup> Na soja zuwa wu vu tanu itana ya yi mili ta, tanu le a tyo imili i re. <sup>42</sup> Na vuma ro pati wu ili i ro, vu ca yi. Na vuma ro ece wu okopu, vu ca yi.”

### *Icigi yi n'yuwatan*

*(Luk. 6:27-28, 32-36)*

<sup>43</sup> Avu Yesu lyuwa elime reve u damma, “Yu uwwa ta a dammai, ‘Vu ciga moron ma nden ma wu, reve vu 'yuwan n'yuwatan ma wu.’ <sup>44</sup> Amu gba n ta dansaa du, i ciga n'yuwatan n du, reve i yuwaan aza a na oo bongishi du avasa. <sup>45</sup> Ni i yuwan ne, i to o'wo muwun ma amayun ma Dada

---

◇ 5:38 Mta. 21:24.

đu na ri zuva. U tsu zuwa ta urana wu uta ubata wa ama a abula nu ubata wa ama a vama. Waru u tsu yuwan ta iro'i ubata wa aza a na aa yuwusan ili i na i ri mejege nu ubata wa aza a na aa yuwusan ili i babu ulobonu. <sup>46</sup> Cine Asula aa zuwaa du aba'un, ni i ciga aza a na a ciga ndu goon? Ko munlu mu utafa fo a ta yuwusan ne! <sup>47</sup> Waru nni i lobonoto aciyađu e ekere a n'utsa n du goon, i la'a akapi a ama shi. Ko aza a na e revei Asula shi, o tsu lobonoto ta aciyele e ekere a n'utsa n le. <sup>48</sup> Adama o ndolo, yo o'wo aza a abula, ununa Dada du za na ri zuva ri na abula.”

## 6

### *Uritosu adama o ucasu*

<sup>1</sup> Avu Yesu lyuwa elime o ritosu aza a na oo tono yi avu u damma, “I yuwan ugbozu! A mantsa ma na yaa yuwusan ili i sa'ani, she i yuwan adama ama e ene a cuwa du wan. Ni i yuwan ne, yaa tsura iliyinkapa ubata wa Dada du za na ri zuva shi.

<sup>2</sup> “A mantsa ma na yaa casu alambi, she i ca le ununa aza e ikpa'a a tsu yuwan wan. A tsi ivula ta avana atsuma a a'isa ne e re adama ama e ene le a cuwa le. Amayun a da maa dansaa du, aza e ikpa'a o ndolo a ushi ta de iliyinkapa i le. <sup>3</sup> Adama o ndolo a mantsa ma na yaa yuwusaan alambi une'e, i yuwan yi usokowu ununa ukere ugula wa wu wee reve ili i na ukere usa'ani wa wu waa yuwusan shi. <sup>4</sup> I ca une'e u du usokowu, ne da Dada du na revei ili i na i ri usokowu suru, waa ca du iliyinkapa.”

### *Uritosu adama a avasa (Luk. 11:2-4)*

<sup>5</sup> Reve Yesu lyuwa elime na adanshi u damma, “A mantsa ma na i ri a avasa, she yo o'wo ana aza e ikpa'a wan! A tsu la'a ta ciga e isawan a aisa na a nge'en mu re a yuwusan avasa adama ama e ene le. Amayun a da maa dansaa du, a ushi ta de iliyinkapa i le suru suru. <sup>6</sup> A mantsa ma na yaa yuwan avasa, i uwa a aasula reve i baru unantsu. Reve i yuwan avasa a tyo ya Dada du na ri ubata o usokowu'u. Ne da Dada du za na tse ene ili i na yaa yuwusan usokowu, waa ca du iliyinkapa i du. <sup>7</sup> Waru a mantsa ma na i ri avasa, she yoo o'wo ana aza a na e revei Asula shi wan. Adama a na a tsu kambuwusa ta ili i na i ri na aci shi. A ta zuwusa Asula a ta uwwa le adama a abunda a adanshi e le. <sup>8</sup> She yo o'wo ana ele wan. Adama a na Dada du reve ta de ili i na i cigai kafu i pati yi.

<sup>9</sup> “Adama o ndolo, na yaa yuwan avasa, i vasa tsunda:

‘Dada tsu na ri zuva,†  
kamba tsu tsu ca aala a wu tsugbain.

<sup>10</sup> Tsugono tsa wu tsa tawa,  
adama vuma biti o uvadi u yuwan tsutoni na avu,  
Ununa aa yuwusan tsutoni na avu zuva.

<sup>11</sup> O urana wa ana'an vu ca tsu ilyalya i malya.

<sup>12</sup> Vu yuwaan tsu gafura vu nusu u tsu,  
adama a na atsu tsaa yuwusaan aza a na aa yuwusan tsu unusu gafura.

<sup>13</sup> She vu lyawa tsu tsu uwa a malyungwa wan,  
agba vu wawa tsu e ekere a za wuya.’\*

<sup>14</sup> “Amayun nni i yuwaan ozo o ro gafura vu nusu le, Dada du na ri zuva u ta yuwaan du fo

\* **6:13** Akuci a atagada a dashi ta, “Tsugono na tsugbain nu ucira za va wu da babu ukotu suru suru, ami.”

gafura vu nusu ɗu. <sup>15</sup> Amma ni i yuwaan ozo o ro gafura shi, Dada ɗu na ri zuva waa yuwaan ɗu gafura vu unusu u ɗu shi.”

### *Uritosu adama a akuli*

<sup>16</sup> Reve Yesu lyuwa elime na adanshi u damma, “A mantsa ma na yaa yuwusan akuli, she i lukuta urewesu u ɗu ununa aza e ikpa'a a yuwusan wan. A tsu vadala ta o o'wo ili i ro ko'o adama ama e reve a na a ri a akuli. Amayun n ta dansaa ɗu, aza e ikpa'a o ndolo a tsura ta de iliyinkapa i le suru suru. <sup>17</sup> Amma a mantsa ma na i ri a akuli, i sa'a urewesu u ɗu avu yi sara anji a ɗu. <sup>18</sup> Ne da za ee reve a na i ri a akuli shi, she de Dada ɗu, za na ri ubata o usokowu suru. Waru a na u revei ili yu usokowu suru, u ta ca ɗu iliyinkapa.”

### *Utsuru zuva (Luk. 12:33-34)*

<sup>19</sup> Yesu lyuwa ta elime adansa, “She i bolotowo aciyadu uzuwa pa o uvadi wan! Ikupu na matsafi ma ta lungusa le, waru evu a ta gura boso a uwa pe e iva le. <sup>20</sup> Amma, i yuwan izuwa i ɗu zuva, ubata u na ikupu na matsafi ma lungusa le shi, waru evu aa gura boso a uwa pe e iva le shi. <sup>21</sup> Okolo a ɗu a ta dana ubata u na uzuwa u ɗu u ri kuci.

### *Ekan a lipu*

<sup>22</sup> “Esu ele da o o'woi ana fitila lipu. Ne esu a wu a ri ulobonu, lipu va wu suru u to o'wo ne ekan maɓula. <sup>23</sup> Amma ne esu a wu a ri ulobonu shi, lipu va wu maɓula u ta dana atsuma e irumbu. Ne ekan a na a ri pe ya'a wu wo o'wo irumbu, to, amayun vu ta atsuma e irumbu i gbain.

*Asulā nu utsuru u vuma*

*(Luk. 16:13)*

<sup>24</sup> “Ko za lo aa gura yuwaan azagbain e re tsugbashi shi. Vu ta 'yuwan za tā, reve vu ciga za tā. Ko vu kuru za tā, reve vu 'yuwan a kuru za tā. Vaa gura yuwaan Asulā nu utsuru aganda shi.”

*She vu dama wan*

*(Luk. 12:22-31)*

<sup>25</sup> Reve Yesu lyuwa elime na adanshi, “N ta dansaa du, she i dama adama e ilyalya ni ili yo oso i na i cigai adama yo o'wo wuma wan. She i dama adama e itana yu u'otosu i lipu i du wan. Wuma u la'a tā ilyalya, waru lipu la'a tā itana i lipu. <sup>26</sup> Kalyuwai nnunu! A tsu cu'wan shi, agba aa gasa shi. A tsu zuwa ilyalya o mpon shi. Agba suru na ne Dada du na ri zuwa u tā kalyuwusa le. Agba i reve tā na i la'ai nnunu pepere. <sup>27</sup> Yaa gura dashi ko mini† ma tā a wuma u du shi ni i dama adama a yi.

<sup>28</sup> “Adama a nye vu damai adama e itana yu u'otosu? Kalyuwai ununa yipalu yu una i tsu kungwa. A tsu yuwan ulinga adama a yuwan itana i le shi. <sup>29</sup> Amma n ta dansaa du, ko Sulemanu† nu utsuru wa yi suru, wo oto itana i sa'ani reve u lobono vamma za tā le shi. <sup>30</sup> Asulā o to fobuso anlya o ogozo, aza a na a ri wuma ana'an, nfa'an gba shi a kulato. U lobono tā i gura reve Asulā a ta ca du itana yu u'otosu. She i dana nu ucawu wo okolo wa'a wan! <sup>31</sup> She i dama wan hali i damma, ‘Nye tsaa lyuwa?’ ko ‘Nye tsoo sowo?’ ko ‘Nye tsoo oto?’ <sup>32</sup> Ama a na e revei Asulā da

† **6:27** Pa nda mini u ta yuwusan adanshi a mantsa wa'a ayi da Agana a tsu de “minti” va agogo.

shi goon a tsu dama adama e ili i ndolo. Dada ɗu na ri zuva reve ta na i cigai ili i ndolo suru. <sup>33</sup> Ili i na yaa la'a ciga ayi da tsugono tsa Asula, reve waru i yuwan ili i na Asula a cigai. Reve a ca ɗu akapi e ili i na i cigai suru. <sup>34</sup> Adama o ndolo, she i dama adama a nfa'an wan, adama a na nfa'an ta dama adama a aciyayi. Adama o ndolo she i dashi addama a aci a addama na urana suru waa tawaa wan.”

## 7

### *She i ge'eto wan*

*(Luk. 6:37-38, 41-42)*

<sup>1</sup> Avu Yesu lyuwa elime o ritosu aza a na oo tono yi, reve u damma, “She i ge'eto za ro wan, adama Asula e ge'eto ɗu wan. <sup>2</sup> Na makundatsu ma na i ge'etoi ozo o ro, na ayi da aa yuwaan ulinga e ge'eto ɗu.

<sup>3</sup> “Nye i zuwai vaa kanlasa macaka ma na ma ri pe a lyusu vu za va wu, reve vi icina na aagbala a na a ri pe a lyusu va wu? <sup>4</sup> Cine vaa gura damma za va wu, ‘Lyawa mu utaa macaka ma na ma ri a lyusu va wu?’ Vu kalyuwa aciyawu! Avu gba vu buwa ta na aagbala o ndolo a lyusu va wu. <sup>5</sup> Avu za vi ikpa'a! Utaa ne'en aagbala a na a ri a lyusu va wu, reve ve ene ulobonu ununa voo utaa macaka ma na ma ri a lyusu va yi.

<sup>6</sup> “She i ca musan ili i na i ri za va Asula wan. A ta vadala aa amaton wu. She i variya ngurusumu iyefi yi ikebeɗ wan. A ta dadasa le.”

### *Pati, zami, gugula*

*(Luk. 11:9-13)*

<sup>7</sup> Reve waru Yesu dammisa, “I lyuwa elime ni ipati, a ta ca ɗu ili i na ya patishi. I zamishi, i ta tsura. Yi gulusa a yuwusan ‘Azo'wa,’ Asula a ta zuwa a kpatu'waa ɗu unantsu. <sup>8</sup> Adama a na za vi ipati suru a tsu ca yi ta. Waru za vi izami suru, u ta tsura. Waru nna ama a lyuwa elime na wugulusa, Asula a ta kpatu'waa le.

<sup>9</sup> “Atsuma a ɗu zane da aa ca mawun ma yi aatali, nna mawu'un u pati yi ilyalya? <sup>10</sup> Vu ta ca yi aagbaji, nna u pati wu magula? <sup>11</sup> Adu na i ri aza o unusu, i reve ta cine yaa ca muwun n ɗu ili i sa'ani. Dada ɗu gba na ri zuwa, za na ri na abula, u tu ufoɓu u na waa ca aza a na a pati niyi ili i sa'ani! <sup>12</sup> Ununa i cigai ama a yuwaan ɗu, i yuwaan le fo ne. Ayi nda ayi da urevu u Wila wa Musa nu uritosu wa Amasula.”

*Unantsu wu uɓoru*  
(Luk. 13:24)

<sup>13</sup> Reve Yesu damma, “I uwa o tsugono tsa Asula nu unantsu wu uɓoru. Adama a na ure nu unantsu u na waa 'yawa o u'wa wa akina a ta washin waru a ri usan wu mmalu shi, waru ama na abunda oo tono ure'e. <sup>14</sup> Amma unantsu u na u ri a tyo ubata u wuma u na woo koto shi, u tu uɓoru waru ure'e u tu usan wu mmalu, waru ama wa'a da oo tono ure'e.”

*Udanga na muwun ma yi*  
(Luk. 6:43-44)

<sup>15</sup> Avu Yesu lyuwa elime na adanshi, “I danu nu ugbozu adama a amasula e epen. A ta tawa ɗu vadamma ikyon i da, agba atsuma e le a ta ni iwuya vadamma nkerenkesu. <sup>16</sup> I te reve le e ili i na aa yuwusan, ununa vee reve udanga nna ve

ene umatsun wā yi. A tsu taḅa ubiri o uḁanga wa awanda shi, ko aḁyumbu a ataci† shi. <sup>17</sup> Uḁanga u sa'ani u tsu matsan tā muwun n sa'ani mā aḅula, agba uḁanga u babu aḅula u tsu matsan muwun n sa'ani shi. <sup>18</sup> Uḁanga u sa'ani u tsu matsan muwun m babu ulobonu shi, waru uḁanga u babu aḅula u tsu matsan muwun n sa'ani shi. <sup>19</sup> Ama o tsu kodo tā uḁanga suru u na u tsu matsan muwun mā aḅula shi, reve a kulato yi. <sup>20</sup> Ne ḁa fo, i te reve ama e ili i na aa yuwusan.”

*“N reve ḁu shi”  
(Luk. 13:25-27)*

<sup>21</sup> Reve Yesu damma, “Za na ee ḁesu mu Zagbain Zagbain suru ḁa aa uwa o u'wa u tsugono tsa zuva shi. Ama a na aa uwa o tsugono tsa zuva goon, ele ḁa aza a na aa yuwusan ili i na Dada vā va zuva cigai. <sup>22</sup> O urana wu uge'etosu ama nā aḅunda e te ḁe mu Zagbain le. A ta damma, ‘Tsu yuwan tā alajiya aṡsumā a aala a wu, waru aṡsumā a aala a wu tsu utaā tā otoni a lima, waru tsu yuwan tā linga va asalama a aḅunda.’ <sup>23</sup> Reve gba n damma le, ‘N reve ḁu shi. I ne'e mu ure, aḁu aza a aciyogbamu!’ ”

*Asuwi e re  
(Luk. 6:47-49)*

<sup>24</sup> Avu Yesu damma, “Adama o ndolo, za na aa uwwusa ili i na maa ḁansa, reve u yuwan tsutoni ne ele, u tā vadamma suwi vā aḅula na suwai u'wa wā yi a aatali. <sup>25</sup> Ko nā mini mā gbain mā tāwā, ko nā ḁolu tāwā, waru nu upepu u keḁe yi usaa'a, wāa riyā shi, adama a na a suwa yi tā a aatali.

<sup>26</sup> “Amma za na uwwai adanshi, agba u yuwan tsutoni ne ele shi, u tā vadamma ulo u vuma u na u



suwai u'wa wā yi a wuyun. <sup>27</sup> Nnā mini ma gbain ma tawā, ko dōlu tawā, waru nu upepu u kebe yi she u ramo, reve wu boso suru suru.”

*Ucira wā Yesu*  
(Mak. 1:22; Luk. 4:32)

<sup>28</sup> Ana Yesu kotoi a yuwusan adanshi a nda, reve obolo a ama'a a uwa asalama nu cu'un vu uritosu wā yi. <sup>29</sup> Adama a na u danā vadamma munlu n Wilā shi, agba u yuwan tā uritosu tsu za vu ucira.

## 8

*Yesu kambato tā makutu gbaga*  
(Mak. 1:40-45; Luk. 5:12-16)

<sup>1</sup> Ana Yesu cipai zuva masasa'an, reve abajini o obolo a ama o toni yi. <sup>2</sup> Reve makutu ma cina yi. Avu u kadato a makakan mā yi reve u damma, “Zagbain, nā vu usu vu kambato mu gbaga, vu ta gura kambato mu.”

<sup>3</sup> Reve Yesu canana ukere wā yi, avu u ju'wan yi avu u damma, “N usu tā. Kamba gbaga!” Babu usan dada ukutu'u u lyawa niyi, avu wo o'wo gbaga! <sup>4</sup> Reve u damma yi, “She vu damma za ro ili i na i farai wan. Amma vu 'yawa vu roco aciyawu ubata wa ganu,† reve vu ca kucii† cine Musa dammai aza a na a kambai gbaga a ca. Ayi nda u to roco ama a na vu kambai gbaga.”

*Yesu kambato tā aagbashi a yali ro gbaga*  
(Luk. 7:1-10)

<sup>5</sup> Reve Yesu kara a tyo Kafarnahum. Ana u uwai atsuma a lyuci gbain, yali† ya Roma i ro i cina yi tā, reve u pati yi u kamba yi. <sup>6</sup> Reve u damma, “Zagbain, n tā na aagbashi a na a ri ubanakun lon.

U t̄a d̄e o u'wa nven, u tsu gura jingad̄a lipu v̄a yi shi. U ta uwwusa lipu lon.”

<sup>7</sup> Reve u damma, “N t̄a 'yawa n kambato yi gbaga.”

<sup>8</sup> Reve yali'i u usu, “Zagbain, n rawa vu tawa o u'wa u v̄a shi. Yuwan adanshi goon, aagbashi a v̄a a t̄a kamb̄a gbaga. <sup>9</sup> N t̄a n̄a nan yali a gbagbain a na a tsu damma mu n yuwan ulinga, amu fo n tsu damma t̄a asoja a v̄a ili i na aa yuwan. N tsu damma t̄a soja, ‘Wala,’ reve u wala. Reve waru n damma soja ro, ‘Tawa,’ reve u tawa. Waru n tsu damma t̄a aagbashi a v̄a, ‘Yuwan nda,’ reve u yuwan. N reve t̄a a na adanshi a wu a ri nu ucira.”

<sup>10</sup> Ana wu uwwai adanshi o ndolo, u yuwan t̄a asalama. Reve u damma aza a na oo tono yi, “Amayun a d̄a maa dansaa du, ucawu wo okolo a vuma nda u la'a t̄a ucawu wo okolo a na me enei atsuma e ida ya Isra'ila suru. <sup>11</sup> Ama n̄a abunda a to ut̄a asana n̄a alivu, a t̄a danu, reve a lyuwa obolo n̄a Ibrahim, n̄a Ishiyaku, n̄a Yakubu atsuma o tsugono tsa zuva. <sup>12</sup> Amma a ta vari aza a na a shi a ntsayi a uwa o tsugono'o atsuma e irumbu picim. A t̄a shon na a lumi anga adama a atsumalima.”

<sup>13</sup> Reve Yesu damma yali'i, “Wala a tyo o u'wa. Aagbashi a wu a t̄a kamb̄a gbaga cine vu cayi okolo.” A mantsa mo ndolo ma d̄ada gan aagbashi a yi a kamb̄a gbaga.

*Yesu yuwaan t̄a ama a abunda opocino  
(Mak. 1:29-34; Luk. 4:38-41)*

<sup>14</sup> Ana ayi ndolo kotoi, avu Yesu 'yawa o u'wa wa Bituru, reve u cina anawale Bituru nven ni ivuna.

15 Reve u ju'wan ukere wa yi, reve ivuna'a i lyawa yi, reve u 'yon daɗa u cayi Yesu ilyalya.

16 Nu ulivu u ndolo ama a tawa yi ta na ama a abunda a na a ri no otoni a lima.† Reve u bara otoni a lima'a daɗa a lyawai ama'a, reve u kambato aza o ubanaku'un suru gbaga. 17 U yuwan ta ili i nda tsara u shiton ili i na Ishaya vumavasula dammai: “U tara ta banakun tsu, reve waru u tawa mɓala n tsu.” ◇

*Ama a ciga ta o toni Yesu  
(Luk. 9:57-62)*

18 Ana Yesu enei abajini o obolo a ama zuzu na ayi, reve u damma a 'yawa upasalai u mala u ndede. 19 Reve manlu ma Wila mo ro ma tawa ubata wa yi avu u damma, “Manlu, n ta kuru wu ubata u na va 'yawa suru.”

20 Reve u damma yi, “Nranji n ta na angu a nden, nnunu n ta ni ikinda, amu agba, Mawun ma Vuma† n ri nu ubata u na maa gbasato shi.”

21 Avu vuma ro za na danai toni va Yesu, damma yi, “Zagbain, lyawa mu ne'en n 'yawa n cido aabara a va.”

22 Reve u damma yi, “Toni mu, avu vu lyawa akwakwa a cido akwakwa e le.”

*Yesu isawaton ta upepu u mala  
(Mak. 4:35-41; Luk. 8:22-25)*

23 Avu Yesu uwa atsuma a wantsun, tsara u 'yawa upasu u mala u ndede obolo no ojoro a yi. 24 Reve abajini o upepu u mala u 'yon, avu u jingadasa wantsu'un, hali mini ma kara a uwusa yi, agba Yesu dana ta pe a nlavu. 25 Reve ojoro a

yi a 'ya<sub>w</sub>a uba<sub>t</sub>a wa yi, a<sub>v</sub>u a 'ya<sub>s</sub>a<sub>n</sub> yi na yisaali,  
 “Zagbain, wawa tsu! Tsu ciga ta mali<sub>b</sub>aa!”

<sup>26</sup> A<sub>v</sub>u u usu le, “Adama a nye yu uwwai wovon?  
 I ri nu ucawu wo okolo a<sub>b</sub>unda shi.” Reve u 'yon  
 a<sub>v</sub>u u bara upepu'u ni ike<sub>f</sub>u i mini'i, a<sub>v</sub>u upepu'u  
 u von kwin.

<sup>27</sup> Ojoro'o a yuwan ta asalama lon reve a  
 damma, “Cu'un vuma ne da tsunda? Hali upepu  
 ni ike<sub>f</sub>u i mini a yuwan tsutoni na ayi!”

*Yesu yuwaan ta ama e re a na a ri no otoni a lima  
 opocino*

*(Mak. 5:1-20; Luk. 8:26-39)*

<sup>28</sup> Ana Yesu rawai upasalai wu nge'en u mala  
 zuzu na lyuci va Gadara, reve ama e re a na a ri  
 no otoni a lima a ga'an na ayi. Uba<sub>t</sub>a wa ason a  
 da ama a nda a tsu da<sub>n</sub>a, waru a da<sub>n</sub>a nu uyo'o  
 shi, babu za na tsu gura toni lo. <sup>29</sup> A<sub>v</sub>u e teme  
 a saalasa<sub>a</sub> yi, “Cine vaa damatosun tsu, Mawun  
 ma A<sub>s</sub>ula? Vu ta<sub>w</sub>aa tsu ta na atsuma<sub>l</sub>ima kafu  
 mantsa ma na A<sub>s</sub>ula a zuwai!”

<sup>30</sup> Zuzu nu uba<sub>t</sub>a'a, obolo a ngurusumu a da<sub>n</sub>a  
 ta lo a alyuna. <sup>31</sup> A<sub>v</sub>u otoni a lima'a a pati yi, “Na  
 vu uta<sub>a</sub> tsu atsuma a ama a nda, vu yuwan ankuri  
 vu ca<sub>c</sub>o tsu atsuma o obolo a ngurusumu a ndede.”

<sup>32</sup> Reve Yesu damma le, “Walai!” A<sub>v</sub>u otoni a  
 lima'a a lyawa ama'a, a<sub>v</sub>u a uwa atsuma a ngu-  
 rusumu'u. Reve ngurusumu'u suru a suma a tyo  
 za<sub>l</sub>a va agadi a tyo atsuma a mala, a<sub>v</sub>u a ku<sub>w</sub>a pe.

<sup>33</sup> Reve ama a na a danai a agu<sub>6</sub>a a ngurusumu'u,  
 a suma a tyo a lyuci, reve a damma ili i na i farai  
 suru, hali ni ili i na i farai na ama e re'e. <sup>34</sup> Reve  
 ama suru atsuma a lyuci'i o uta tsara e ene Yesu.

Ana e ene niyi, avu a pati yi u kara u lyawaa le ida i le.

## 9

*Yesu kambato ta osowi a lipu gbaga*  
(Mak. 2:1-12; Luk. 5:17-26)

<sup>1</sup> Avu Yesu uwa a wantsun a kambā a tyo up-asalai u mala a tyo a lyuci na u shi nā nden.\* <sup>2</sup> Ana u rawai de, reve ama o ro a tawaa yi nā vuma na ri no osowi a lipu a aavalu. Ana Yesu enei ucawu wo okolo wa ama a nda, reve u damma yi, “Ulobo, she vu uwwa wovon wan. A yuwaan wu ta gafura wu unusu wa wu.”

<sup>3</sup> Avu munlu n Wilā n ro n dammulai vāni le, “Vuma nda u ta yuwusan adanshi a tarasa aciyayi Asulā a da!”

<sup>4</sup> Ana u revei cu'un majiyan ma na aa yuwusan, daɗa we ece nle, “Nye i zuwai yaa yuwusan majiyan me iwuya i nda? <sup>5</sup> Zane da la'ai babu usan a na a damma, ‘A yuwaan wu ta gafura wu unusu wa wu,’ ko ‘Yon vu wala?’ <sup>6</sup> Agba amu n to roco du a na amu, Mawun ma Vuma, n ta nu ucira atsuma o uvadi u nda n yuwan gafura vu unusu.” Daɗa u dammai aakutsuma'a, “Yon, vu tara aavalu a wu, avu vu kara a kambā o u'wa.” <sup>7</sup> Reve u 'yon u kara a tyo o u'wa. <sup>8</sup> Ana ama e enei ili i ndolo, a yuwan ta asalama, reve a yuwaan Asulā ica a na u cayi vuma cu'un vu ucira u nda.

*Yesu de ta Matta*  
(Mak. 2:13-17; Luk. 5:27-32)

---

\* **9:1** A mantsa ma nda u shi ta nden a lyuci na a tsu de Kafar-nahum (Mat. 4:13).

<sup>9</sup> Reve Yesu lyawa ubaṭa u ndolo, u lyuwa elime na mmalu, daḍa we enei vuma ro na a tsu de Matta, za na shi nden ubaṭa u na u tsu ushishi utafa. Daḍa u damma niyi, “Toni mu.” Avu u 'yon u toni yi.

<sup>10</sup> A tyo de, avu Yesu no ojoro a yi a danu alya e ilyalya o u'wa wa Matta. Aza o u'ushishi wu utafa na abunda na aza o unusu o ro a dana ta lo. <sup>11</sup> Ana Afarishi enei ili i ndolo, avu e ece ojoro a yi, “Cine manlu ma du maa lyuwusa ilyalya ni icu'un ya ama o ndolo?”

<sup>12</sup> Yesu uwwa le ta avu u usu le, “Aza a na a ri gbaga a ciga za va aguma shi, amma aza o ubanakun a ciga ta. <sup>13</sup> 'Yawa i rito ili i nda i na Adanshi a Asula aa dansa, 'Ana yaa yuwaan mu kucci, u la'aa du ta ye ene iliyali yo ozo o ro.’ ◇ N tawa adama m banu ama a abula tsara o o'wo aza e itoni a va shi. Amma n tawa ta m banu aza o unusu.”

*A yuwan ta Yesu yeci adama a akuli  
(Mak. 2:18-22; Luk. 5:33-39)*

<sup>14</sup> Urana u ro, ojoro a Yahaya za vu Urumbusu a tawa ta ubata wa Yesu, reve a yuwan yi yeci, “Nye i zuwai atsu na Afarishi tsa yuwusan akuli, agba ojoro a wu aa yuwusan shi?”

<sup>15</sup> Avu Yesu usu, “Ama a vali vu kasa'avu a tsu yuwan atsumolangu shi, nu u ri obolo ne ele. Amma mantsa ma ta tawa a na aa tara vali'i e memere me le, a mantsa ma daḍa aa yuwan akuli.

<sup>16</sup> “Babu za na a pada umuna u sa'avu u lapulaa ubamu wa akuci o utugu wa yi. Nu u yuwan ne, umuna u sa'avu u ta vuranu avu u kara akuci o utugu'u, agba apadi o umuna u sa'avu'u waa ntsaa

a akuci o utugu'u shi. Ne ɗa ubamu'u waa dashi washin. <sup>17</sup> Waru, aa tsun ribina sa'avu a akuci e itsan yu kwan shi, adama a na ribina'a nu u kutsa, u to boso itsa'an, reve woo oco waru itsa'an a langa. Amma ama a tsu tsun ta ribina sa'avu kuci e itsan i sa'avu. Avu suru nle a dana gbaga.”

*Aakwakwa o usheli na ka vu ubanakun  
(Mak. 5:21-43; Luk. 8:40-56)*

<sup>18</sup> Yesu atsuma a adanshi, avu zagbain va aa'isa ro tawa ya'a yi. Reve u kingyo a makakan ma yi avu u damma, “Usheli u va u kuwa ta gogo. Agba na vu tawa vu kuruwa yi ukere, u ta kambisa wuma.” <sup>19</sup> Reve Yesu na aza a na oo tono yi a 'yon avu o toni zagbai'in.

<sup>20</sup> Avu ka na dana'i o ocosu mpasa hali a'wan kupa ne ejere tawa acapa e Yesu, avu u ju'wan yi nge'en mu utugu. <sup>21</sup> U dana ta a majiyan, “Na n ju'wan utugu wa yi goon, n ta kamba gbaga.”

<sup>22</sup> Reve Yesu vadala daɗa we ene niyi, avu u damma, “Usheli, she vu uwwa wovon wan! Ucawu wo okolo a wu u kambato wu ta gbaga.” Avu ka'a wo o'ushi gbaga.

<sup>23</sup> Reve Yesu lyuwa elime na mmalu obolo na zagbai'in a tyo o u'wa wa yi, avu we ene aza e ishpa ya acida na ama a abunda e mesun. <sup>24</sup> Avu u damma, “Utai suru ndu! Usheli'i u kuwa shi. Nlavu n da waa yuwusan.” Avu ama'a a yuwaan yi izo'oshi yu ulamu. <sup>25</sup> Amma ana o lo nle o uta a alanga, avu u kara a tyo ubata u na usheli'i u ri nven. Reve u reme yi ukere, daɗa usheli'i u 'yoyin. <sup>26</sup> Alabari'i a baza ta ubata suru atsuma e ida'a.

*Yesu yuwaan ta nrumba n re opocino*

27 Ana Yesu lyawai ubaṭa'a, aḡi aṭsuma a mmalu, aḡu nrumba n re n toni yi. Aḡu a saala, "Mawun ma Dawuda, kaḡyuwa iliyali i tsu!"

28 Ana Yesu uwai o u'wa u ro, aḡu nrumba n re'e n taḡa ubaṭa wa yi. Reve we ece le, "I usu ta n ta gura zuwa du ye ene ure?"

Aḡu a usu, "Ee, Zagbain."

29 Aḡu u ju'wan esu e le reve u damma, "Adama o ucawu wo okolo a du, ne da woo o'wo." 30 Reve ama'a a gura ene. Agba u rono le ta atsuvu lon, adansa, "She i damma vuma ro adama a nda wan." 31 Agba ana o utai aḡu a kara a bazasa alabari'i ubaṭa suru aṭsuma e ida'a.

*Yesu ca ta vuma na tsu gura yuwan adanshi shi lafiya*

32 Ele a makaṙaa, aḡu ama a taḡaa na vuma ro ubaṭa wa Yesu. Otoni a lima† a na a danai pe aṭsuma a vuma'a a putsaa yi ta a na waa yuwan adanshi. 33 Ana Yesu loyi otoni a lima'a, aḡi za na shi tsu gura yuwan adanshi shi, aḡu u fara adanshi. Aḡu obolo a ama'a a uwa asalama reve a damma, "Koto tse ene cu'un vi ili i nda aṭsuma a Isra'ila shi."

34 Reve Afarishi a damma, "Mogono mo otoni a lima ma da ma ca niyi ucira u na u loyi otoni a lima'a."

*Yesu ene ta iliyali ya ama*

*(Mak. 1:39; Luk. 4:44)*

35 Yesu tonishi ta a burusa ilyuci na mulyuci suru. U ritosu ta a a'isa, u yuwan ta alajiya a Alabari a Sa'ani adama o tsugono tsa Asula, aḡu u ca ama a na a ri ubanakun na mbala icu'un icu'un lafiya. 36 Ana we enei obolo a ama'a, reve we ene



le iliyali lon, adama a na a ḍana ta udamu waru babu ikambi, gashi ikyon i na i ri babu za va aguḍa. <sup>37</sup> Avu u damma o joro a yi, “Ugasa u ta abunda, agba aza o ugasa'a wa'a ḍa a ri. <sup>38</sup> Adama o ndolo i pati za vu uḍuma'a u lyungu aza o ulinga adama tsara a yuwaan yi ulinga.”

## 10

### *Yesu lyunguyi Kupanejere*

(Mak. 3:13-19; Luk. 6:12-16)

<sup>1</sup> Avu Yesu ḍe o joroḥ a yi ubata u ta, avu u ca le ucira o lo otoni a lima, avu a kambato aza o ubanakun na mḅala suru gbaga.

<sup>2</sup> Aajiyaḥ o ufaru atsuma a kupa ne ejere'e ayi ḍa Simo, za na a la'a ta reve yi na aala Bituru. Mawun ma anawu ma yi Andarawu aajiya ḍa fo, ne ḍa fo Yakubu na Yahaya, olobo e re a Zabadi. <sup>3</sup> Filibu fo, obolo na Batalamawu, ne ḍa fo Toma, ozo o ro waru ele ḍa Matta za vu u'ushishi wu utafa,ḥ na Yakubu ulobo wa Alfa, na Tadawu ele fo ajiya ḍa a ḍana. <sup>4</sup> Akapi gba ele ḍa Simo, za na a tsu ḍe Bakanani,\* na Yahuza Iskariyoti, za na winai Yesu.

### *Ulinga wa Kupanejere'e*

(Mak. 6:7-13; Luk. 9:1-6)

<sup>5</sup> Ana Yesu lyunguyi Kupanejere'e,ḥ apa ili i na u damma nle, “She i uwa ubata wa Atakpacih wan, waru she i uwa atsuma e ilyuci ya aza a Samariya wan. <sup>6</sup> Ubata wa aza a Isra'ila ḍa goon yaa 'yawa, adama a na a ta gashi ikyon i na i puwayin. <sup>7</sup> Ni

\* **10:4** Ayi aala “Bakanani” to rocosu tsu vuma'a u tu nu uzuwu wa aci adama u kamba ama a yi.

i 'yawa, i damma a na tsugono tsa zuva tsa<sub>2</sub> lapa tawa shi. <sup>8</sup> Aza o ubanakun i kambato le gbaga, i 'yasan aza a na a kuwai, nkutu waru i kambato le cece, yu utaa otoni a lima. Une'e u da i ushiyi, waru i ca pere. <sup>9</sup> She i bana ikebe,† ko zinariya, ko azurufa, ko ikebe vu rumushili wan. <sup>10</sup> She i tara tsan ko utugu u ro ko aatan ko aadanga wan. Ama a na yaa kambusa, ele fo a kamba du e ili i na i cigai.

<sup>11</sup> “Ni i uwa a lyuci ko a malyuci, i zami vuma va abula i danu obolo na ayi hali i lyawa ubata'a. <sup>12</sup> Ni i uwa o u'wa'a, i casa le avu i damma, 'Azo'wa, i dana na asuvu nden.’ <sup>13</sup> Na ama a na a ri nden pe a usu du, i lyawa asuvu nden a du a dana ne ele. Agba na a usu du shi, asuvu nden a du o o'wo ya'a du. <sup>14</sup> Waru nu u'wa ko lyuci a 'yuwan a ushi du ko o poloo du atsuvu, i lyawa ubata'a, avu yi kakala mabutā ma ana mā du.† <sup>15</sup> Amayun a da maa dansaa du, o urana wu uge'etosu, Asula a ta la'a roco isa'ani a tyo a ama o Sodom† na Gomora na ama a lyuci'i!”

*Yesu damma le ta addama o ta lo a tawa  
(Mak. 13:9-13; Luk. 21:12-17)*

<sup>16</sup> Reve Yesu lyuwa elime na adanshi, “N ta lyungusu du ana ikyon atsuma a nkerenkesu. I dana nu ugbozu tse iyo, agba i dana babu iwuya tsa mufa. <sup>17</sup> I yuwan ugbozu, adama a na aza a na e reme du a ta lo, avu a 'yawato du ubata wa aza o uge'etosu, reve a zuwa a fufaba du atsuma a

---

† **10:14** A mantsa mo ndolo, na vuma zakatsa mabutā mā atugu ko wu kala mabutā ma ana mā yi, ure u ro u da u na woo roco wu kasa ta aciyayi na ama a lyuci ndolo.

a'isa. <sup>18</sup> A ta 'yawato du a makakan me igwamna na ngono, adama a na yoo tono mu. U to o'wo du ure u na yaa damma le adama a va, waru i yuwan alajiya atsuma o uvadi. <sup>19</sup> Mantsa ma na nanza reme ndu, she i dama adama e ili i na yaa damma ko cine yaa damma wan. A mantsa mo ndolo, Asula a ta ca du ili i na yaa damma. <sup>20</sup> Adanshi a na oo uta o una u du za du da shi, ubata wa Ruhu va Dada du da woo uta a tyo ya'a du.

<sup>21</sup> "Ama a ta wina muwun ma anawu n le, tsara o una le. Ne da fo nshawu maa yuwaan muwun n le. Waru muwun n 'yasaan nshawu n le aci, adama a zuwa o una le. <sup>22</sup> Ama suru a ta 'yuwan du adama a va. Amma aza a na a kabai asuvu atsuma o ucawu wo okolo e le a tyo o ukosu, Asula a ta wawa le. Na ama o bongi du a lyuci ro, i lyawa yi i tyo a lyuci ro. <sup>23</sup> Amayun a da maa dansaa du, amu Mawun ma Vuma, n ta tawa kafu i kandaruwa ilyuci ya Isra'ila suru.

<sup>24</sup> "Mawun ma makaranta ma la'a manlu ma yi shi. Waru aagbashi a la'a zavu'wa va yi shi. <sup>25</sup> U lobono ta mawun ma makaranta mo o'wo gashi manlu ma yi, aagbashi waru gashi zavu'wa va yi. Ana wo o'woi amu zagbain vu u'wa, e de mu ta Ba'alzabu,† mogono mo otoni a lima, ele aza o u'wa a na a buwai e te de le na ala a na a la'ai ndolo uwuyanu!"

*She yu uwwa wovon wan*

*(Luk. 12:2-7)*

<sup>26</sup> Aƴu waru Yesu dammisa, "She yu uwwa wovon wa ama o ndolo wan, adama a na ili i na i ri usokowu suru gogo, a ta utaa yi a alanga e eteshe. <sup>27</sup> Atsuma e irumbu a da maa yuwusan du

adanshi, aḍu gba i damma yi aṭsuma e ekan. Ili i na a dammai na yemenu usokowu, i damma yi alanga e eteshe nu uḍyo zuva.

<sup>28</sup> “She yu uwwa wovon wa aza a na a cigai o una ḍu wan. A ta gura una lipu ḍu goon, agba aa gura una wuma u ḍu shi. Amma yu uwwa wovon wa Asula, za na aa gura una lipu na wuma a akina. <sup>29</sup> Ashe a tsu wina nnunu mutali n re kobo† ta shi? Agba ko za ta le aa kuwa babu urevu wa Dada ḍu shi. <sup>30</sup> Asula e reve ta abunda a anji a na a ri a aci a ḍu. <sup>31</sup> Adama o ndolo she yu uwwa wovon wan. I la'a ta mutali tsugbain na abunda.

*I damma ama adama a Kristi*  
(Luk. 12:8-9)

<sup>32</sup> “Ni i roco ozo o ro aḍu aza a va a da, n ta damma Dada va na ri zuva aḍu otoni a va a da. <sup>33</sup> Amma ni i wasan mu, n ta damma Dada va za na ri zuva aḍu aza a va a da shi.”

*Babu asuvu nden amma addama*  
(Luk. 12:51-53; Luk. 14:26-27)

<sup>34</sup> Aḅu Yesu lyuwa elime adansa, “She i yuwan majiyan n tawaḅa ta na asuvu nden aṭsuma o uvadi wan. N tawaḅa na asuvu nden shi, agba matsun me pe'eni. <sup>35</sup> N tawa ta 'm bolo dada na mawun ma yi nlangi, usheli waru na mma va yi, jene na anawale.

<sup>36</sup> N'yuwatan ma wu o u'wa wa wu u da oo uta! † ◇

<sup>37</sup> “Aza a na a la'a cigai mbara n le, ko mukuci n le na amu, a rawa o toni mu shi. Aza a na a la'a

---

† **10:29** Danshi na a yuwayin ulinga pa nda na Tsheleni ayi da “asariyon.” Kaḅuwa Ucuḍuwu wi “Ikebe.” ◇ **10:36** Mik. 7:6.

cigai olobo ne esheli e le nā amu a rawa o toni mu shi. <sup>38</sup> Ni i 'yuwan a tara akpata a atsumalima reve i toni mu, yi ntsaa yoo o'wo ojoro a va shi. <sup>39</sup> Za na aa yuwusan adama a wuma wa yi, u ta lamba yi. Za na waru 'yuwain aciyayi adama a va u ta tsura wuma'a."

### *Asula a tsu ca ta iliyinkapa*

*(Mak. 9:41)*

<sup>40</sup> Reve Yesu dammisa, "Za na ushi ndu, u ushi mu ta. Waru za na usu numu, u usu ta za na lyungu numu. <sup>41</sup> Za na ushiyi vumavasula adama a na waa yuwusan adanshi a Asula, Asula a ta ca yi cu'un vi iliyinkapa i na waa ca vumavasula'a. Waru vuma na ushiyi vuma va abula adama a abula† a na u ri na ayi, u ta tsura cu'un vi iliyinkapa yi za va abula. <sup>42</sup> Vuma na cayi vuma ta na la'ai ukalamu atsuma a aza a na oo tono mu mini mo oso, adama a na vuma'a za na oo tono mu da, amayun vuma ndolo ta tsura iliyinkapa."

## 11

### *Yesu na Yahaya za vu Urumbusu*

*(Luk. 7:18-35)*

<sup>1</sup> Ana Yesu kotoi a dansaa ojoro kupa ne ejere a yi ili i ndolo suru, avu u lyawa ubata'a, u kara a tyo e ilyuci ya Galili adama u yuwan uritosu na alajiya.

<sup>2</sup> Yahaya za vu Urumbusu dana ta pe atsuma o u'wa wa ali, avu wu uwwa ili i na Kristi Zamawawa aa yuwusan. Avu u lyungu ojoro o ro a yi ubata wa Yesu. <sup>3</sup> Reve e ece yi, "Avu dada za na tsoo puros'u, ko tsu puro vuma ro?"

<sup>4</sup> Avu u usu le, “Yawai i damma Yahaya ili i na ye enei ni ili i na yu uwwai. <sup>5</sup> Nrumba me ene ta, akutsuma waru a ta mmalu, nkutu n kamba ta gbaga. Agulani a ta uwwusa adanshi, akwakwa waru a kamba ta wuma, alambi fo a ta uwwusa Alabari a Sa'ani. <sup>6</sup> Asula a ta zuwaa aza a na a 'yuwan numu shi aba'un, adama e ili i na maa yuwusan.”

<sup>7</sup> Ana ojoro a Yahaya a karai, avu Yesu kara a adanshi a yi ubata wo obolo a ama. U damma, “Cu'un vuma ne da i 'yawai ye ene atuma o ogozo? U rotso ta apumpu a na upepu waa jingadasa? <sup>8</sup> Cu'un vuma ne da yu utai ye ene? Vuma na otoyitana i sa'ani i da? Icu'un ya ama o ndolo o ukobu u mogono u da a tsu dana. <sup>9</sup> Ili i ne yu utai ye ene? Ayi vumavasula da? Amayun ne dada, n ta dansaa du u la'a ta vumavasula. <sup>10</sup> Asula a yuwan ta adanshi a yi atuma a Adanshi a Asula: ‘N ta lyungu malingata ma va elime a wu, tsara u foboo wu ure.’<sup>◇</sup>

<sup>11</sup> “N ta dansaa du, Yahaya za vu Urumbusu la'a ta ama a na a yuwain de wuma. Amma za na la'ai ukalamu atuma o tsugono tsa zuva u la'a yi ta. <sup>12</sup> Diga a mantsa ma na Yahaya tawai hali a tyo ana'an, tsugono tsa zuva tsu ta lyuwusa elime nu ucira, waru ama a ta yuwusan ukadu lon tsara a uwa de.\* <sup>13</sup> Amasula suru na Wila a yuwan ta de adanshi o tsugono tsa Asula hali a tyo a mantsa ma Yahaya. <sup>14</sup> Ni i usu adanshi e le, Yahaya ayi dada

◇ **11:10** Mal. 3:1. \* **11:12** Ure u ro u na aa gura tsura urevu wi idanshi i nda na Tsheleni ayi da, “Diga a mantsa ma na Yahaya tawai hali a tyo ana'an, ama a vama a ta yuwusan uvon na tsugono tsa Asula adama a tsura yi nu ucira.”

Iliya, vumavasula† na yaa pura'a. <sup>15</sup> Za na ri na atsuvu, wu uwwa!

<sup>16</sup> “Nye maa damma adama a ama o gogo? Nye i da o rotsoi? O rotso ta muwun n na n ri nden e eden, aza a na a tsu delei:

<sup>17</sup> ‘Tsi ivulaa du ta aabulu, agba i je'en shi!

Tsu cana ta ishida yu ukwa, agba i shon shi!’

<sup>18</sup> “Ana Yahaya tawai, u yuwan ta akuli, waru u sowo ribina shi, reve a damma, ‘U ta no otoni a lima!’ <sup>19</sup> Agba Mawun ma Vuma ma kandaruwa ta a lyuwusa nu u sowi, reve waru i damma, ‘Vuma nda liwi da na sowi! Waru ayi i'utsa ya aza o u'ushishi wu utafa na aza o unusu a da.’ Na ne suru a tsu reve ta ugbozu u ta mejege a linga va yi.”

*Yesu bara ta aza a na a cayi okolo shi*

*(Luk. 10:13-15)*

<sup>20</sup> Atsuma e ilyuci i na Yesu yuwain linga va asalama va abunda a yi, ama a 'yuwan ta a kamba ubata wa Asula. Wu uwwa uyo'o u le shi, reve u damma, <sup>21</sup> “Woo yo'ono du shi, aza a Korasinu! Woo yo'ono aza a Besaida fo shi! Ni ili ya asalama i na n yuwaan du a shi a yuwan le atsuma a Taya na Sida, a na ama e ilyuci'i a shi ta danu na akashi usukutu,† tsara o roco a lyawa ta nusu le! <sup>22</sup> N ta dansaa du, o urana wu uge'etosu Asula a ta la'a roco ama a Taya na Sida isa'ani a na woo roco du. <sup>23</sup> Agba adu, aza a Kafarnahum! I ciga ta a 'yasan du a tyo zuva? O'o! A ta vari du atsuma a akina! Na

---

† **11:21** Ama a Isra'ila a tsu danu ta o okomo adama o roco atsumolangu.

a shi a yuwan ili ya asalama i na n yuwain aṭsuma a ḍu aṭsuma o Sodom,† hali n gogo u shi ta a ḍana lo! <sup>24</sup> Agba n ta dansaa ḍu, o urana wu uge'etosu, i ta la'a o'wo iliyali na ama o Sodom.”

*Yesu ca ta ama wivuwun*  
(Luk. 10:21-22)

<sup>25</sup> A mantsa mo ndolo Yesu damma ta, “Dada, Aṣulazuva a zuva† ni ida! N godyoo wu ta, adama a na vu rocoi aza a na koto e revei ili shi, ili i na vu sokoyi aza o uguru na aza o urevu. <sup>26</sup> Ee, Dada, ne ḍa wu ntsaa nuwu vu yuwan!

<sup>27</sup> “Dada va ca mu ta ili suru. Ko za reve Mawu'un shi, she Dada goon. Waru ko za lo revei Dada'a shi, she Mawu'un goon, waru na aza a na Mawu'un u dangwai u damma.

<sup>28</sup> “Tawai ya'a va, suru ndu aza a na a kunai ni itana yu ume, n ta ca ḍu wivuwun. <sup>29</sup> I tara aagbala e inan yi iluma a va, i rito e ekere a va, adama a na amu vuma kpaku ḍa, za na tarai aciyayi ili i ro shi, i ta tsura wivuwun o okolo a ḍu. <sup>30</sup> Ayi aagbala'a u ta vaan, itana i va waru a ri ume shi.”

## 12

*Yesu Zagbain va Ashibi*  
(Mak. 2:23-28; Luk. 6:1-5)

<sup>1</sup> Urana wa Ashibi,† Yesu obolo no ojoro a yi a batsasa ta aṭsuma a aḍuma e ishina. Ojoro'o a ḍana ta a uwwusa ambulu, reve e teme a picirasa ishina na a tami. <sup>2</sup> Ana Afarishi† e enei ne, avu a damma yi, “She ojoro a wu a yuwusan cu'un vi ili i nda wan! Wila u putsaa ta a ḍana a kuḍusa ishina o urana wa Ashibi.”



<sup>3</sup> Reve u usu le, “I reve ili i na Dawuda na n'utsa ma yi n yuwain, a mantsa ma na a uwwai ambulu shi? <sup>4</sup> Ana u uwai o u'wa wa Asula, reve a tama opopofu a Wila, ko na wo o'woi Wila u putsaa le ta na aa tama.† Nan ganu† da goon a lyawai a tama opopofu'u. <sup>5</sup> Koto i denuna atsuma a Wila wa Musa a na nan ganu a da a lyawai a linga atsuma a Aa'isamapada urana wa Ashibi shi? Agba ko za damma a nusan ta a kuda ta wila wa Ashibi shi. <sup>6</sup> Amayun a da maa dansaa du, za ro ta pa za na la'ai Aa'isamapada'a! <sup>7</sup> Agba i shi e ge'eto aza a na a ri nu unusu shi, ni i shi i reve ucuuwu wa Adanshi a Asula a nda, ‘A na yaa yuwaan mu kucci, u la'aa du ta ye ene iliyali yo ozo o ro.’ ◇ <sup>8</sup> Adama a na amu, Mawun ma Vuma, Zagbain va Ashibi da.”

*Yesu kambato ta ukere u vuma ro gbaga  
(Mak. 3:1-6; Luk. 6:6-11)*

<sup>9</sup> Avu Yesu 'yon, reve u uwa atsuma a aa'isa† a na a ri lo zuzu. <sup>10</sup> Ana u uwai, avu u cina pe vuma no osowi o ukere. Afarishi a zuwusa ta esu tsara e reme Yesu nu unusu, avu e ece yi, “U lobono ta a yuwan ulinga wo opocino o urana wa Ashibi?”

<sup>11</sup> Reve u usu le, “Na vu ri na kyon, avu u riya atsuma o ooko'o o urana wa Ashibi, vee reme vu utaa yi shi? Vu to utaa yi. <sup>12</sup> Ama a la'a ta ikyon, adama o ndolo wu ntsaa ta a yuwan ulinga u sa'ani o urana wa Ashibi.”

<sup>13</sup> Reve u damma vuma'a, “Canana ukere wa wu.” Avu u canana, reve ukere'e u kamba gbaga gashi za ve ire. <sup>14</sup> Avu Afarishi'i a kara, reve a dammulai cine aa yuwan tsara o una yi.

◇ 12:7 Hos. 6:6.

*Yesu aagbashi a na Asulā a dangwai*

<sup>15</sup> Yesu reve t̄a ifobi i na Afarishi aa yuwusan, d̄aḍa u lyawai ub̄at̄a'a. Ama na ābund̄a o toni yi t̄a, reve u kamb̄ato ama a na a dan̄ai na banakun suru gbaga. <sup>16</sup> Agba u rono le t̄a atsuvu she a damma vuma ko zane ḍa u ri wan. <sup>17</sup> U yuwan t̄a ne tsara u shiton ili i na Asulā a dammai o un̄a wa Ishaya vumavaṣulā:

<sup>18</sup> “Apa aagbashi a va, za na n dangwai.

N ciga yi t̄a, waru u tsu yuwan t̄a ili i na yoo yo'onotosu mu okolo.

N ta zuwaa yi Ruhu va,

waru u ta damma ama suru adama a aḅulā a va.

<sup>19</sup> Waa yuwan mawasan shi, waru waa yuwan adanshi ni yisaali shi,

ko u yuwan adanshi nu ucira e re shi.

<sup>20</sup> Waa kuḍa aapumpu a na a ri uk̄anzu shi,

waru waa kimusa fitila na cigai makimaḅa shi.

Ne ḍa waa lyuwa elime she ni isa'ani i lyuwa aci e iwuya.

<sup>21</sup> Waru ama biti a ta zuwa okolo a ala a yi.” ◇

*Yesu na Ba'alzabu*

*(Mak. 3:20-30; Luk. 11:14-23)*

<sup>22</sup> Avu ama o ro a t̄awaḅa Yesu na vuma na dan̄ai irumba, waru u tsu gura yuwan adanshi shi, adama a na u t̄a no otoni a lima. U kamb̄ato t̄a vuma'a gbaga, hali u gura yuwan adanshi reve waru u gura ene. <sup>23</sup> Ama suru o o'wo t̄a a asalama avu a damma, “Vuma'a Mawun ma Dawuda ma ḍa? Ayi d̄aḍa Zamawawa'a?”

◇ 12:21 Isha. 42:1-4.

24 Ana Afarishi a uwwai ne, reve a damma, “U lo ta otoni a lima nu ucira u na Ba'alzabu,† mogono mo otoni a lima ma ca niyi.”

25 Yesu reve ta majiyan me le, daɗa u damma nle, “Ida i na i ne'eshenlei aciyayi, reve o o'wo a langi vāni le u ta riya. Waru lyuci ko ama o u'wa a na e ne'eshenlei aciyele, reve o o'wo a langi vāni le a ta riya. 26 Waru na Male† ma da moo utasaa Male, a ta dansa tsugono tsa yi tse ne'eshen ta ure, waru waa lapa riya shi! 27 I damma ta a na n lo ta otoni a lima adama a na Ba'alzabu ca numu ucira n yuwan ne. To, zane cayi ojoro a du ucira o lo le? Ili i na ojoro a du aa yuwusan u roco ta amayun a da du shi! 28 Amma gba na moo losu otoni a lima nu ucira u Ruhu va Asula, to, tsugono tsa Asula tsa ta pa atsuma a du.

29 “Na vuma ciga u uwa atsuma o u'wa wu za vu ucira u yuwan wivu, u ciga u 'yuwan wu nla ne'en za vu ucira'a. Ne da waa yuwan avu u tsura u yuwan wivu atsuma o u'wa'a.

30 “Za na aa kambusa mu shi, u ta tsurala na amu. Za na waru aa yuwusan ulinga obolo na amu shi, amayun u ta tsushu'un na amu. 31 N ta dansaa du, Asula a ta yuwaan ama a na a yuwayin ama unusu gafura, hali na aza a na aa yuwusaan Asula adanshi a vama.† Amma amayun Asula aa yuwaan aza a na a yuwayin Ruhu va Akiza adanshi a vama gafura shi. 32 Za na yuwain adanshi a vama adama a Mawun ma Vuma† a ta yuwaan yi gafura, amma za na yuwayin Ruhu va Akiza adanshi a vama, aa yuwaan yi gafura shi, ko gogo, ko a mantsa ma na ma ta wa.”

*Udanga na muwun ma yi*  
(Luk. 6:43-45)

<sup>33</sup> Āvu Yesu lyuwa elime na adanshi, “I ta gura damma ko cu'un vu udanga u ne u da, na cu'un muwun n na u matsain. Udanga u sa'ani, muwun n sa'ani n da u tsu matsan kuci, udanga u babu ulobonu gba shi, she muwun m babu ulobonu. <sup>34</sup> Ādu apili! I ri ama a sa'ani shi, adama o ndolo cine yaa gura yuwan adanshi e ili i sa'ani? Vuma suru u tsu damma ta ili i na i ri pe atsuma o ookolo a yi. <sup>35</sup> Vuma va ābula u tsu utaa ta ni ili i sa'ani i na u zuwai o ookolo, za vu ulambu wa ābula waru e ili yu ulambu wa ābula a na u zuwai o ookolo pe da a tsu uta. <sup>36</sup> N damma du, o urana wu uge'etosu i ta damma idanshi i vanvama i na i dammai suru. <sup>37</sup> Adama a na ni i damma ili i sa'ani, Asula a ta damma i ri nu unusu shi. Amma ni i damma idanshi i vanvama, u ta damma i ta nu unusu.”

*Ama a pati ta Yesu yuwaan le ili ya asalama*  
(Mak. 8:11-12; Luk. 11:29-32)

<sup>38</sup> Reve, munlu n Wila na Afarishi a tawa ubata wa Yesu, reve a damma, “Manlu, tsu ciga ta vu yuwan ulinga wa asalama† tse ene, tsara u ca tsu iroci i na ubata wa Asula da vu utai.”

<sup>39</sup> Reve u usu le, “I ciga ta iroci adama a na adu ama e iwuya na aza o ulambu wa ābula a da, agba yaa ca okolo shi! Amma iroci i na yaa tsura ayi da iroci ya Yunana† vumavasula. <sup>40</sup> Yunana dana ta atsuma a aatsuma a magula ma gbain hali ayin a ta'atsu. Ne da fo amu Mawun ma Vuma ma dana a aason hali ayin a ta'atsu. <sup>41</sup> O urana wu uge'etosu, ama a Niniva† e te isawan obolo na adu

av̄u e ge'eto d̄u. Ana Yunana yuwain alajiya, a vadala† tā a kambā ubatā wā Asula. Gogo vuma na la'ai Yunana tā pa. <sup>42</sup> Waru Egbere va Sheba fo u te isawan u ge'eto d̄u. U yuwan tā mmalu ma alanga, tsarā wu uwwa ugbozu wā Sulemanu.† Gogo gba za na la'ai Sulemanu tā pa.”

*Ukambu wo otoni a lima*  
(Luk. 11:24-26)

<sup>43</sup> Yesu lyuwa tā elime na adanshi, “A damma vuma ro danā tā no otoni a lima† a tā goon. Reve otoni a lima'a wu utā atsumā a vuma'a, u tsu gara tā atsumā e idā batā o u'yewu e izami yu ubatā u na wee ivuwan, agba wā tsurā shi. <sup>44</sup> Otoni a lima'a u ta damma, ‘N tā kambā o u'wa u na n lyawai.’ Nu u kambā, av̄u u cina u'wa'a babu ili. A radā yi tā, reve o o'woto yi cece. <sup>45</sup> Av̄u wu utā reve u tawato otoni a limā e cindere o ro aza a na a la'a niyi ucira, av̄u a uwa pe a danu. Vuma'a u tā danā atsumā a addama a na a la'ai cine u danāi nu ufaru. Ili i na yaa cina ama e iwuya o gogo dā nda.”

*Mma na muwun ma anawu ma Yesu*  
(Mak. 3:31-35; Luk. 8:19-21)

<sup>46</sup> Yesu a yuwusaan ama adanshi, av̄u mma va yi na muwun ma anawu ma yi n rawa. Reve e isawan a alanga av̄u a damma a yuwaan yi adanshi. <sup>47</sup> Reve vuma ro yuwaan yi adanshi, “Mma va wu na muwun ma anawu ma wu a tā de a alanga a pura wu, a ciga tā a yuwan adanshi na av̄u.”

<sup>48</sup> Av̄u u usu, “Zane da mma va? Nan zane da waru muwun ma anawu n va?” <sup>49</sup> Av̄u u sapi a tyo ubatā wa aza a na oo tonu yi reve u damma, “Apa

nan mma vā nā muwun mā aṅawu n vā. <sup>50</sup> Aza a na a yuwain tsutoni nā Dada vā za na ri zuva, ele ḍa mma vā nā muwun mā aṅawu n vā mo olobo ne esheli.”

## 13

### *Iroci yi cimbi*

*(Mak. 4:1-9; Luk. 8:4-8)*

<sup>1</sup> Aṭsumā o urana u ndolo, aṅu Yesu lyawa u'wa'a, aṅu u kaṛa a tyo a nge'en m mala, ubata u na u danuyi adama u yuwan uritosu. <sup>2</sup> Oḅolo a ama a na o ḅolotoi a dana ta abunda lon, hali u zuwa yi u uwa a wantsun, aṅu u danu pe, ama ḍe a aagadi. <sup>3</sup> Aṅu u roco le ili nā abunda aṭsumā e iroci. Reve u damma, “A yuwan ta cimbi ro za na 'yawa'i mazaza me icu'un aṭsumā o uḍuma wa yi. <sup>4</sup> Ayi aṭsumā a mazaza, aṅu ozo o ro o oco yi o ure, reve nnunu n taṅa n kaḱaḱa le. <sup>5</sup> Reve ozo o ro o oco bata a atali, ubata u na u ri nā maḅula wa'a. Aṅu o uta babu usan, adama a na maḅula'a mā ri wa'a. <sup>6</sup> Ana urana u yuwain, reve u kpanlato le, adama a na aralu e le a ri aṅu'un shi, aṅu e 'yewushi. <sup>7</sup> Ozo o ro gba o oco a awanda, aṅu awanda a 'yon, reve a gbagbala le. <sup>8</sup> Ozo o ro gba o oco a maḅula ma sa'ani, aṅu a kungwa a matsan ulobonu. Cu'un na cimbi'i u cu'wain suru, ozo o ro a matsan ta mata'atsu mata'atsu, ozo o ro kupotali-utali, ozo o ro ukpaku ukpaku. <sup>9</sup> Za na ri na atsuvu, wu uwwa!”

### *Ili i na i zuwai Yesu tsu yuwan uritosu ni iroci*

*(Mak. 4:10-12; Luk. 8:9-10)*

<sup>10</sup> Reve ojoro a yi e ece yi, “Nye i zuwai vaa yuwusaan ama adanshi ni iroci?”

<sup>11</sup> *Avu* u usu le, “*Adu* *da* a *dangwai tsara* i reve ili yu usokowu i tsugono tsa zuva, agba ozo o ro e reve ili yu usokowu i nda shi. <sup>12</sup> Za na ri ni ili, *ayi da aa dashi* yi lon, waru za na ri ni ili shi, wa'a na u ri na *ayi, a ta ushi* yi i *da*. <sup>13</sup> Ili i na i zuwai n tsu yuwusaan le adanshi ni iroci *ayi da*:

‘*A ta kalyuwa*, agba ee ene shi, a ta zuwa atsuvu, agba aa uwwa ko *a tsara urevu shi*.’

<sup>14</sup> “Adanshi *a Asula* a shiwan *ta*, cine Ishaya vumavasula dammai:

‘Ama a ta uwwa adanshi *a va*, agba ee reve ili i na maa *dansa shi*.

E te eneshe ili i na maa yuwusan, agba urevu *wa yi u ta puwan* le.

<sup>15</sup> Adama a na ama a nda a *gbama ta* okolo, waru atsuvu e le a *ula ta*,

waru *a kpatu ta* esu,

adama o ndolo ee ene shi,

waru atsuvu e le aa uwwa shi,

okolo e le *aa tsara urevu shi*,

waru *aa kambu ubata* u *va*, *tsara n kambato* le *gbaga shi*.’ *◇*

<sup>16</sup> “Ama *Asula* a zuwaa *du ta* aba'un, adama a na esu *a du* e te ene waru atsuvu *a du* a ta uwwa!

<sup>17</sup> *Amasula na abunda* na ama a sa'ani *a dana ta* a maluwa *tsara* e ene ili i na yee inda, *tsara* waru a uwwa ili i na yaa uwwusa. Amma n damma *du* e ene shi, waru a uwwa shi.

*Yesu cuduwa ta iroci yi icu'u'un*  
(*Mak. 4:13-20; Luk. 8:11-15*)

18 “Zuwai atsuwu, adama i tsura ucuḍuwu wi iroci yi cimbi'i. 19 Icu'un i na yo ocoi a nge'en mu ure, ele ḍa ama a na a uwwai adanshi o tsugono tsa Asula, agba a tsura urevu wa yi shi. Avu za wuya tawa, reve u usa adanshi'i atsuma o okolo e le. 20 Icu'un i na yo ocoi bata a atali, ele ḍa aza a na a ushiyi adanshi'i na mazanga babu usan. 21 Agba a ri na aralu a aru'un shi, adama o ndolo a jima shi. Ana nden mu uvadi n suduwai, ko adanshi'i a zuwa nle a addama, avu a riya. 22 Aza a na o ocoi a awanda, ele ḍa ama a na a uwwai adanshi'i, reve a uwa atsuma atsumalima o uvadi u nda, reve waru icigi i na oo o'wo nu utsuru wu luma le. Reve a gbagbala adanshi'i a putsaa le a bala. 23 Aza a na o ocoi a mabula ma sa'ani, ele ḍa ama a na a uwwai adanshi'i, avu a tsura urevu wa adanshi'i. Cu'un vuma ndolo tsu matsan ta ulobonu, mantsa mo ro gba shi, mata'atsu mata'atsu, mantsa mo ro gba kupotali-utali, mantsa mo ro ukpaku ukpaku.”

### *Iroci ye ewenwele*

24 Avu Yesu yuwaan le iroci i ro: “Tsugono tsa zuva tsu ta ne tsunda: Cimbi ro zaza ta icu'un i sa'ani atsuma o uduma wa yi. 25 Na ayin, mantsa ma na ama a lantsai suru, avu ma'yuwatan ma yi ma 'yawa u cu'wan yi ewenwele atsuma e iwele reve u kara. 26 Ana iwele'e i farai a kungusa tsara a matsan, reve fo ewenwele'e a kungwa obolo ne ele. 27 Reve agbashi a vuma'a a tawa ubata wa yi avu a damma yi, 'Vu cu'wan ta icu'un i sa'ani o uduma wa wu. Te ḍa ewenwele o utai?’

28 “Reve u usu, 'Ma'yuwatan ma ḍa ma cu'wain ewenwele'e.’



“Reve e ece yi, ‘Vu ciga tsu t̄a tsu mul̄a ewenwele'e?’

<sup>29</sup> “Avu u usu, ‘O'o, adama a na n̄a yi mul̄a ewenwele'e gogo, i t̄a mul̄a iwele fo. <sup>30</sup> Lyawai iwele'e a kungwa obolo, hali a tyo a mantsa me ikani. Reve n damma aza a zamalinga: Bolotoi ewenwele'e ubata u t̄a ne'en, avu yi n̄a le tsara i kulato le. Avu i boloto iwele'e i tawato le o mopon ma va.’ ”

*Iroci yi icu'un i na i la'ai ukalamu*

*(Mak. 4:30-32; Luk. 13:18-19)*

<sup>31</sup> Avu Yesu dammisa le iroci i ro, u damma, “Apa cine tsugono tsa zuva tsa ri: Vuma ro tara t̄a oroci a su'wan'uri,\* reve u cu'wan yi atsuma o uduma wa yi. <sup>32</sup> Ayi da cu'un na la'ai ukalamu atsuma e icu'un, agba nu u kungwa, u tsu la'a t̄a olopu biti mgbain. U tso o'wo t̄a abajini o udanga, hali nnunu n tawa n yuwan de nkinda e eten a yi.”

*Iroci i wolilo*

*(Luk. 13:20-21)*

<sup>33</sup> Avu Yesu yuwusaan le iroci i ro, “Apa a nda cine tsugono tsa zuva tsa ri: Ka tsu tara t̄a wolilo† avu u jambara yi a yira atsuma e meretsu, she nu u jambara yi suru suru, avu u tsutsa.”

*Yesu yuwisan t̄a iroci*

*(Mak. 4:33-34)*

<sup>34</sup> Yesu yuwisan t̄a adanshi ni iroci adama u damma obolo a ama ili i nda suru. U tsu damma le ili i ro babu na u yuwain adanshi ni iroci shi. <sup>35</sup> U yuwan t̄a ne tsara u shiton ili i na vumavasula dammai,

\* **13:31** Ayi da cu'un na a tsu de musta.

“N ta yuwaan ɗu adanshi ni iroci.  
N ta damma ili i na i ri usokowu diga a mantsa ma  
na Asula a yuwain uvadi.” ◇

*Yesu cuɗuwa ta iroci ye ewenwele*

<sup>36</sup> Ana Yesu lyawai obolo a ama'a, ɗu u uwa  
atsuma o u'wa, reve ogoro a yi a tawa ubata wa  
yi ɗu a damma, “Damma tsu urevu wi iroci ye  
ewenwele atsuma o uɗuma'a.”

<sup>37</sup> Reve u usu le, “Za na zazai icu'un i sa'ani'i ayi  
ɗa Mawun ma Vuma. <sup>38</sup> Uɗuma waru gba ayi ɗa  
uvadi. Ele icu'un i sa'ani ele ɗa ama a na a ri ozo o  
tsugono'o. Ele gba icu'un ye ewenwele ele ɗa aza  
a na o utai ubata wu za wuya. <sup>39</sup> Ma'yuwatan ma  
na ma zaza nle ayi ɗa Mekerencesu. Mantsa me  
ikani ayi ukosu wu uvadi. Aza a zamalinga a na  
oo boloto le, ele ɗa nlingata ma Asula.

<sup>40</sup> “O tsu boloto ta ewenwele ɗu a kulato. Ne  
ɗa woo o'wo a mantsa mo ukosu. <sup>41</sup> Amu Mawun  
ma Vuma, n ta lyungu nlingata n va, a ta tawa ili  
i na i tsu zuwa unusu suru atsuma o tsugono tsa  
va, waru na aza a na aa yuwusan iwuya suru. <sup>42</sup> A  
ta vari le atsuma a akari a na a ri tapu na akina  
a na a ri usuɗuwu lon, ubata u na ama a dana a  
shosun na a lumi anga e le na mɓala. <sup>43</sup> Ele gba  
ama a abula a te ikana gashi urana o tsugono tsa  
Dada le. Za na ri na atsuvu, wu uwwa!”

*Iroci yu uzuwa yu usokowu*

<sup>44</sup> Avu Yesu lyuwa elime na adanshi, “Apa cine  
tsugono tsa zuwa tsa ri: Vuma ro tsura ta uzuwa u  
na vuma ro sokoi atsuma o uɗuma. Avu wu palisa

yi. U yuwan ta maṅaṅa avu u 'yawa u wina ili i na u ri na ayi suru, avu u kamba u tsula uɗuma'a.

### *Iroci yi iyedi yi ikebe*

<sup>45</sup> “Waru, apa cine tsugono tsa zuva tsa ri: Za va atsulu na awina ro te izami yi iyedi yi ikebe.† <sup>46</sup> Nu u tsura za na la'ai ulobonu, reve u 'yawa u wina ili i na u ri na ayi suru tsara u tsula yi.

### *Iroci yi igolo*

<sup>47</sup> “Waru, apa cine tsugono tsa zuva tsa ri: Aza e mereme ma mugula n ro a vari ta igolo i le atsuma a mala, avu e reme mugula icu'un icu'un. <sup>48</sup> Ana igolo'o i shiwain, avu o rono yi o uta a alanga, reve a danu tsara a kakasa mugula'a. Mugula n sa'ani avu a zuwa le atsuma a aasa'atsu, aza a na a ri ulobonu shi gba, o oco le. <sup>49</sup> Ne da woo o'wo mantsa mo ukosu. Nlingata n ta tawa a kakasa aza e iwuya atsuma a ama a aɓula. <sup>50</sup> Nlingata'a n ta vari aza e iwuya atsuma a akari a na a ri tapu na akina a na a ri usuɗuwu lon, ubata u na ama aa dana a shosun na a lumi anga na mbala.”

### *Akuci nu uzuwa u sa'avu*

<sup>51</sup> Avu Yesu ece le, “I gura ta reve ili i nda suru?”  
Reve a usu, “Ee, tsu tsura ta urevu wa yi.”

<sup>52</sup> Reve u damma le, “Manlu ma wila ma na suru ma tsurai urevu u tsugono tsa zuva u rotso ta vuma na oo utasu akuci nu uzuwa u sa'avu a alanga atsuma o mopon.”

*Ama a Nazara a 'yuwain Yesu*  
(Mak. 6:1-6; Luk. 4:16-30)

<sup>53</sup> Ana Yesu kotoi adansa iroci i nda, aṅu u lyawa ubaṅa'a. <sup>54</sup> Reve u kamba Nazara, lyuci na u kungwai. Ana u yuwain uritosu de atsuma a aa'isa,† ama suru a yuwan ta asalama aṅu a damma, “Te da u tsurai ugbozu nu ucira u na waa yuwusan ili ya asalama i nda? <sup>55</sup> Ayi mawun ma za vu ushe'en ma da. Meri† da mma va yi, waru muwun ma anawu ma yi ele da, Yakubu, na Isuhu, na Simo na Yahuza. <sup>56</sup> Muwun ma anawu me esheli ma yi suru a ta pa obolo na atsu. Cine tsa da waa gura yuwan ulinga u nda suru?” <sup>57</sup> Adama o ndolo ugbozu u le u danu na ayi shi, aṅu a 'yuwan yi.

Reve gba u damma le, “Vumavasula ri na tsugbain a lyuci no o u'wa wa yi shi, she a lyuci ro.”

<sup>58</sup> Adama o ndolo, u gura yuwan ili ya asalama ya abunda a lyuci va yi shi, adama a na a ri nu ucawu wo okolo shi.

## 14

### *Ukwa wa Yahaya za vu Urumbusu (Mak. 6:14-29; Luk. 9:7-9)*

<sup>1</sup> A mantsa mo ndolo, Hiridu Antiba, mogono ma Galili, ma uwwa ta adama e Yesu. <sup>2</sup> Aṅu u damma agbashi a yi, “Yesu Yahaya za vu Urumbusu da, za na a 'yasain atsuma a akwakwa. Ayi da i zuwai waa yuwusan cu'un vi ili ya asalama a nda.”

<sup>3-4</sup> Kafu mantsa ma nda, Hiridu usa ta Hiridiya ayi ubuwu ka mawun ma anawu ma yi Filibu. Yahaya† dansaa yi ta, “U ri ulobonu vu zuwa Hiridiya shi!” Reve u zuwa e reme Yahaya a na yi, aṅu a zuwa yi atsuma o u'wa wa ali. <sup>5</sup> U shi ta

u ciga wu una yi, agba wu uwwusa t̄a wovon wa ama, adama a na ā usu t̄a Yahaya vumavasul̄a da.

<sup>6</sup> Ana a cuwusan nu urana u na a matsain Hiridu, āvu usheli wa Hiridiya u je'een Hiridu obolo no omocin ā yi, āvu u zuwa okolo ā yi o yo'ono. <sup>7</sup> Reve u kucina na waa ca yi ili i na u cigai biti. <sup>8</sup> Āvu mma vu usheli'i u damma yi u damma, “N ciga t̄a aaci a Yahaya za vu Urumbusu a mapara ma nda!” <sup>9</sup> Āvu mogono'o u yuwan shinreve vi ili i na u dammai. Agba u ciga u 'yasan̄ nzuwulai n na u yuwain ā mākākan̄ mo omocin ā yi shi. Āvu u damma asoja ā yi, <sup>10</sup> ā 'yawā o u'wa wa ali o kodo aaci a Yahaya za vu Urumbusu. <sup>11</sup> Āvu ā tawāa na aaci'i a mapara āvu a ca usheli'i, āvu usheli'i u 'yawāa mma vā yi. <sup>12</sup> Reve ojoro a Yahaya ā tawāa a tara lipu vā yi ā cido. Āvu ā 'yawāa ā kambuwāa Yesu ili i na i farai.

*Yesu lyuwato t̄a ama ukpakukupa uton*

*(Mak. 6:30-44; Luk. 9:10-17; Yah. 6:1-14)*

<sup>13</sup> Ana Yesu uwwai alabari o ndolo, reve u uwa a wantsun, āvu u karā ā tyo o una tsarā u danā ayi ā nde'en. Agba ana obolo a ama'a a uwwai ne, reve o toni yi nā mmalu o tonon nge'en m mala. <sup>14</sup> Ana u rawai, āvu u cina abajini o obolo a ama a pura yi. Reve we ene le iliyali, āvu u kambato aza a na ā danāi ubanakun suru gbaga.

<sup>15</sup> Urana a zama mariyāa, āvu ojoro ā yi ā tawāa ubatā wā yi āvu a damma, “Urana u koto t̄a, ubatā u nda gba ogozo a da. Damma ama'a e bete'we, tsarā ā 'yawāa ā mulyuci a tsulaa aciyele ilyalya a lyuwa.”

<sup>16</sup> Reve u usu le, “Ili yi lo i na yaa zuwa le a kara shi. I 'yawa i ca le ilyalya a lyuwa.”

<sup>17</sup> Avu a damma yi, “Opopofu o ton a da tsu ri ne ele na mugula n re goon.”

<sup>18</sup> Reve u damma le, “Tawaaa numu no opopofu'u na mugula'a.” <sup>19</sup> Avu u damma ama'a a danu a anlya. Avu u tara opopofu o to'on na mugula n re'e, avu u kalyuwa zuwa, reve u godyoo Asula adama e ilyalya. Reve u ne'eshen opopofu'u, avu u ca ojoro a yi, reve ele a ca ama. <sup>20</sup> Ama suru a lyuwa ta hali a cuwan. Reve ojoro'o o shiton asaka kupa ne ejere na akapi e ilyalya i na i buwai. <sup>21</sup> Ali a na a lyuwai ilyalya i ndolo a ta rawa ali ukpakukupa uton (5,000), e kece amaci na muwun shi.

*Yesu wala ta a mini  
(Mak. 6:45-52; Yah. 6:15-21)*

<sup>22</sup> Avu Yesu dammushi ojoro a yi a uwa a wantsun tsara a kara elime a yi upasalai u mala. U dana ta lo tsara u lyawa ama a kamba a 'wa le. <sup>23</sup> Ana u lyawa nle a kara i a 'wa, reve u kara a 'yawa a agadi na aciyayi tsara u yuwan avasa. Ayin a da a danai, avu gba u dana de ayi a nde'en.

<sup>24</sup> A matsan mo ndolo, wantsun wo ojoro a yi u dana ta e memere ma mala'a, waru upepu wu ucira u 'yon ta. A dana ta o mpolo ni ikefu i mala i gbain. <sup>25</sup> Na wasasa, avu u tawa ubata u le a mmalu zuwa mini. <sup>26</sup> Ana e ene niyi a mmalu zuwa mini tsundolo, a uwwa ta wovon. Avu a saala na wovon, “Yimodi i da!”

<sup>27</sup> Reve u yuwushin nle adanshi, u damma, “U rawa ta ne, n ta pa! She yu uwwa wovon wan.”

28 Avu Bituru damma, “Zagbain, na avu da mayun, damma mu n tawa ya'a wu zuva mini ma nda.”

29 Reve u damma yi, “Tawa.”

Avu Bituru lyawa wantsun, avu u kara a mmalu zuva mini a tyo ubata wa Yesu. 30 Amma ana Bituru enei upepu ni ikefu i mala, avu wu uwwa wovon dafa u temei malifaa. Dafa u saalai, “Zagbain, wawa mu!”

31 Avu Yesu cananashi ukere wa yi avu u reme yi. Avu u damma yi, “Vu ta nu ucawu wo okolo ke'en. Nye i zuwai okolo a wu a kudai?”

32 Ana a uwai atsuma a wantsu'un, reve upepu'u u von kwin. 33 Dafa aza a na a danai pe a wantsu'un a yuwayin Yesu aganda adansa, “Amayun avu da Mawun ma Asula.”

*Yesu ca ta ama a Janisara lafiya*

*(Mak. 6:53-56)*

34 A pasalai ta mala'a avu a tyo e ida ya Janisara.

35 Ana ama a na a ri pe e revei Yesu da, avu a damma ama suru a na Yesu tawa ta. Avu a tawaa yi na aza a na a ri nu ubanakun icu'un icu'un.

36 Reve a pati yi tsara u lyawa aza a na a ri nu ubanakun a ju'wan nge'en mu utugu ma yi. Reve aza a na a ju'wain suru a kamba gbaga.

## 15

*Iyuan tsutoni na Wila wa Asula*

*(Mak. 7:1-13)*

1 Reve Afarishi o ro na munlu n Wila mu uta de Urishelima, avu a tawa ubata wa Yesu reve e ece yi, 2 “Nye i zuwai ojoro a wu oo tono ili i na nkaya

n tsu n roco ntsu tsu yuwan shi? Ko ekere e le a tsu sa'a kafu a lyuwa ilyalya o ure u na wu ntsayi shi.”

<sup>3</sup> Reve u usu le, “Nye i zuwai yoo tonishi ili i na Asulā a dammai shi, reve i uwa o tono uritosu wa aciyaḍu? <sup>4</sup> Asulā a damma tā, ‘Vu yuwaan dada va wu nā mma va wu tsutoni,’ waru, ‘Za na isulai dada va yi ko mma va yi, a to una yi.’ <sup>5</sup> Aḍu gba i to ritosu a na nā vuma ri ni ili i na waa kambaa dada va yi ko mma va yi, reve u damma ‘Ayi nda za va Asulā ḍa,’ <sup>6</sup> to, a ri na a ca dada le ili'i shi. I 'yuwan tā ili i na Asulā a dammai adama a agadu a ḍu. <sup>7</sup> Aḍu aza e ikpa'a! Ishaya vumavasulā yuwan tā mejege ana u danai Asulā a damma tā:

<sup>8</sup> ‘Ama a nda a ta casu mu tsugbain a nā le goon, okolo e le gba alanga a ḍa a ri nā amu.

<sup>9</sup> Aganda a na aa yuwusaan mu ili ya aḅulā i ḍa shi. Ili i na oo ritosu ili i ro i ḍa shi, agba uritosu wa ama u ḍa.’ ” <sup>◇</sup>

### *Ili i na i tsu lungusa vuma*

*(Mak. 7:14-23)*

<sup>10</sup> Reve Yesu dewishe obolo a ama'a, avu u damma le, “I polo atsuvu yu uwwa, avu i reve ili i maa dansa. <sup>11</sup> Ili i na i tsu uwa atsuma a vuma, ayi ḍa u tsu lungusa yi shi. Amma ili i na i tsu uta o unā wā yi, ayi ḍa u tsu lungusa yi.”

<sup>12</sup> Dada ojoro a yi a tawai ubata wā yi, avu a damma, “Vu reve tā a na vi isulai Afarishi na adanshi a na vu yuwain?”

<sup>13</sup> Avu u usu, “Ili i na Dada va va zuva cu'wain shi, suru a tā mulā yi diga a aralu a yi suru. <sup>14</sup> I tonoo Afarishi o ndolo wan! Ele a tā ana nrumba



n na moo ronuso nrumba n ro, waru suru nle a ta riya a aakari.”

<sup>15</sup> Avu Bituru usu, “Nye da vaa dansa ana vu yuwain adanshi adama e ili i na i tsu lungusa vuma?”

<sup>16</sup> Reve Yesu usu, “Hali n gogo koto vu reve ili i maa dansa shi? <sup>17</sup> Amayun a da, suru ilyalya i na i tsu uwa o una, u tsu kara ta a tyo a aatsuma, reve wu uta. <sup>18</sup> Amma adanshi a vama a na a tsu uta o una u tsu uta ta diga o okolo. Waru ele dada ili i na i tsu lungusa vuma. <sup>19</sup> Atsuma o okolo a da majiyan me iwuya na mona ma tsu uta, pe da waru tsipere ne epen a tsu uta, na wivu na adanshi a vama a aci a ama o ro. <sup>20</sup> Ele nda ele da a tsu lungusa za. Alya babu sa'a ekere, u tsu lungusa vuma shi.”

*Yesu kambai Takpaci vu ka  
(Mak. 7:24-30)*

<sup>21</sup> Avu Yesu lyawa ubata'a u kamba a mbaanga ma Taya na Sida. <sup>22</sup> Ana u rawai, avu ka ro Takpaci\* za na ri na nden pe, u tawa ya'a yi, avu u saala, “Zagbain, Mawun ma Dawuda, kalyuwa iliyali i va! Usheli u va u to sowuso atsumalima no otoni a lima.”

<sup>23</sup> Agba Yesu damma yi ili i ro shi. Dada ojoro a yi a tawai ya'a yi, reve a pati yi, “Damma ka ndolo u kara. U to tono tsu na yisaali.”

<sup>24</sup> Reve u usu u damma, “A lyungu mu ta ubata wa aza a Isra'ila goon! A ta gashi obolo e ikyon a na a puwain.”

<sup>25</sup> Reve ka'a u rawa ubata wa Yesu, avu u kadato u damma, “Zagbain, vu kamba mu!”

---

\* **15:22** Ka'a za va Ka'ana da, ayi waru za va Isra'ila da shi.

<sup>26</sup> Avu u usu, “U lobono a tara ilyalya i muwun, reve a ca musan shi.”

<sup>27</sup> Avu ka'a u damma, “Ne da, Zagbain, agba ko musan n tsu lyuwa ta mubishi n na maa riyisa diga a mapara ma za na zuwa niyi.”

<sup>28</sup> Dada Yesu usu niyi, “Avu ka na cayi okolo lon da! N ta yuwaan wu ili i na vu patiyi.” A mantsa'a gan, reve usheli wa yi wo o'wo gbaga.

*Yesu kambato ta ama a abunda gbaga  
(Mak. 7:31-37)*

<sup>29</sup> Reve Yesu lyawa de, reve u kamba a nge'en m Mala ma Galili. Reve u kumba a aagadi u danu. <sup>30</sup> Dada obolo a ama a abunda a tawai, avu a tawaa na akutsuma na nrumba, a tawa ta waru na aza a na a ri no osowi a lipu, obolo na aza a na a tsu gura yuwan adanshi shi, na ama a na a ri na banakun icu'un icu'un. Avu a zuwa le a makakan ma yi, reve u kambato le gbaga suru. <sup>31</sup> Ama suru a yuwan ta asalama ni ili i na e enei a uwai waru. Ama a na a shi a tsu yuwan adanshi shi, reve a uwa adanshi gogo. Osowi a lipu o o'wo ta gbaga, akutsuma waru a wala, nrumba waru me ene ure. Ama suru a uwa ta a cibalasa Asula a aza a Isra'ila.

*Yesu lyuwato ta ama ukpakukupa unashi  
(Mak. 8:1-10)*

<sup>32</sup> Avu Yesu de ojoro a yi, reve u damma le, “Me ene ta iliyali ya ama a nda. O to obolo na amu hali rana ta'atsu, agba a ri ni ili i na aa lyuwa shi. Agba n ciga n zuwa a kara na ambulu shi. A ta takalyuwa o ure a tyo o u'wa.”

<sup>33</sup> *Avu* ojoro a yi a usu, “Ubaṭa u nda u rotso ta ogozo. Te da tsaṭ tsurā ilyalya i na yaa rawa lyuwato cu'un vo obolo a nda?”

<sup>34</sup> *Avu* we ece le, “Opopofu a yan a da i ri ne ele?”

*Avu* a usu, “Aza e cindere, na mugula meketeci.”

<sup>35</sup> *Avu* Yesu damma ama'a a danu e ida. <sup>36</sup> Reve u tara opopofu e cindere'e na mugula'a avu u godyoo Asula. Reve u ne'eshen ilyalya'a u ca ojoro a yi, reve a ca ama'a. <sup>37</sup> Ama'a suru a lyuwa ta hali a cuwan. Reve ojoro a yi o shiton asaka a gbagbain e cindere na akapi a na a buwai. <sup>38</sup> Ali goon aza a na a lyuwai ilyalya'a, babu na amaci na muwun, a ta rawa ama ukpakukupa unashi (4,000). <sup>39</sup> Ana Yesu dammai ama'a a kara, da da u uwai a wantsun reve u pasalai mala'a. Reve a rawa e ida zuzu na Magada.

## 16

### *Azgbain a cigai e ene ili ya asalama*

*(Mak. 8:11-13; Luk. 12:54-56)*

<sup>1</sup> *Avu* Afarishi na aza a Sadukiya a tawa ubata wa Yesu a lyungwa yi adama e reme yi nu unusu, da da a damma niyi u yuwaan le ili ya asalama, adama u roco Asula a usu ta ili i na waa yuwusan.

<sup>2</sup> Reve gba Yesu usu, “Nu urana u ri a mariya, i tsu damma ta ‘Alanzu o to lobono adama a na zuva ri saan.’ <sup>3</sup> Nu usana adama a na zuva ri saan na wunla, reve i damma, ‘O to ro'o.’ I tse ene ta iroci i nda zuva, reve i reve ili i na oo rocosu. Agba ne da fo, i te inda ili i na maa yuwusan gogo, waru i reve ili i na oo rocosu shi. <sup>4</sup> Ama e iwuya na aza o ulambu wa abula a zami ta a yuwaan le iroci ya asalama, agba moo roco le shi, she iroci

ya Yunana† vumavasula.” Reve Yesu lyawa le lo avu u kara.

*Iyuan ugbozu na munlu me epen  
(Mak. 8:14-21)*

<sup>5</sup> Ana ojoro e Yesu a pasai mala'a a tyo a mbanga n ndede, reve e icina a na aa tara opopofu. <sup>6</sup> Reve Yesu damma le, “I yuwan ugbozu! I dana ufobu adama o wolilo wa Afarishi na aza a Sadukiya.”

<sup>7</sup> Avu ojoro'o a yuwan adanshi vani le, avu a damma, “U ta dansa ne adama a na tsu tawayi na ko oopopofu shi.”

<sup>8</sup> Ana Yesu revei ili i na aa dansa, dada we ece nle, “Nye i zuwai i ri a ndammulai adama a na i ri no opopofu shi? Ucawu wo okolo a du wa'a da.”

<sup>9</sup> Hali n gogo koto i reve shi? I cuwan no opopofu o ton a na a lyuwatoi ali ukpakukupa uto'on (5,000) shi? Waru i cuwan i shiton ta asaka a abunda na akapi a na a pasai shi? <sup>10</sup> Waru opopofu e cindere a na a lyuwatoi ali ukpakukupa unashi (4,000) gba? Asaka a gbagbain a yan da i shitoyin? <sup>11</sup> Adama a nye i gura revei a na maa yuwusaan du adanshi adama o opopofu shi? N ta dansaa du i yuwan ugbozu na wolilo wa Afarishi na aza a Sadukiya.”

<sup>12</sup> Dada e revei waa yuwusaan le adanshi a yuwan ugbozu na wolilo† ko opopofu shi, amma adama o uritosu we epen wa Afarishi na aza a Sadukiya.

*Bituru dammai Yesu Zamawawa da*  
*(Mak. 8:27-30; Luk. 9:18-21)*

<sup>13</sup> Yesu no ojoro a yi atsuma a mmalu, ana a rawai zuzu na mbanga ma Kasariya Filibi, avu we ece le, “Zane da ama a tarasa Mawun ma Vuma?”

14 Avu a usu, “Ozo o ro a damma, avu Yahaya za vu Urumbusu da, ozo o ro gba a damma avu Iliya da, ozo o ro waru a damma avu Irimiya† da, ko gba shi vuma ta atsuma a amasula a da.”

15 Reve we ece le, “Adu gba, zane da yaa tarasa mu?”

16 Reve Simo za na a tsu de Bituru usu, “Avu da Zamawawa,† Mawun ma Asula za na tsu ca wuma.”

17 Reve Yesu usu, “Avu za va aba'un da, Bituru mawun ma Yahaya,\*† adama a na ko vuma roco wu ili i nda shi. Dada va na ri zuva da roco nuwu ko zane da n ri. 18 Adama o ndolo n ta de wu Bituru, za na urevu wa yi u da ‘Aatali.’ Waru a aatali a nda a da maa suwa aa'isa a aza e Itoni† a va, agba ucira wu ukwa waa la'a ucira wa yi shi. 19 N ta ca wu kpatu'utsu n tsugono tsa zuva. Ili i na biti vu kpatu'wai pa o uvadi shi, Asula fo wa usu u kpatu'wa le shi. Waru ili i na vu kpatu'wai pa o uvadi u nda, ele fo Asula a ta kpatu'wa le.” 20 Reve Yesu rono ojoro a yi atsuvu she a damma nanza a na ayi dada Zamawawa'a wan.

*Yesu yuwan ta adanshi o ukwa wa yi  
(Mak. 8:31–9:1; Luk. 9:22-27)*

21 Diga a mantsa'a a 'yawa, reve Yesu teme a dansaa ojoro a yi ili i na yaa cina yi. Avu u damma, “Na n ciga na n 'yuwan n 'yawa Urishelima ubata u na azagbain e ida, nan ganu a gbagbain na munlu n Wila n ri. A ta ca mu atsumalima lon. A to una mu, agba na a yuwan rana ta'atsu, Asula a ta 'yasan mu.”

\* 16:17 Aala a Yahaya ayi da Yunana na Tsuyahuda.

<sup>22</sup> Reve Bituru de yi a tyo a nge'en, avu u damma yi u lyawa a dansa ne. U damma, “Asula aa lyawa ili i ndolo i fara na avu shi, Zagbain!”

<sup>23</sup> Reve Yesu† vadala ubata wa yi reve u damma yi, “Male, vu buwa mu ure! Vu ta gesheshe ili i na Asula a zuwaa numu n yuwan, adama a na majiyan ma wu za vuma da, agba u ri ununa Asula aa yuwusan shi.”

<sup>24</sup> Reve u damma ojoro a yi, “Za na suru cigai u kuru mu, she nu u 'yuwan aciyayi suru suru. Nu u ciga u 'yuwan u tara akpata a atsumalima a yi reve u kuru mu. <sup>25</sup> Adama a na za na cigai u wawa wuma wa yi, u ta lamba yi, amma za na lambai wuma wa yi adama a va, u ta tsura yi. <sup>26</sup> Nye i da vuma aa muna nu u tsura uvadi u nda suru, reve u lamba wuma wa yi? Vuma aa gura tsupa† adama u tsurisa wuma wa yi shi, ko ke'en. <sup>27</sup> Adama a na amu, Mawun ma Vuma, n ta tawa na tsugbain tsa Dada va obolo na nlingata ma yi, avu n ge'eto ama suru ununa a yuwain ili biti. <sup>28</sup> Amayun a da maa dansaa du, ozo o ro atsuma a du a na i ri pa nda mishin gogo, yaa kuwa shi, she na ye ene mu, Mawun ma Vuma, a tawa atsuma o tsugono tsa va.”

## 17

### *Lipu va Yesu vadalai (Mak. 9:2-13; Luk. 9:28-36)*

<sup>1</sup> Ana a yuwain ayin a tali, reve Yesu dangwa Bituru na Yakubu na mawun ma anawu ma yi Yahaya. Reve a 'yawaw a kumba masasan mo uga'an ubata u na a danai goon le. <sup>2</sup> Ele a kanla, dada oroci e Yesu a vadalai suru suru. Urewesu wa yi e

ikanasa ana urana, atugu a yi waru a kambā u'uri puwu ana ekan. <sup>3</sup> Reve Musa† na Iliya o utushi, reve a uwa adanshi na Yesu.

<sup>4</sup> Reve Bituru damma yi, “Zagbain, u lobono ta a na tsu ri pa! Lyawa tsu yuwan ogodo a ta'atsu pa, za ta za va wu, za ta za va Musa, za ta za va Iliya.”

<sup>5</sup> Ayi ubuwu a adanshi, reve eleshe e ekan a tawa u pupala le. Avu uɗyo wu uta pe e eleshe'e u damma, “Ayi nda Mawun ma va da, za na n cigai, n ta uwwusa uyo'o wa yi lon. Yu uwwa yi!”

<sup>6</sup> Ana ojoro'o a uwwai uɗyo'o, reve a uwwa wovon lon hali a riya makpaɓa. <sup>7</sup> Dada Yesu rawai reve u ju'wan le. Avu u damma, “Yoyin, she yu uwwa wovon wan!” <sup>8</sup> Dada a 'yasa'in aci a kalyuwai, agba e ene za ro shi, she Yesu.

<sup>9</sup> Ele a macipaa a masasa'an, reve u damma le, “She i damma nanza ili i na ye enei wan, she na a 'yasan mu, amu Mawun ma Vuma atsuma a akwakwa.”

<sup>10</sup> Reve ojoro'o e ece yi, “O unā wu nye munlu n Wilā n dammai a na Iliya da a fara tawa kafu Zamawawa tawa?”

<sup>11</sup> Reve u damma le, “Amayun a da Iliya ta tawa u foɓo ili biti. <sup>12</sup> Agba amayun, Iliya tawa ta de. Agba ama e reve a na ayi da shi, reve a yuwaan yi ununa a cigai. Aa jima shi, ne da fo aa zuwa Mawun ma Vuma mo sowo atsumalima.” <sup>13</sup> Dada ojoro'o e revei u ta yuwusaan le adanshi a Yahaya za vu Urumbusu.

*Yesu kambato'i ulobo wo otoni a lima gbaga  
(Mak. 9:14-29; Luk. 9:37-43a)*

<sup>14</sup> Ana Yesu no ojoro a yi a cipai zuwa masasa'an, obolo a ama a abunda a shi ta lo a pura le. Avu

vuma ro tawa u kingyo a makakan ma yi. <sup>15</sup> Reve u damma, “Zagbain, ve ene iliyali i mawun ma va! U ta na tsuda'un tsu ucira, hali u tsu riyā ta a akina ko a mini kuci. <sup>16</sup> N tawa ta na ayi ubata wo ojoro a wu, agba ko vuma ta gura kambato yi gbaga shi.”

<sup>17</sup> Reve Yesu usu, “Adu ama o okolo o ugbamu, aza o ulambu wu ucawu wo okolo. Hali mantsa ma ne ma da maa dana na adu? Waru hali mantsa ma ne ma da maa gura danu na adu na ankuri? Tawai nu ulobo'o pa nda!” <sup>18</sup> Reve u bara otoni a lima a na a ri pe o ulobo'o, avu otoni a lima'a o uta. Diga a mantsa mo ndolo, reve u kamba gbaga suru suru.

<sup>19</sup> Ana alanga a jimai, ayi a nde'en, reve ojoro a yi a tawa ubata wa yi avu e ece yi, “Adama a nye tsu kudai o utaa otoni a lima'a?”

<sup>20</sup> Reve u usu le, “Adama a na i ri nu ucawu wo okolo wa'a da. Amayun a da maa dansaa du, ni i ri nu ucawu wo okolo ke'en cine i revei cu'un vu su'wan'uri, i ta damma masasan ma nda, ‘Lyawa ubata u nda a tyo ndede,’ avu gba u lyawa. I ta gura yuwan ili suru.”\*

*Yesu yuwisain adanshi o ukwa wa yi  
(Mak. 9:30-32; Luk. 9:43b-45)*

<sup>22</sup> Urana u ro cina a kamba Galili, avu Yesu damma le, “Za ro ta wina Mawun ma Vuma. <sup>23</sup> A to una yi, agba na a yuwan ayin a ta'atsu a ta 'yasan yi.” Reve atsuma a langa ojoro'o lon.

*Yesu yuwain adanshi a atsupu o utafa*

---

\* **17:20** Akuci a aatagada a nda a dashi ta uguzu wu 21: “Amma avasa na akuli a da goon aa gura cu'un vi ili i nda, ili yi lo i na i la'ai ne shi.”



<sup>24</sup> Ana Yesu no ojoro a yi a rawai Kafarnahum, reve aza o ushishi wu utafa wa Aa'isamapada e ece Bituru, "Manlu ma du ma tsu tsupa utafa† wa Aa'isamapada shi?"

<sup>25</sup> Avu Bituru usu, "U tsu tsupa ta."

Reve Bituru uwa o u'wa'a, avu kafu u yuwan adanshi, dada Yesu ece niyi, "Ngono n tsu zuwaa ta ama e le utafa, ko omocin?"

<sup>26</sup> Reve u usu, "Omocin a da a tsu zuwaa utafa."

Avu Yesu usu, "To, wo o'wo ta ama e le aa tsupa shi. <sup>27</sup> Amma woo lobono tsu 'yasan okolo a ama shi. Adama o ndolo, 'yawai mavusa a mala. Magula ma na i fara remei, i kpatu'wa unā wa yi, i ta tsura ikebe† i azurufa‡ i na i rawai atsupu o utafa wa Aa'isamapada za va na za du. I tara i tsupa le utafa u tsu."

## 18

*Za na la'ai tsugbain o tsugono tsa zuva  
(Mak. 9:33-37; Luk. 9:46-48)*

<sup>1</sup> A mantsa'a, reve ojoro e Yesu a tawa ubata wa yi, reve e ece yi, "Zane da oo o'wo zagbain suru suru atsuma o tsugono tsa zuva?"

<sup>2</sup> Dada Yesu deyi mawun mo ro, reve wi isawaton yi a makakan me le. <sup>3</sup> Avu u damma, "Amayun a da maa dansaa du, ni i ciga i 'yuwan yoo o'wo ununa muwun n keke'en n ri. Na ne da shi, yaa uwa o tsugono tsa zuva shi. <sup>4</sup> Adama o ndolo za na

---

† **17:24** Danshi na a yuwayin ulinga pa nda na Tsheleni ayi da "utafa wa Aa'isamapada drakma re." Kalyuwa Ucuɗuwu wi "Ikebe." ‡ **17:27** Danshi na a yuwayin ulinga pa nda na Tsheleni ayi da "ikebe yi irumu i drakma i nashi." Kalyuwa Ucuɗuwu wi "Ikebe."

tarai aciyayi ili i ro shi, ana mawun me ke'en ma nda, ayi da za na la'ai tsugbain o tsugono tsa zuva.

<sup>5</sup> “Waru za na ushiyi mawun me ke'en ma nda a aala a va, amu da u ushiyi.”

*Malyungwa ma na ma tsu tawa nu unusu*  
(Mak. 9:42-48; Luk. 17:1-2)

<sup>6</sup> Avu Yesu lyuwa elime u damma, “Woo yo'ono aza a na aa zuwa ko vuma ta atsuma a aza a na oo tonon mu yuwan unusu shi. U ta la'aa le a nlaa le aatali a yira a yinlu a vari le atsuma a mala upasu u na u la'ai aru'un!

<sup>7</sup> “Woo yo'ono ama shi, adama e ili i na yaa zuwusa ama mariya o unusu. A ri ni ili i na aa yuwan shi, ili i ndolo i ta fara, agba woo yo'ono aza a na a tawai ne ele shi! <sup>8</sup> Nu ukere wa wu ko anana a wu aa zuwusa wu mayan mo unusu, vu kodo yi vu vari yi. U ta la'aa wu vu lamba upasu u lipu u ro wa wu, reve vo o'wo na wuma u na va kuwa shi a na va dana ne ekere e re na ana e re avu a vari wu a akina a na a ri n kim shi. <sup>9</sup> Na lyusu va wu aa zuwusa wu mayan mo unusu, vu fodo yi vu vari yi. U la'aa wu ta vu dana na lyusu ta goon avu vu dana wuma, a na va dana ne esu e re reve a vari wu a akina a na a ri kim shi.”

*Irociyi kyon na puwayin*  
(Luk. 15:3-7)

<sup>10</sup> Avu waru Yesu damma, “Iyuwan ugbozu. She i tara aza e keke'en a nda ili ye pere wan. N ta dansaa du, a ta na nlingata zuva n na n ri obolo na Dada va zuva.\*

---

\* **18:10** Akuci a aatagada a nda a ta na ayi nda, “Amma amu, Mawun ma Vuma, n tawa ta adama n wawa aza a na a puwayin.”

12 “Nā za va aguḅa ri ni ikyon ukpaku, reve za t̄a ut̄a reve u puwān, nye i ḁa waa yuwan? U ta lyawa kupakucci nā kucci na buwai a alyuna a nge'en m masasan, reve u 'yāwā izami yi kyon t̄a na puwayi'in. 13 Nu u tsurā yi, amayun a ḁa maa dansaa ḁu, u ta la'a yuwan māzāngā a aci ā za t̄a o ndolo, a na waa yuwan a aci a kupakucci nā kucci na buwai. 14 Ne ḁa u ri ya Dada ḁu za na ri zuva. U ciga ko za t̄a atsuma ā aza e keke'en a nda u puwān shi, suru suru.”

*Nā za ro nusaan wu*  
(Luk. 17:3)

15 Reve Yesu lyuwa elime u damma, “Nnā za va wu yuwaan wu unusu, 'yāwā yā'a yi, āvu vu roco yi unusu wā yi. Agba vu yuwan yi usokowu, āvu nā āyi goon. Nā vuma'a wu uwwa wu, vu lyuwa t̄a aci a za vā wu waru vu kām̄bato t̄a za vā wu. 16 Nu u 'yuwan gba a uwwa wu, vu tara vuma t̄a, ko ama e re i 'yāwā oḅolo. Vu yuwan ne adama a na Adanshi ā Ḃsulā a damma t̄a adanshi o unā wa ama e re kō ama ā ta'atsu a aci a za ro u la'a t̄a ume. ◇ 17 Nu u 'yuwan a uwwa le fo, vu damma āza e Itoni. Nu u 'yuwan waru a uwwa āza e Itoni, to, vu yuwan nā āyi ununa vaa yuwan nā za na revei Ḃsulā shi, ko ana manlu mo u'ushishi mo utafa.”

*Manlā nā mabada*

18 Ḃvu waru Yesu damma, “Amayun a ḁa maa dansaa ḁu, Ili i na suru yi nlai pa o uvadi u nda, Ḃsulā za na ri zuva t̄a ā nla yi fo. Agba ili i na suru i badi, u t̄a badi yi fo.

19 “Waru, n ta dansaa ɗu, na ama e re a<sub>t</sub>suma a ɗu a yuwan a<sub>s</sub>ala e ili i na a cigai, reve a vasa adama a yi, Dada va za na ri zuva ta yuwaan ɗu ayi. 20 Adama a na ubata u na ama e re ko ama a ta'atsu o bolotoi a aala a va, n ta lo obolo ne ele.”

*Irociya aagbashi a na a 'yuwain a yuwan gafura*

21 Reve Bituru tawa ya Yesu we ece, “Zagbain, na za va aa nususaan mu, hali uyan u da maa yuwaan yi gafura? Toto ucindere?”

22 Avu u usu, “O'o, toto ucindere shi, amma kupocindere toto ucindere.

23 “Nda cine tsugono tsa zuva tsa ri: A yuwan ta mogono mo ro za na cigai u ushi ikebe i na woo tonon agbashi a yi. 24 Ayi atsuma o u'ushishi, reve a tawa na vuma ro za na woo tonon ikebe i gbain i azurufa ukpakukupa kupa (10,000).† 25 Aagbashi'i gba u shi ni ikebe i na waa gura tsupa yi shi. Dada mogono'o u zuwai a wina vuma'a ni ili i na u ri na ayi suru, hali na ka va yi na muwun ma yi. Reve a tara ikebe'e a tsupa mogono'o utan u na woo tonon aagbashi'i.

26 “Amma avu aagbashi'i u kingyo, reve u pati u damma, ‘Vu yuwan ankuri na amu, n ta tsupa ili i na n kopoi suru.’ 27 Reve mogono'o we ene yi iliyali lon, reve u lyawa yi, avu u damma yi she u tsupa ikebe'e waru wan.

---

† 18:24 Ikebe yi rumu i azurufa i gbain ayi da a tsu de “talen” na Tsheleni, unata u da talen ta ri ni ikebe i na aa tsupa za zamalinga atsuma a a'wan gendu. Talen ukpakukupa kupa (10,000) la'a ta ikebe ya atsupu yi za zamalinga vu rana ukpakukupa udoɗonuwu kupoton (50,000,000).

<sup>28</sup> “Aagbashi'i a motaa, avu u ga'an na aagbashi o ro za na woo tono ikebe i ke'en i azurufa† ukpaku. Dada u gaga niyi oogorovili. Reve u uwa a cukudusa yi nu u dansai, ‘Vu tsupa mu utan u va!’

<sup>29</sup> “Reve aagbashi'i u kingyo, reve u pati yi u damma, ‘Yuwan ankuri na amu, n ta tsupa wu ili i na voo tonu mu suru.’

<sup>30</sup> “Agba avu aagbashi o ufaru'u u 'yuwan e ene iliyali ya yi. Reve u zuwa a baru yi o u'wa wa ali, hali she nu u tsupa ili i na oo tonu yi. <sup>31</sup> Ana akapi a agbashi e enei ili i na u yuwain, reve a uwwa upan lon. Dada a 'yawai ubata u mogono'o, reve a damma yi ili i na i yuwain suru.

<sup>32</sup> “Dada mogono'o u deyi aagbashi'i reve u damma, ‘Avu aagbashi a vama! Ana vu pati numu, n lyawaa wu ta uta'an, reve n damma she vu tsupa ili wan. <sup>33</sup> Vu shi ta fo ee ene iliyali ya aagbashi o ndolo ununa me ene nuwu iliyali.’

<sup>34</sup> Reve mogono ma uwwa upan lon, avu u zuwa a zuwa yi o u'wa wa ali, u sowo atsumalima hali u tsupa ili i na oo tonu yi suru.

<sup>35</sup> “Ne da Dada va za na ri zuwa aa yuwan na adu nni i 'yuwan a yuwaan aza a du gafura o okolo a du.”

## 19

### *Uritosu adama a wukasu u lolo (Mak. 10:1-12)*

<sup>1</sup> Ana Yesu kotoi adanshi o ndolo, reve u lyawa Galili avu u kara a tyo e ida ya Yahuda upasalai wu

---

† **18:28** Ikebe yi rumu i azurufa i da atsu de “dinari,” atsupu o urana u ta wu za zamalinga.

Udolu wā Urdu. <sup>2</sup> Reve oḅolo a ama o toni yi, avu u kambato aza o ubanakun gbaga.

<sup>3</sup> Avu Afarishi o ro a ciga a lyungwa yi na yeci, reve a damma, “Wilā u tsu u lyawa tā vuma kakasa na ka vā yi ko adama e ili i ro i na we enei suru?”

<sup>4</sup> Reve Yesu usu, “Koto i denuna atsuma a Adan-shi a Asulā shi? A dana tā ana Asulā a yuwain uvadi, ‘U yuwan le tā vali na ka. <sup>5</sup> Ayi da i zuwai vali aa lyawa dada vā yi na mma vā yi reve e remulei na ka vā yi, avu ele ra o o'wo ili i tā.’ ◇

<sup>6</sup> Ana wo o'woi a buwa ili i re shi, agba ili i tā, adama o ndolo ili i na Asulā o ɓoloi she nanza kakasa wan.”

<sup>7</sup> Avu Afarishi e ece yi, “To, adama a nye i da Musa lyawai vuma ca ka vā yi aatagada a wukasu u lolo reve u gbara yi?”

<sup>8</sup> Avu Yesu usu, “Musa lyawa du tā i kakasa na amaci a du, adama a na i 'yuwain a kuru ili i na Asulā a dammai, amma de o ufaru ne da u shi shi. <sup>9</sup> Waru lyawa n damma du nda, za na suru lyawai ka vā yi reve u yuwisan lolo ro, tsipere tsa da waa yuwusan, shede na ka'a u ri e tsipere na ali o ro.”

<sup>10</sup> Reve ojoro a yi a damma yi, “Na ne da ili'i i ri e ekere a vali na ka vā yi, u la'a tā ulobonu she vuma yuwan lolo wan.”

<sup>11</sup> Avu Yesu usu, “Vuma suru da aa gura usu uritosu u nda shi, amma she aza a na Asulā a cayi.

<sup>12</sup> Ili i na i zuwai ozo o ro aa yuwan lolo shi ayi da, ozo o ro a matsan le tā ali agba a ri gbaga shi. Ozo o ro waru ama a da a kambato nle ne. Ozo o ro waru

◇ 19:5 Ufr. 1:27; Ufr. 2:24; Ufr. 5:2.

a 'yuwan t̄a lolo adama o tsugono tsa zuva. Za na aa gura tara uritosu u nda u tara.”

*Yesu ushiyi muwun*

*(Mak. 10:13-16; Luk. 18:15-17)*

<sup>13</sup> Reve ama o ro a t̄awāā Yesu n̄a muwun n le, adama u ju'w̄an le u yuwaan le avasa. Āvu ojoro ā yi a putsaa aza a na a t̄awusāā n̄a muwu'un, a lyawa a damatosun yi.

<sup>14</sup> Reve gba Yesu damma le, “Lyawai muwun n keke'en n t̄awā ya'ā v̄a, she i putsaa le wan. Icu'un ya ama a na ā ri ts̄a muwun n nda, tsugono tsa zuva za le da.” <sup>15</sup> Ana Yesu ju'w̄ain muwu'un, reve u zuwaa le aba'un dāda u kārai.

*Za vu utsuru*

*(Mak. 10:17-31; Luk. 18:18-30)*

<sup>16</sup> Ana a yuwain ne, reve vuma ro t̄awā yā Yesu reve we ece yi, “Manlu, ili yā ābulā i ne i da maa yuwan tsarā n tsurā wuma u na woo koto shi?”

<sup>17</sup> Reve Yesu damma yi, “Adama a nye vee eceshe mu ili yā ābulā? Asulā da goon za vā ābulā. Nā vu ciga vu tsurā wuma u babu ukotu, ciga 'yuwan vu kuru Wil̄ā wā yi.”

<sup>18</sup> Āvu vuma'a we ece, “Wil̄ā u ne u da?”

Reve Yesu usu, “She vu una za nu ucigu wā wu wan. She vu yuwan tsipere wan. She vu yuwan wivu wan. She vu yuwan epen a aci o ozo ro wan.

<sup>19</sup> Vu ca aabara n̄a makuci mā wu tsugbain. Vu ciga ozo o ro ununa vu cigai aciyawu.” ◇

<sup>20</sup> Reve vuma'a\* u usu, “Ele nda suru n yuwan le t̄a de. Nye i buwai na maa yuwan waru?”

◇ 19:19 Mta. 20. \* 19:20 Vuma'a u rawa t̄a na waa yuwan lolo, agba koto u yuwan lolo shi.

21 Avu Yesu usu, “Nā vu ciga vu shiwān vuma, 'yāwā vu wina ili i na vu ri nā ayi suru, reve vu ne'eshen alambi ikebe'e, vu tā tsurā uzuwa zuva. Reve vu tāwā vu kuru mu.”

22 Ana vuma'a wu uwwai ne reve atsuma a lāngā yi, adama a na u tā nu utsuru lon. Reve u kārā ili yā yi.

23 Dadā Yesu dammai ojoro a yi, “Amayun a da maa dansaa du, ili yu usan i da za vu utsuru uwa o tsugono tša zuva. 24 Amayun n ta dansaa du, u ta la'a babu usan aarakumi a pusulai nā vunu vu bele, a na za vu utsuru aa uwa o tsugono tša Asula.”

25 Ana ojoro a yi a uwwai ne, reve a uwa asalama lon, reve e ece, “To, zane gba aa la'a?”

26 Avu Yesu kalyuwa le u damma, “E ekere a vadilimā ili'i i ri n yuwan shi, amma ubātā wā Asulā ili biti u ta gura yuwan.”

27 Dadā Bituru damma niyi, “Atsu da nda tsu lyawai ili suru, reve tsu kuru wu. Nye da gba tšaa tsurā adama o ndolo?”

28 Reve Yesu damma le, “Amayun a da maa dansaa du, a mantsa ma na amu Mawun ma Vuma, maā danu o ootogu o tsugbain a mantsa ma na maā tāwā, adu aza a na oo tono mu i tā danu o otogu kupa ne ejere, waru i tā ge'eto gundo kupa ne ejere va Isra'ila. 29 Aza a na a lyawai ili suru suru adama a vā, a lyawai 'wa le ko adumā e le, a tā tsurā atsupu. Ne da waru na a lyawa azā e le ali ne esheli, ko a lyawa nan dada nā nan mma le, ko gba a lyawa muwun, a tā tsurā atsupu hali a tyo toto ukpaku, waru a tā tsurā wuma u na woo koto shi. 30 Agba nā abundā aza a na a ri elime gogo a



tā kamba aḥapa, waru aza a na a ri aḥapa gogo a ta tyo elime.”

## 20

### *Iroci ya aza a zamalinga*

<sup>1</sup> Ana Yesu uwai o rocosu ama ununa tsugono tsa zuva tsaa ḍana, ḍavu u damma, “A yuwan tā vuma ro za na ḍanaḥi nu uḍuma wa inabi. Urana u ro, reve wu utā nā wasasa adama u zami aza a zamalinga adama a lingaa yi uḍuma wā yi. <sup>2</sup> ḍavu u damma u ta tsupa le ununa a tsu tsupa ikebe i azurufa yu ulivu irumu i tā tā. Reve u tara le a tyo o uḍuma'a a linga yi.

<sup>3</sup> “Ana alanzu a gaḍuwai, aḥi o utulai e eden reve u cina ozo o ro lo a mishin me pere. <sup>4</sup> Reve u banu le fo a tyo o uḍuma wā yi, ḍavu u damma le u ta tsupa le ili i na i lobonoi nu urana u riya. <sup>5</sup> ḍavu a kara e reme ulinga o uḍuma'a.

“Nu urana a aci nā rumu ta'atsu vu urana reve u yuwisan ne. <sup>6</sup> Waru ana u buwai rumu tā na aa lyawa ulinga, reve wu utisa a lyuci, ḍavu waru u cina ama o ro mishin lo. Reve we ece le, ‘Adama a nye yaa yuwusan ulinga ana'an shi?’

<sup>7</sup> “Reve a usu, ‘Adama a na ko za tara tsu shi!’

“ḍavu u damma le, ‘To, 'yawaḥi i linga o uḍuma u va.’

<sup>8</sup> “Ana urana u kotoi, reve za vu uḍuma'a u de za ve elime u damma yi, ‘De aza a zamalinga'a vu tsupa le. Vu teme na aza a na n tarai nu ukosu, reve vu koso na aza a na n fara tarai.’

<sup>9</sup> “Reve aza a na o koso tarai a yuwan ulinga wu rumu tā goon a tawa a ushi atsupu e le, za suru ushi tā rumu tā azurufa. <sup>10</sup> Ana aza a na e temei

ulinga ili yu usana a tawai tsara a ushi atsupu e le, a ta dansa a ta ushi ili i na i la'ai aza a aza e le. Avu wo o'wo ele fo irumu i ta ta i azurufa i da a tsupa nle. <sup>11</sup> Ana a ushiyi ikebe i le, reve a 'yawa na adanshawuya ubata wu za vu ufuma'a. <sup>12</sup> Reve a damma, 'Aza a na a tarai na acapa rumu ta da goon a lingai. Avu vu tsupa le unata na atsu. Atsu gba tsu linga ta atsuma o usuduwu wu urana hali a tyo ulivu!'

<sup>13</sup> "Reve za vu ufuma'a u usu za ta atsuma e le, 'Tutsa i va, m paala wu shi. N tsupa wu ta ili i na tsu yuwain adanshi. <sup>14</sup> Tara ikebe ya wu vu kara! N tara ta n tsupa za na a tarai o ukosu unata na avu. <sup>15</sup> N ta gura yuwan ununa n cigai ni ikebe i va. Vu ta a tsushu'un o una u na n yuwayin ama a ndede isa'ani? "

<sup>16</sup> Dada Yesu tsu damma, "Ne da u ri. Za ve elime gogo u ta kamba acapa, waru za va acapa ta kamba elime."

*Yesu yuwisan ta adanshi o ukwa wa yi wa ta'atsu*

*(Mak. 10:32-34; Luk. 18:31-34)*

<sup>17</sup> Yesu atsuma a mmalu a tyo Urishelima, reve u de ogoro a yi kupa ne ejere a nge'en avu u damma le, <sup>18</sup> "Na tsu rawa Urishelima a ta wina Mawun ma Vuma e ekere a nan ganu a gbagbain na munlu n Wila. A ta yuwaan yi uge'etosu u na oo una yi. <sup>19</sup> Reve a zuwa yi e ekere a Atakpaci aza a na aa yuwaan yi ulamu, a fufaba yi, reve a vara yi a akpata. Agba o urana wa ta'atsu Asula a ta 'yasan yi atsuma a akwakwa."

*Ipai yi ka ro o una u muwun ma yi*

*(Mak. 10:35-45)*

<sup>20</sup> Avu ka vā Zabadi rawa no olobo a yi e re, Yakubu nā Yahaya. Reve u kingyo u uwa ipati ya Yesu yuwaan yi ili i ro.

<sup>21</sup> Avu Yesu ece, “Nye i da vu cigai?”

Avu u damma, “A mantsa ma na vu danuyi o tsugono tsā wu, vu ta lyawa muwun n vā n nda a danu ubata u tsugbain zuzu nā avu, za tā o ukere usa'ani za tā waru o ukere ugulā wā wu?”

<sup>22</sup> Avu Yesu damma, “I reve ili i na yaa patishi shi. I ta gura sowo mokoto mā atsumalimā ma na maa zama n sowo?”

Reve olobo'o a usu, “Ee, tsu ta gura.”

<sup>23</sup> Reve Yesu usu, “Amayun a da i to sowo atsumalimā'a! Agba maa gura đangwa za na aa danu o usa'ani ko o ugulā u vā shi. Ele batā ndolo ubata wa a a na Dada vā foboyi da.”

<sup>24</sup> Ana akapi o ojoro kupa a uwwai ne, reve a uwa upan nā muwun mā anawu n re'e. <sup>25</sup> Avu Yesu de a a na oo tono yi suru reve u damma, “I reve tā aza o tsugono tsa Atakpaci a ciga tā o roco tsugbain tse le e ekere a ama. Waru aza a tsugbain tse le a tsu ciga tā o roco a na a ri nu ucira. <sup>26</sup> Agba e ekere a đu, she wo o'wo ne wan. Za na biti cigai wo o'wo zagbain atsuma a đu, she nu u kamba aagbashi a akapi a na a buwai. <sup>27</sup> Waru za na cigai wo o'wo za ve elime, she nu u yuwan ulinga u tsugbashi a tyo a akapi suru. <sup>28</sup> Adama a na ko amu, Mawun ma Vuma n tawā tsara a yuwaan mu tsugbashi shi, amma n yuwaan ama, waru n ca aciya vā adama a wawa ama nā abunda atsuma a nusu le.”

*Yesu kambato ta nrumba n re gbaga  
(Mak. 10:46-52; Luk. 18:35-43)*

<sup>29</sup> Yesu no ogoro a yi a lyawa ta Jeriko, reve obolo a ama a abunda a kuru yi. <sup>30</sup> Nrumba n re n dana ta lo nden a nge'en mu ure. Ana a uwwai Yesu da ri lo a kara, dada a uwai yisaali adansa, "Zagbain, Mawun ma Dawuda! Kalyuwa iliyali i tsu!"

<sup>31</sup> Reve obolo a ama'a a bara le a baru na le, avu gba a dashi 'yasan udyo lon, "Zagbain, Mawun ma Dawuda! Kalyuwa iliyali i tsu!"

<sup>32</sup> Ana Yesu uwwa nle, reve wi isawan we ece, "Nye i cigai n yuwaan du?"

<sup>33</sup> Dada a usuyi, "Zagbain, tsu ciga ta tse ene!"

<sup>34</sup> Avu Yesu ene iliyali i le, reve u ju'wan esu e le. Dada esu e le a kpatu'ushi, reve e ene ure, dada a kuru niyi.

## 21

*Yesu uwai Urishelima  
(Mak. 11:1-11; Luk. 19:28-40; Yah. 12:12-19)*

<sup>1</sup> Yesu no ogoro a yi a marawaa zuzu na Urishelima, reve a rawa a lyuci va Batafaji zuzu na Masasan ma Zetun. † Avu u lyungu ogoro e re elime a yi. <sup>2</sup> Avu u damma le, "Yawai a malyuci ma na ma ri elime. Nni i rawa, i te eneshi molloli na mma va yi ugutsuwu. I bada le, reve i tawaa mu ne ele. <sup>3</sup> Na za ro ece du, adama a nye yaa bada sa le, i damma, 'Zagbain ciga le ta!' U ta lyawaa du nloli'i babu addama o ro."

<sup>4</sup> Ili i nda i fara ta adama o shiton ili i na Zakariya vumavasula dammai:

<sup>5</sup> "Dammai aza a Urishelima:

'Mogono ma du moo ta lo a tawa!

U tara aciyayi ili i ro shi, reve u kumba mololi.

U ta lo a ta wa ukumbu o molloli.’ ” ♦

<sup>6</sup> Reve ojoro'o a kara a yuwan ili i na Yesu damma nle a yuwan. <sup>7</sup> Avu a ta wa na mololi na molloli'i, reve ojoro'o fo o polo de o nloli'i itana i le. Reve Yesu kumba. <sup>8</sup> Ama na abunda o poluso ta amuna e le o ure. Ozo o ro gba shi a kufusa avu'un no o poluso nle o ure. <sup>9</sup> Avu ozo o ro a uwa elime e Yesu, ozo o ro gba shi a dana oo tono yi aca pa. Reve a saalasa,

“Husana!† Ica a tyo a Mawun ma Dawuda!”

“Asula a zuwa za na aa ta wa atsuma a ala a Asulazuva aba'un!”

“Ica a tyo e ekere a Asula!”

<sup>10</sup> Ana Yesu uwai atsuma a Urishelima,† lyuci'i ma bu la u shiwan ta na agidi'ya. Hali ama e ece, “Vuma ne da gba nda'a?”

<sup>11</sup> Reve obolo ama'a a usu, “Vuma nda ayi da da Yesu, vumavasula diga a lyuci va Nazara va Galili.”

*Yesu gbarai aza a wina atsuma a Aa'isamapada  
(Mak. 11:15-19; Luk. 19:45-48; Yah. 2:13-22)*

<sup>12</sup> Avu Yesu uwa atsuma a Aa'isamapada,† reve u lo aza a na a dana i a atsulu na a wini atsuma a Aa'isamapada'a. Reve waru wu kebe apada a na a dana i a kita'usa de ikebe icu'un icu'un, reve fo u kekebe ili yu ubata u na a dana i a winisa nrukuku.

<sup>13</sup> Reve u damma le, “Adanshi a Asula a damma ta, ‘E te de u'wa u va ubata u mayan ma avasa.’ Amma, adu da nda i kambato niyi upa'atan we evu.”

---

♦ 21:5 Zak. 9:9.

14 Avu nrumba na akutsuma a tawusa ubata wa Yesu atsuma a Aa'isamapada, reve u kambatosu le gbaga. 15 Ana nan ganu a gbagbain na munlu n Wila me ene niyi a yuwusan ili ya asalama, reve waru e ene muwun a cuwusa yi atsuma a Aa'isamapada'a, waru a ta dansa, “Husana!† Ica a tyo a Mawun ma Dawuda.” Reve ili i ndolo suru i zuwa nan ganu a gbagbai'in na munlu n Wila'a a uwwa upan lon.

16 Avu e ece Yesu, “Vu ta uwwusa ili i na muwun n nda maa dansa?”

Reve u usu le, “Ee, koto i denuna atsuma a Adanshi a Asula shi?

‘Avu Asula vu rito ta muwun na nrebu a canaa wu ishipa yi ica.’ ” ◊

17 Reve Yesu lyawa le, avu u kara o uta atsuma a lyuci'i a tyo Batanya, de da wa asai.

*Yesu yuwayin ufanga wu ubiri una  
(Mak. 11:12-14, 20-24)*

18 Na wasasa, Yesu a makamba a atsuma a lyuci'i, reve ambulu a guza yi. 19 Avu we ene ubiri a nge'en mu ure, reve u kara a 'yawa e ikyun ya yi, agba u tsura de umatsun wa yi shi, she avu'un. Adama o ndolo reve u damma ufanga'a, “Vaa dashi matsan shi!” Babu usan reve ufanga'a u 'yewushi.

20 Ana ogoro a yi e enei ili i na i farai, a yuwan ta asalama lon. Reve e ece, “Cine ubiri u nda u 'yewushi gogogo?”

21 Avu u usu le, “Amayun a da maa dansaa du, nni i ri nu ucawu wo okolo agba okolo a du a kuda shi, i ta gura yuwan ili i na n yuwain nu ufanga u

◊ 21:16 Ica 8:2.

nda, hali u la'a. I ta gura damma masasan ma nda, 'Kara, vu riyā a mala!' Nni i ri nu ucawu wo okolo, ili i ndolo i ta fara. <sup>22</sup> Ili i na i patiyi suru aṭsuma a avasa, nni i ri nu ucawu wo okolo, i ta tsura."

*Azagbain a wasain ucira wa Yesu  
(Mak. 11:27-33; Luk. 20:1-8)*

<sup>23</sup> Ana Yesu kambai aṭsuma a Aa'isamapada'a, reve u reme uritosu. Avu nan ganu a gbagbain na azagbain a tawa ubata wa yi, reve e ece yi, "Nu ucira u ne vaa yuwusan cu'un vu ulinga u nda? Zane da ca nuwu cu'un vu ucira u nda?"

<sup>24</sup> Reve u usu le, "Amu fo n ta na yeci i ta i na maa yuwan du. Nni i usu mu, amu waru n ta damma du ubata u na n tsurai ucira u na maa yuwusan linga nda. <sup>25</sup> Zane cayi Yahaya ucira u yuwan urumbusu? Asula a na a ri zuva da, ko vadilima?"

Reve a kara a ndammulai vani le. "Nna tsu damma, 'Diga zuva da,' u te ece tsu, nye i zuwai tsu ushi niyi shi. <sup>26</sup> Agba waru n tsu damma, 'Diga ubata u vuma u da,' tsu ta uwwusa wovon wi ili i na ama aa yuwan na aṭsu, adama a na ama suru a usu ta a na Yahaya vumavasula da."

<sup>27</sup> Adama o ndolo reve a usu yi, "Tsu reve shi."

Reve u usu le, "Maa damma du fo za na ca numu ucira u na maa yuwan ili i na maa yuwusan shi."

*Iroci i muwun n re*

<sup>28</sup> Reve Yesu damma waru nan ganu a gbagbain na azagbain, "N ta damma du iroci i vuma ro na danai na muwun n re. Avu i damma mu ili i na i jiyain. Urana u ro, reve dada'a u 'yawa ubata a zakpara avu u damma, 'Yawa vu yuwan ulinga o uduma wa inabi ana'an!'

<sup>29</sup> “Avu mawu'un u usu, ‘Maa 'yawa shi!’ Amma a tyo de, reve u vadala majjiyan ma yi, reve u 'yawa.

<sup>30</sup> “Reve waru dada'a u 'yawa ubata wu zawa'a avu u damma, ‘Yawa vu yuwan ulinga o uduma u va ana'an!’ Reve zawa'a'a u usu, ‘Ee, dada, n ta 'yawa n yuwan ulinga'a!’ Agba u 'yawa shi.

<sup>31</sup> “Zane da atsuma a muwun n nda u yuwayin dada'a tsutoni?”

Reve a usu, “Mawun mo ufaru.”

Avu u damma le, “N ta dansaa du amayun, aza o u'ushishi wu utafa na ashakala a ta uwa o tsugono tsa Asula kafu adu. <sup>32</sup> Yahaya za vu Urumbusu tawa ta u roco du ure u mejege u na yaa danu. Agba i usu yi shi, reve gba aza o u'ushishi wu utafa na ashakala a usu yi. Ko na ye enei ili i nda, i 'yuwan ta a vadala i lyawa akuci e re du, reve i 'yuwan a usu yi.”

### *Iroci ya aza a zamalinga a wuya*

*(Mak. 12:1-12; Luk. 20:9-19)*

<sup>33</sup> Reve Yesu damma waru nan ganu a gbagbain na azagbain, “Poloi atsuva a du yu uwwa iroci i nda: A yuwan ta vuma ro na danai nu uduma wa inabi. Avu u suwa isula akandarawa yi. Reve u kapa akari, tsara u tsura ubata u na waa dana o sovuso masayan ma inabi,† avu u suwa atsuru adama a za vi ipiri. Reve u ca aza a zamalinga uduma'a tsara a linga yi, avu ayi u kara mmalu.

<sup>34</sup> Ana mantsa mo uta'an wu umatsun wa inabi'i ma rawai, avu u lyungu agbashi a yi a 'yawa a ushi akunda e ili i na o bolotoi.

<sup>35</sup> “Amma avu aza a zamalinga'a e reme agbashi'i. Reve a lalapa za ta le, avu o una za ro,



reve a vuvara za va ta'atsu hali u kuwa. <sup>36</sup> Avu za vu uduma'a u lyunguwisa agbashi a abunda a yi a 'yawa a tawa yi ni inabi'i. Reve waru aza a zamalinga'a a yuwaan agbashi'i cine a yuwain na agbashi a na u fara lyunguyi. <sup>37</sup> A tyo o ukosu, reve za vu uduma'a u lyungu mawun ma yi a tyo ubata wa aza a zamalinga'a, a majiyan ma yi a ta yuwan tsutoni na ayi.

<sup>38</sup> “Amma ana aza a zamalinga'a e enei mawu'un a tawa, avu a dammulai vani le, ‘Mawun ma nda ayi da woo o'wo na agadu o uduma u nda. Nna tsu una yi, tsu to o'wo nu uduma'a!’ <sup>39</sup> Avu e reme yi, reve a tara yi o utaa yi atsuma o uduma'a nu ucira, reve o una yi.”

<sup>40</sup> Reve u yuwan yeci, “Nna za vu uduma'a u tawa, nye i zuwai waa yuwan na aza a zamalinga'a?”

<sup>41</sup> Avu a usu, “Babu ili i ro, u to una ama e iwuya o ndolo, reve u ca aza a zamalinga o ro uduma'a, aza a na aa ca yi akunda e ili i na o bolotoi a mantsa ma sa'ani.”

<sup>42</sup> Avu u damma le, “Koto i denuna atsuma a Adanshi a Asula shi?

‘Aatali a na asuwi a 'yuwain, ayi da wo o'woi ikyun yu ucira atsuma o usaa.

Zagbain da yuwain ili i nda,  
Waru u lobono ta e esu a tsu!’  $\diamond$

<sup>43</sup> “Adama o ndolo n ta dansaa du, a ta usa tsugono tsa Asula e ekere a du, reve a ca ama a na aa yuwusan ili i na Asula a cigai o tsugono tsa yi. <sup>44</sup> Vuma na riyai zuva va aatali o ndolo suru u

---

$\diamond$  **21:42** Ica 118:22-23.

ta kukuḁa, waru za na aatali o ndolo a riyayi, u ta yukuma yi.”\*

<sup>45</sup> Ana nan ganu a gbagbain na Afarishi a uwwai iroci i nda, a gura ta reve a na a aci e le a da Yesu aa yuwusan adanshi. <sup>46</sup> Avu a shi a ciga e reme yi, amma reve a kara a uwwusa wovon wa ama, adama a na ama a ca ta okolo a na Yesu vumavaṣula da.

## 22

### *Iroci ya abuki a gbain o lolo (Luk. 14:15-24)*

<sup>1</sup> Yesu yuwisan ta iroci tsara u rito ama. Dada u dammai, <sup>2</sup> “Apa cine tsugono tsa zuva tsar: A yuwan ta mogono mo ro za na fofoi abajini a abuki o lolo adama a mawun ma yi. <sup>3</sup> Mogono'o u banu ta ama o ro a tawa abuki'i. Ana urana wa abuki'i u rawai, avu u lyungu agbashi a yi tsara e de ama'a, reve a 'yuwan a tawa.

<sup>4</sup> “Reve u lyunguwisa agbashi o ro, adansa, ‘Dammal aza a na m banuyi a na o koto ta ifofi ya abuki. M pada ta inan i va i na i la'ai ulobonu, avu n fofo inama. O fofo ta de ili suru. Tawai ubata wa abuki o lolo.’

<sup>5</sup> “Amma aza a na a banuyi'i a zuwa atsuva e le shi. Ozo o ro e le a kara ta a tyo a aduma e le, ozo o ro gba a 'yawa ta alya e eden. <sup>6</sup> Ozo o ro gba shi e reme ta agbashi'i, avu a gaga le, hali o una le. <sup>7</sup> Ana mogono'o wu uwwai ne, u yuwan ta upan lon. Dada u lyunguyi asoja a yi o una aza a na o unai agbashi'i, avu a kulato lyuci gbain le.

---

\* **21:44** Akuci a atagada va aatagada a nda a ri nu uguzu wa 44 shi.

<sup>8</sup> “Daɗa u dammai agbashi a yi, ‘O koto ta ifoɓi ya abuki o lolo. M banu ta ama a nda, agba a ntsaa a tawa shi. <sup>9</sup> Adama o ndolo, 'yawai e re lyuci gbai'in tsara i banu vuma na i tsurai biti u tawa ubata wa abuki a va.’ <sup>10</sup> Avu a 'yawa e re, avu o boloto ama a na a gura tsurai suru, ama a abula na ama o ulambu wa abula suru. Ne da ubata wa abuki'i u shiwain na ama.

<sup>11</sup> “Ana mogono'o u uwai we ene omoci'in, reve we ene pe vuma ni itana i na wu ntsayi u tawa ubata u lolo shi. <sup>12</sup> Daɗa we ece niyi, ‘Avu, nye i zuwai vo otoi itana i na i ri ulobonu shi, reve vu tawa ubata wa abuki?’ Ayi gba moci'in u tsura ili i na waa damma shi.

<sup>13</sup> “Avu mogono'o u damma agbashi o ro, ‘Nlari ana ne ekere a vuma'a. Reve i vari yi atsuma e irumbu, ubata u na ama aa shon na a lumi anga adama a atsumalima.’

<sup>14</sup> “Amayun, a banu ta ama na abunda, agba ama ke'en da a dangwai.”

*Yeci adama a atsupu o utafa  
(Mak. 12:13-17; Luk. 20:20-26)*

<sup>15</sup> Reve Afarishiƙi o foɓo cine aa yuwan e reme Yesu nu unusu atsuma a adanshi. <sup>16</sup> Avu a lyunguwa yi ama o ro atsuma o ojoro e le obolo no ozo o ro a na oo tono Hiridu. Reve a damma, “Manlu tsu reve ta vu ta dansa amayun kuci, waru vu to rocosu ama ure wa Asula mejege. Vu tara ta ama suru unata, ko cine tsa da a ri. <sup>17</sup> Damma tsu majiyan ma wu, u lobono ta tsu tsupa utafa a tyo ya Kaisaƙi mogono, ko she tsu tsupa wan?”

<sup>18</sup> Yesu gba u reve ta majiyan me iwuya me le, daɗa u dammai, “Adu aza e ikpa'a! Nye i zuwai

yaa lyungusa mu? <sup>19</sup> Roco numu ikebe\* yi rumu i na yaa tsupusaa utafa'a." Avu ama'a o roco yi ikebe'e. <sup>20</sup> Reve we ece le, "Ululu na aala a zane a da a ri de ufanu?"

<sup>21</sup> Avu a usu, "Mogono ma gbain Kaisa."

Reve u damma le, "Cayi Kaisa ili i na i ri za va yi, Asula waru i ca yi ili i na i ri za va yi."

<sup>22</sup> Ana a uwwai ne, a yuwan ta asalama, da da a lyawa niyi avu a kara.

*Yeci adama o u'yosun wa akwakwa*  
(Mak. 12:18-27; Luk. 20:27-40)

<sup>23</sup> Aza a Sadukiya† a usu a na ama aa 'yon atsuma a akwakwa shi. O urana u ndolo gan, avu a tawa ubata wa Yesu. Reve a damma, <sup>24</sup> "Manlu, Musa damma ta, 'Na vuma kuwa babu mawun, avu za va yi sotso maruna'a tsara u tsuraa yi mawun.' ♦ <sup>25</sup> De nu ufaru, a yuwan ta ama e cindere muwun ma anawu n na n danai pa. Za vu ufaru zuwa ta ka, avu u kuwa babu mawun. Reve za ve ire sotso yi. <sup>26</sup> Avu ayi fo u kuwa babu mawun, reve za ro sotso yi waru, ne da a yuwain hali wo olo le suru. <sup>27</sup> A tyo o ukosu, avu ka'a fo u kuwa. <sup>28</sup> Na Asula a tawa a 'yasan ama o ukwisa, ka va zane da woo o'wo? Adama a na wo olo ta ali e cindere'e suru."

<sup>29</sup> Da da u usu nle, "I ri nu urevu shi, adama a na i reve ili i na Adanshi a Asula a dammai shi, waru i reve adama o ucira wa Asula shi. <sup>30</sup> Na a 'yasan ama atsuma a akwakwa, aa yuwan lolo shi, waru aa ca lolo shi. O to o'wo gashi nlingata ma Asula

---

\* **22:19** Danshi na a yuwayin ulinga pa nda na Tsheleni ayi da "dinari." Kalyuwa Ucuɗuwu wi "Ikebe." ♦ **22:24** U.Wl. 25:5-6.

de zuva. <sup>31</sup> Koto i denuna ili i na Asula a dammai adama o u'yosun atsuma a akwakwa shi? <sup>32</sup> Asula a damma, 'Amu da Asula a Ibrahim, na Asula a Ishiyaku, obolo na Asula a Yakubu.' ◇ Asula waru Asula a aza a wuma a da, agba Asula a akwakwa a da shi." <sup>33</sup> Ana obolo a ama'a a uwwai tsundolo, a yuwan ta asalama nu uritosu wa yi.

*Wila u na u la'ai mgbain*  
(*Mak. 12:28-34; Luk. 10:25-28*)

<sup>34</sup> Ana Afarishi a uwwai a na aza a Sadukiya a gura usu ili shi, da da o bolotoi ubata u ta. <sup>35</sup> Atsuma e le, manlu ma Wila mo ro mo fofo ta cine wee reme Yesu da da u yuwan niyi yeci: <sup>36</sup> "Manlu, atsuma a Wila wa Musa, zane da la'ai mgbain?"

<sup>37</sup> Reve Yesu usu yi, " 'Vu ciga Zagbain Asula a wu no okolo a wu suru, na asuvu a wu suru, waru na majiyan ma wu suru.' ◇ <sup>38</sup> Ayi nda ayi da Wila u gbain wu ufaru za na la'ai ulobonu. <sup>39</sup> Wila we ire fo u tu ulobonu, 'Vu ciga moron ma nden ma wu cine vu cigai aciyawu.' ◇ <sup>40</sup> Wila wa Musa obolo na Atagada a Amasula suru zala wila re nda da a ri."

*Yeci adama a Zamawawa*  
(*Mak. 12:35-37; Luk. 20:41-44*)

<sup>41</sup> Afarishi'i lo ubuwu ubolotowu, da da Yesu yuwan nle yeci, <sup>42</sup> "Nye yaa yuwusan majiyan adama a Kristi Zamawawa? O ugundo wa zane da wu utai?"

Reve a usu, "Kristi Zamawawa Mawun ma Dawuda ma da."

◇ 22:32 Mta. 3:6. ◇ 22:37 U.Wl. 6:5. ◇ 22:39 N.Gn. 19:18.

<sup>43</sup> Daɗa u damma nle, “To, adama a nye Daɗwuda de niyi ‘Zagbain?’ Ruhu va Akiza da zuwai Daɗwuda dammai,

<sup>44</sup> ‘Asulazuva a damma ta Zagbain va.

Daɗu o ukere usa'ani u va,

she na n zuwa n'yuwatan ma wu a apata a ana a wu.’ <sup>◇</sup>

<sup>45</sup> “Ana Daɗwuda de niyi Zagbain, cine woo o'wiso mawun ma yi a mantsa ma ta?” <sup>46</sup> Ko za gura usu yi shi. Diga lo ko za kawan dashi yuwan yi yeci waru shi.

## 23

### *Yesu barai azagbain*

(*Mak. 12:38-39; Luk. 11:43, 46; Luk. 20:45-46*)

<sup>1</sup> Reve Yesu yuwaan obolo'o no ojoro a yi adan-shi, <sup>2</sup> “Munlu n Wilaɗ na Afarishi a ta nu ucira a damma du ili i na Wila wa Musa waa dansa. <sup>3</sup> I yuwan tsutoni ni ili i na o rito ndu suru, amma she i yuwan ununa aa yuwusan wan. Adama a na a tsu damma ta ili i ro, reve a yuwan ili i ro ko'o. <sup>4</sup> A tsu nlaa ta ama itana yu ume i na aa gura tanu shi, agba ele a ciga a zuwa ukere a kamba tanu le shi.

<sup>5</sup> “A ta yuwusan ili i sa'ani tsara ama e ene le, za suru ta nlasa ilawo ya Adanishi a Asula, amma ilawo ya Afarishi i la'a ta mgbain. Waru alagba e elentsu a atugu e le a ta mgbain. <sup>6</sup> A la'a ta ciga ndanata n sa'ani ubata a abuki, waru na ndanata me elime ubata e iolo. <sup>7</sup> Na a ri atsuma e eden, a tsu la'a ta ciga ama a casa le na aala a tsugbain, ‘Manlu.’

<sup>◇</sup> 22:44 Ica 110:1.

8 “She i lyawa vuma ro de ɗu ‘Manlu’ wan, adama a na Manlu ma ta ma da i ri na ayi goon, suru ndu waru muwun ma anawu n da i ri. 9 Atsuma o uvadi she i de vuma na aala a tsugbain ‘Dada’ wan, adama a na i ta na Dada ta goon, za na ri zuva. 10 Waru she i lyawa vuma ro de ɗu ‘Zagbain’ wan, adama a na Zagbain ta da i ri na ayi goon, ayi da Zamawawa. 11 Za na la'ai mgbain, wo o'wo aagbashi a ɗu suru. 12 Za na kambatoiciyayi zagbain a ta kadato yi, za na gba kadatoiciyayi a ta 'yasan yi.

13 “Woo yo'ono ɗu shi, aɗu munlu n Wila na Afarishi. Aɗu aza e ikpa'a! I ta kpatosu unantsu u tsugono tsa zuva, agba aɗu na aciyadu yaa uwa pe shi. Waru i ta putsusaa aza a na a cigai a uwa. [14 Woo yo'ono ɗu shi aɗu munlu n Wila na Afarishi. Aɗu aza e ikpa'a! I ta paalasa nruna a ususa 'wa le, waru i ta yuwusan avasa o uga'an tsara ama e ene ɗu. I ta la'a sowo atsumalima lon.]\*

15 “Woo yo'ono ɗu shi, aɗu munlu n Wila na Afarishi. Aɗu aza e ikpa'a! I tsu pasa ta mala, hali i tyo e ida ya alanga, tsara i tsura za vi itoni ta. Ni i yuwan ne, avu i zuwa yi u la'a ɗu ntsaa na waa uwa atsuma a akina.

16 “Woo yo'ono ɗu shi, aɗu azagbain a na ri nrumba! I tsu damma ta, ‘Na vuma kucina na Aa'isamapada a mantsa ma na waa yuwusan nzuwulai, ayi ndolo wo o'wo ili shi. Agba nu u kucina na zinariya na ri pe atsuma a Aa'isamapada'a, u ciga u 'yuwan u shiton nzuwulai ndolo.’ 17 Aɗu olo a nrumba! Zane da la'ai: zi-

\* 23:14 Akuci a atagada va aatagada a nda a ri nu uguzu u 14 shi.

nariya ko Aa'isamapada a na o o'wotoi zinariya'a na akiza? <sup>18</sup> Avu waru i damma, 'Na vuma kucina na masa'a† a mantsa ma na waa yuwusan nzuwulai, wo o'wo ili i ro shi. Amma nu u kucina nu une'e u na u ri a masa'a, u ciga u 'yuwan u shiton nzuwulai'i.' <sup>19</sup> Adu nrumba ma ama! Zane da la'ai: ayi une'e ko ayi masa'a ma na ma zuwai une'e wo o'woi na akiza? <sup>20</sup> Na ne da, na vuma kucina na masa'a, u ta kucinasa na ayi ni ili i na i ri zuva va yi suru. <sup>21</sup> Waru nu u kucina na Aa'isamapada, u ta kucinasa na ayi obolo na Asula, za na ri pe nden. <sup>22</sup> Waru na vuma kucina na zuva, u ta kucinasa no ootogu o tsugono tsu Asula na ayi za na ri de nden.

<sup>23</sup> “Woo yo'ono du shi, adu munlu n Wila na Afarishi. Adu aza e ikpa'a! I tsu ca ta Asula maƙaci ma ta atsuma a kupa e ili i na i ri ne ele suru, hali na avu'un e isu'wan e keke'en ni icu'un i keke'en suru. Agba i tsu yuwan tsutoni tsu abula nu uritosu u Wila shi, za na ele da o roco ozo o ro isa'ani na amayun na abula. Ele da wu ntsayi i yuwan suru, agba she i vari ko ili i ke'en i ta atsuma e ili i na yaa yuwusan wan. <sup>24</sup> Adu nrumba n na moo ronuso ama! I ta gashi vuma na tsu shere mofiyon atsuma a mini mo oso, avu u soƙu aarakumi!†

<sup>25</sup> “Woo yo'ono du shi, adu munlu n Wila na Afarishi. Adu aza e ikpa'a! I tsu zaza'wa ta alanga a munda na ntaɗa, agba atsuma e le a ta tapu ni ili i na i usai nu ucira e ekere a ama, tsara yu uwwaa aciyadu uyo'o. <sup>26</sup> Afarishi, adu nrumba n da! I fara

---

† **23:24** Yesu ta dansa, “I dama ta adama a nusu wawa'a amma i ta yuwusan abajini a nusu.”



kambato atsuma a munda cece, reve ucina'a fo wo o'wo cece!

27 “Woo yo'ono ɗu shi, aɗu munlu n Wila na Afarishi. Aɗu aza e ikpa'a! I rotso ta ason a na a putalai mini ma u'uri. Alanga a ason o ndolo a ta gashi ulobonu, agba atsuma, a ta tapu ne etele a akwakwa ni ili yi idaba icu'un icu'un. 28 Ne da waru, a alanga i rotso ta gashi ama a abula a da i ri e ekere a ama, agba atsuma a ɗu a ta tapu ni ikpa'a na nusu.

29 “Woo yo'ono ɗu shi, aɗu munlu n Wila na Afarishi. Aɗu aza e ikpa'a! I tsu foɓo ta ubata wa acida ulobonu adama a amasula, avu waru i kakala ason a aza a na a yuwain wuma u sa'ani. 30 Avu i damma, ‘Na tsu shi tsu yuwan wuma u tsu a mantsa ma nkaya n tsu, tsu shi a kamba le mona ma amasula shi.’ 31 Ne da i poloi aciyaɗu a na i palu'wai aciyaɗu adansa aɗu muwun n tsukaya ma aza a na o unai amasula a da! 32 Lyuwai elime tsara i koso ili i na nkaya n ɗu n farai!

33 “Aɗu apili na muwun ma apili! Cine i jiyain i la'a a na ee ge'eto ɗu atsuma a akina a na a ri n kimu shi? 34 Adama o ndolo n ta lyunguwa ɗu na amasula na aza o urevu na munlu. Ozo o ro e le i to una le, ozo o ro gba shi i ta vara le a akpata. Ozo o ro waru gba i ta ruru'wa le atsuma a a'isa a ɗu, reve i lo le diga a lyuci a tyo a lyuci. 35 Adama o ndolo, Asula e te ece ɗu adama a aza a na o unai babu unusu, aza a na a yuwain de wuma. O ufaru aɗu aza a Yahuda, yu una ta Habilat vuma va abula, ne da i lyuwai elime na mona hali a tyo ya Zakariya mawun ma Berekiya. Ayi da yu unai e memere mo Upasu wa Akiza na masa'a mo

ukulatosu atsuma a Aa'isamapada. <sup>36</sup> N ta dansaa du amayun, ili i nda suru i ta cina du, adu na i ri wuma gogo.”

*Yesu ciga ta Urishelima*

*(Luk. 13:34-35)*

<sup>37</sup> Dada Yesu lyuwai elime na adanshi, “Adu ama a Urishelima! Ama a du o una ta amasula waru a vuvara ta nlingata n na a lyunguyi a tyo ya'a du. N tsu ciga ta m boloto du ubata u ta, cine moton mo tsu vapa muwun ma yi ne evelu. Agba i lyawa mu n yuwan ne shi. <sup>38</sup> Adama o ndolo Asula a ta lyawa Aa'isamapada a du, reve wo o'wo lyanga. <sup>39</sup> N damma du, yaa dashi ene mu waru shi, she mantsa ma na yaa damma, 'Asula a zuwaa za na aa tawa atsuma a ala a Asulazuva aba'un.’ ”

## 24

*O to boso Aa'isamapada*

*(Mak. 13:1-2; Luk. 21:5-6)*

<sup>1</sup> Ana Yesu utai a Aa'isamapada, ayi a makaraa, avu ojoro a yi a tawa ubata wa yi, tsara o roco yi saa va Aa'isamapada'a. <sup>2</sup> Dada gba u damma nle, “Ye ene ta saa nda suru? Amayun a da maa dansaa du, ko aatali a ta aa lyawa zuva vu za va yi shi. Suru nle o to oco le e ida.”

*Morono ma atsuvu adama a addama*

*(Mak. 13:3-13; Luk. 21:7-19)*

<sup>3</sup> Yesu de nden a Masasan ma Zetun, reve ojoro a yi a tawa ubata wa yi a dana obolo na ayi goon. Avu a damma, “Damma tsu mantsa ma na ili i ndolo yaa fara? Waru nye yaa dana iroci i na yoo roco tsu mantsa ma na vaa tawa ma rawa ta, waru mantsa ma na uvadi u nda woo koto?”

<sup>4</sup> Dada Yesu tsu usu le, “I lyawa nanza pusan du ugbozu wan. <sup>5</sup> Ama na abunda a ta tawa na aala a va, a ta damma, ‘Amu da Zamawawa’a.’ Waru a ta pusan ugbozu wa ama na abunda. <sup>6</sup> I ta uwwa adama o uvon na alabari o uvon a na a ri lo a tawa, amma she yu uwwa wovon wan. Ili i nda suru a ciga a 'yuwan a fara, kafu ukosu u tawa. <sup>7</sup> Ida i ta yuwan nlangi ni ida, tsugono waru tsu yuwan nlangi na tsugono. A ta yuwan mantsa ma ambulu na abunda. A ta yuwan uramosu wi ida bata bata. <sup>8</sup> Ili nda suru a ta gashi ufaru wu m6ala n limatan.

<sup>9</sup> “Ama e te reme du, a zuwa du atsumalima, avu o una du. Ama suru a ta 'yuwan du adama a na i usu numu. <sup>10</sup> Adama o ndolo ama na abunda a ta lyawa itoni i va. A ta yuwan nlangi vani le, reve a 'yuwunlai. <sup>11</sup> Amasula e epen a ta tawa, reve a zuwa ama na abunda a usu epen. <sup>12</sup> Adama o ndolo, iwuya i ta baza bata suru, avu icigi ya ama na abunda i tana lon. <sup>13</sup> Amma aza a na a kabai asuvu hali a tyo o ukosu, Asula a ta wawa le. <sup>14</sup> She na a yuwan alajiya a Alabari a Sa'aniƙ adama o tsugono tsu Asula ubata suru atsuma o uvadi, dada ukosu waa tawa.

*Ili yi idaba i na i tsu tawa nu ulungusu  
(Mak. 13:14-23; Luk. 21:20-24)*

<sup>15</sup> “Mantsa ma ta tawa a na ye ene ili i na Daniya vumavasula yuwain adanshi adama a yi ‘Ili yi idaba i na i tsu lungusa Aa'isamapada,’ ◇ mishin Upasu wa Akiza. (Adu na yee desununa ili i nda, i reve ili i na waa dansa.) <sup>16</sup> A mantsa mo ndolo, ama a Yahuda a 'yuwan a ciga a suma a tyo a

◇ 24:15 Dan. 9:27; Dan. 11:31; Dan. 12:11.

nsasan tsarā a la'a. <sup>17</sup> Za na ri a alanga, she u kambisa o u'wa adama u tara ili i ro wan. <sup>18</sup> Za na ri de o uđuma, u kambā o u'wa tsarā u tara aapalutsu wan. <sup>19</sup> A mantsa mo ndolo, u ta suduwa amāci a na a ri na atsuma obolo na amāci a na a ri na muwun n na ma apasa maani!

<sup>20</sup> "I yuwan avasa tsarā iladi i du yoo o'wo atsuma a lyushi ko urana wa Ashibi wan! <sup>21</sup> Ayi nda u to o'wo atsumalima a na koto a yuwain shi, diga na a yuwain uvadi u nda. Waru cu'un va atsumalima o ndolo aa dashi fara shi. <sup>22</sup> Amma Asula e jebe ta de rana ndolo, na koto u yuwan ne shi, babu vuma na aa la'a. Amma Asula e te jebe le adama a aza a na u dangwai.

<sup>23</sup> "A mantsa mo ndolo, ozo o ro a ta damma du, 'Kalyuwai, ndefe Zamawawa'a!' Ko za ro damma, 'Apa yi', agba she i usu wan. <sup>24</sup> Azamawawa e epen na amasula e epen a ta tawa a yuwan ili ya asalama ya abunda. A ta yuwan atyo a na aa yuwan tsarā ama o toni le, hali na ama a na Asula a dangwai, na aa gura. <sup>25</sup> Gogo n to ronuso du atsuvu adama a nda, kafu ili i nda i fara.

<sup>26</sup> "Adama o ndolo, na za ro damma du, 'Kalyuwai, Zamawawa ta de o ogozo,' she i 'yawa i kalyuwa wan. Ko a damma du, 'Apa ubata u na u ri upa'un,' she i usu wan! <sup>27</sup> Na Mawun ma Vuma ma tawa, ama suru e te ene yi, cine i revei imadatsu i tsu madatsa zuva suru. <sup>28</sup> Ubata u na akwakwa a ri, lo da asala o tsu boloto, adama o ndolo iroci i nda u to rocosu ukosu u rawa ta zuzu.

*Utawu u Mawun ma Vuma  
(Mak. 13:24-27; Luk. 21:25-28)*

29 “Babu usan na rana va atsumalima ndolo koto,  
 ‘Urana u ta rumbana  
 Woto waru waa dashi ikana shi.  
 Italyo'o i ta riyā,  
 Waru Asulā a ta jingāda cira na ri zuva.’ ◇

30 “A mantsa mo ndolo, e te ene iroci i Mawun ma Vuma de zuva.† Ama o uvadi suru a ta shon adama o wovon. E te ene Mawun ma Vuma a tawa de zuva nu ucira na tsugbain. 31 Waru u ta lyungu nlingata ma yi na mesun ma aavana a gbain, o to boloto aza a na Asulā a dangwai diga o ufaru wu uvadi a tyo o ukosu wu uvadi ubata u ta.

*Uritosu o udanga wu ubiri  
 (Mak. 13:28-31; Luk. 21:29-33)*

32 “Gogo i rito urevu u nda e ekere o udanga wu ubiri: Nna ye ene eten na avu'un e le a limana daan, waru na ayawa no ototopi, i reve mantsa ma lyushi ma rawa ta zuzu. 33 Na ye ene ili i ndolo suru a farasa, i te reve mantsa ma rawa ta zuzu. 34 I cuwan ili i nda suru i ta fara kafu ama a na a ri nda wuma suru a kuwa. 35 Zuva ni ida a ta kara, agba adanshi a va aa kara shi ko ke'en.

*Babu za na revei mantsa ma na Yesu aa tawisa  
 (Mak. 13:32-37; Luk. 17:26-30, 34-36)*

36 “Ko za reve urana'a shi, ko mantsa'a, hali na nlingata ma Asulā n na n ri de zuva hali na Mawun ma Vuma. She Dada da goon revei. 37 Na Mawun ma Vuma maa tawa, ili i ta dana vadamma a mantsa ma na Nuhu† yuwain wuma. 38 Atsuma a rana ndolo kafu u ulungusu u mini, ama a lyuwusa ta no o sowi, na a yuwin lolo cine a tsu

◇ 24:29 Isha. 13:10.

yuwusan hali urana u na Nuhu uwai atsuma a wantsun. <sup>39</sup> Agba a gura reve ili i na i ri a mmalu shi, hali mini ma tawa ma lyuwa le suru. Ne da woo o'wo na Mawun ma Vuma ma tawa. <sup>40</sup> Ali e re a ta dana o uduwa. A ta tara vuma ta reve a lyawa vuma ta. <sup>41</sup> Amaci e re a ta dana a yira a aatali a yira. A ta tara ka ta reve a lyawa ka ta.

<sup>42</sup> “Adama o ndolo, i dana ufofu, i reve urana u na Zagbain du ri lo a tawa shi. <sup>43</sup> Na za vu u'wa reve yashi i na vivu aa tawa, i reve waa lantsa shi, waru waa lyawa vivu ndolo uwa o u'wa wa yi shi. <sup>44</sup> Adu i 'yuwan i ciga i dana ufofu a mantsa suru. Adama a na Mawun ma Vuma ma ta tawa a mantsa ma na i zuwai shi.

*Aagbashi a abula*  
(Luk. 12:41-48)

<sup>45</sup> “Aagbashi a ne a da a ri na abula nu ugbozu? Ayi da za na zavu'wa va yi zuwa niyi u kalyuwusa akapi a aza a yi a agbashi, nu u casu nle ilyalya a mantsa ma sa'ani. <sup>46</sup> Na zavu'wa va yi kamba, avu u cina yi u yuwan ulinga u sa'ani, u ta ca yi iliyinkapa. <sup>47</sup> Amayun a da maa dansaa du, zavu'wa ndolo ta dangwa aagbashi o ndolo wo o'wo za na a dana a kalyuwusaa yi itana ya yi suru. <sup>48</sup> Agba nna aagbashi'i u ri na abula shi, u ta damma aciyayi a na zavu'wa va yi aa kamba go'o shi. <sup>49</sup> Reve u reme malapa ma agbashi'i suru. Avu u uwa alya nu u sowi hali wo o'wo usowu ofolo na aza a yi. <sup>50</sup> Zavu'wa'a u ta kamba a mantsa ma na u zuwai shi, ko a mantsa ma na u ri ufofu shi. <sup>51</sup> Zavu'wa u ta bufatsa yi lipu, avu u kambato yi wo o'wo na aza e ikpa'a, ubata u na ama aa shon na lumi anga adama a atsumalima.”

## 25

### *Iroci ye esheli kupa*

<sup>1</sup> Reve Yesu lyuwa elime na adanshi, “A mantsa mo ndolo, apa cine tsugono tsa zuva tsaā dānā: A yuwan tā esheli kupa a na a tarai iftila i le, āvu a kārā a 'yāwā a ga'aton vali vu kasa'avu. <sup>2</sup> Ama o ton atsumā e le olo a dā, akapi a ama o ton gba āzā o ugbozu a dā. <sup>3</sup> Olo o ndolo a na āā kārā a tara tā iftila i le, agba a guzā mani'in mo ro shi. <sup>4</sup> Azā o ugbozu gba, āvu a bānā mani'in mo ro o mupondo n ro. <sup>5</sup> Ana gba vali vu kasa'avu rawai go'o shi, āvu a fara mgbađā hali a lantsa.

<sup>6</sup> “Na ayin utānu āvu vuma ro saala, ‘Vali vu kasa'avu tā lo a tāwā! Tāwāi i ga'aton yi!’

<sup>7</sup> “Āvu esheli'i suru a 'yon a lapula iftila i le. <sup>8</sup> Āvu olo'o a damma āzā o ugbozu, ‘Ne'e ntsu mani'in mā dū wa'a, adama a na āzā a tsu a ciga tā makimāa.’

<sup>9</sup> “Dāđā ele gba a usu nle, ‘Tsu ri nā mani'in ma na maa rawa tsu nā ādū shi. 'Yāwāi ubāta wa aza a na a winisa, tsarā i tsurā i tsulaa aciyāđū.’

<sup>10</sup> “Ana olo e esheli o ndolo a 'yāwāi atsulu a mani'in, dāđā gba vali vu kasa'avu'u u rawai. Esheli a na gba a ri ufoḅu, reve a uwa o u'wa nā vali vu kasa'avu'u ubāta wā ābuki. Dāđā a kpātoi unāntsu wu u'wa'a.

<sup>11</sup> “Ā tyo dē, āvu esheli a na a buwai a rawa, dāđā a uwai yisaali, ‘Zavu'wa! Kpātu'wāā tsu unāntsu.’

<sup>12</sup> “Āvu gba vali vu kasa'avu'u u usu, ‘Amayun a dā maa dansaa dū, n reve dū shi.’ ”

13 Reve Yesu damma, “Adama o ndolo i ḍana ufoḅu kuci, i reve urana ko mantsa ma na ili i nda yaa fara shi.”

*Iroci ya agbashi a ta'atsu*  
(Luk. 19:11-27)

14 Avu waru Yesu yuwisan adanshi ni iroci i nda, “A mantsa mo ndolo, apa cine tsugono tsa zuva tsa ḍana: Vuma ro shi tḅa ciga u 'yawa mmalu ubḅa u ro. Kafu u kara, reve u ḍe agbashi a yi, avu u damma le a kalyuwa itana yḅa yi ulobonu kafu u tawa. 15 Vuma'a u reve tḅa ulinga u na za suru aa yuwan. Reve u ca za vu ufaru ikebe i gbain i azurufa\* i ton. Waru u ca tḅa za ve ire ikebe i gbain i azurufa i re. Avu u ca za va ta'atsu ikebe i gbain i azurufa i tḅa. Reve u kara mmalu mḅa yi. 16 Ana vuma'a u karai, avu aagbashi a na u cayi ozo o to'on u yuwan ulinga ne ele, u zamiyisa ozo o ton waru. 17 Reve waru aagbashi a na a cayi ejere ne ḍa fo u yuwain ulinga ni ikebe'e, avu u tsurisa ejere waru. 18 Amma aagbashi a na a cayi za tḅa, avu u kapa aakari reve u soko ikebe yi zagbain vḅa yi e ida.

19 “Ana a jimai, avu zagbai'in kamba, ḍaḍa we ecei agbashi'i ili i na a yuwain ni ikebe'e. 20 Avu aagbashi a na a cayi ozo o to'on u tawisa yi no ozo o ton a na u tsurai atsuma e ikebe'e. Reve u damma, ‘Zagbain, vu ca mu tḅa ikebe i gbain i azurufa i ton, n tsurisa tḅa ozo o ton.’

21 “Avu u usu, ‘Vu yuwan tḅa ulinga u sa'ani. Aagbashi a aḅula a ḍa vu ri, waru vu tsu uwwa tḅa

---

\* 25:15 Danshi na a yuwayin ulinga pa nda nḅa Tsheleni ayi ḍa “talen.” Kalyuwa Ucuḍuwu wi “Ikebe.”



adanshi. Ana vu yuwain aḅulā ni ili i ke'en i nda, n ta zuwa wu vu ka<sub>lyuwusa</sub> ili i na i la'ai mgbain. Ta<sub>wā</sub> vu uw<sub>wa</sub> uyo'o oḅolo nā a<sub>mu</sub>.'

<sup>22</sup> “Avu za ve ire, za na a cayi ejere, ta<sub>wā</sub> reve u damma, ‘Zagbain, vu ca mu ta ikebe i gbain i azurufa i re, n tsurisa ta ejere.’

<sup>23</sup> “Reve u usu, ‘Vu yuwan ta ulinga u sa'ani. Aagbashi a aḅulā a ḅa vu ri waru vu tsu uw<sub>wa</sub> ta adanshi. Ana vu yuwain aḅulā ni ili i ke'en i nda, n ta zuwa wu vu ka<sub>lyuwusa</sub> ili i n na i la'ai mgbain. Ta<sub>wā</sub> vu uw<sub>wa</sub> uyo'o oḅolo nā a<sub>mu</sub>.’

<sup>24</sup> “Daḅa aagbashi a na a cayi za ta, u ta<sub>wā</sub> u dammai, ‘Zagbain, n reve ta vu tu usān. Vu rotso ta cu'un vuma na tsu ciga u gasa uba<sub>ta</sub> u na u cu'wain shi, vu ciga ta ili ye pere. <sup>25</sup> Adama o ndolo mu uw<sub>wa</sub> ta wovon, ḅaḅa gba n 'ya<sub>wā</sub> n sokoi ikebe ya wu e ida. Apa wu ikebe ya wu.’

<sup>26</sup> “Reve u usu, ‘Avu aagbashi a aḅulā ḅa shi, waru orogo a ḅa vu ri! Vu damma vu reve ta a na n tsu ciga n gasa uba<sub>ta</sub> u na n cu'wain shi. <sup>27</sup> Vu shi ta zuwa ikebe i va o u'wa wi ikebe e ekere a aza o uvadalasa, tsara n tsura pe ili i ro wa'a atsuma a yi.’

<sup>28</sup> “Daḅa zagbai'in u dammai akapi a agbashi'i, ‘Ushiyi ikebe'e e ekere a yi, avu i ca aagbashi a na a ri ni ikebe i gbain i azurufa kupa. <sup>29</sup> Na nanza yuwan aḅulā ni ili i na u ri nā ayi, Asulā a ta dashi ca yi ili ya aḅunda, waru u ta tsura ili hali a karalai wira. Za na gba ri nā ayi shi, Asulā a ta ushi ke'en na u ri nā ayi. <sup>30</sup> Gogo varyiyi aagbashi o ulambu wa aḅulā o ndolo a alanga, atsuma e irumbu i na ama aa shon na a lumi anga e le nā atsumalima.’ ”

*Mogono me te ge'eto ama suru*

<sup>31</sup> Reve Yesu lyuwa elime nu uritosu, “Mawun ma Vuma mā tā tawā nā tsugbain tsa gbain, nā nlingata mā yi suru. U to o'wo Mogono, avu u danu o ootogu o uge'etosu a gbain a yi. <sup>32</sup> Ida yu uvadi suru o to boloto a makakan mā yi, waru u ta kasa le ure, cine za va aguba tsu kakasa ikyon nā mgbele. <sup>33</sup> U ta zuwa ikyon o ukere usa'ani, mgbele waru gba u zuwa le o ukere ugula wā yi.

<sup>34</sup> “Avu Mogono'o u damma aza a na a ri o ukere usa'ani wā yi, ‘Tawai, Dada va ca du ta aba'un a yi. Ushiyi tsugono tsa na Asula o foboo ndu kafu u yuwan uvadi. <sup>35</sup> Ana n danai na ambulu, i ne'e mu ta ilyalya n lyuwa. Ana n danai na akuli, i ne'e mu ta mini n sowo. Ana n yuwain limocin i ushi mu ta a 'wa du. <sup>36</sup> Ana n danai ataɓu, i ne'e mu ta itana n oto. Ana n danai ubanakun, i co'wo mu ta. Ana n danai o u'wa wa ali, i kalyuwa mu ta.’

<sup>37</sup> “Reve ama a abula'a a usu, ‘Zagbain, te da tse ene nuwu na ambulu, avu tsu ne'e wu ilyalya? Waru te de tse ene nuwu na akuli, avu tsu ne'e wu mini mo oso? <sup>38</sup> Te da tse ene nuwu a nde'en, waru danga na 'wa tsu, reve tsu banu wu a 'wa tsu? Te da tse ene nuwu ataɓu, reve tsu ca wu itana? <sup>39</sup> Te da tse ene nuwu ubanakun ko o u'wa wa ali, avu tsu kalyuwa wu?’

<sup>40</sup> “Mogono'o u ta usu, ‘Ni i yuwaan ama a va, ko cine a ri ana ili i ro shi, amu da i yuwayin.’

<sup>41</sup> “Reve waru u damma aza a na a ri o ukere ugula, ‘Lyawa numu, adu na Asula a yuwayin unā. 'Yawai i uwa a akina a na a ri n kima shi, za na o foboyi Mekerencesu nā nlingata mā yi! <sup>42</sup> N dana ta na ambulu, agba i ca mu ilyalya n lyuwa shi. N

ḁanaḁ ta na akuli, agba i ca mu mini n sowo shi. <sup>43</sup> N ḁanaḁ ta o limocin, agba i ushi mu shi, waru n ḁanaḁ ta ataḁu, agba i ne'e mu itana n oto shi. N ḁanaḁ ta ubanakun waru aḁsumaḁ o u'wa wa ali, agba i kaḁyuwaḁ mu shi.'

<sup>44</sup> "Ama o ndolo a ta usu, 'Zagbain, urana u ne u ḁa tse ene nuwu na ambulu ko na akuli aḁu tsu kuḁa a kamba wu? Ko vu ḁanaḁi o limocin aḁu tsu kuḁa a ushi wu? Waru urana u ne u ḁa tse ene nuwu ataḁu reve tsu kuḁa a ca wu itana? Ko gba urana u ne u ḁa vu ḁanaḁi ubanakun ko vu ḁanaḁi o u'wa wa ali reve tsu kuḁa a kaḁyuwaḁ wu?"

<sup>45</sup> "Mogono'o u ta damma le, 'A mantsa ma na i 'yuwain a kamba ko vuma ta aḁsumaḁ a ama a va, ko cine o rotsoi ili i ro shi, aḁmu ḁa i 'yuwain a yuwaan.'

<sup>46</sup> "Ama o ndolo a ta uwa aḁsumaḁ a aḁsumalimaḁ a na a ri n koto shi, amma ama a aḁulaḁ a ta yuwan wuma u babu ukotu."

## 26

### *O foḁo ta o una Yesu*

*(Mak. 14:1-2; Luk. 22:1-2; Yah. 11:45-53)*

<sup>1</sup> Ana Yesu kotoi a yuwusan adanshi e ili i nda, ḁaḁa u dammai ogoro a yi, <sup>2</sup> "I reve ta, rana re ḁa buwai a fara Abuki a Mapasa,† waru aḁmu, Mawun ma Vuma, aḁmu ḁa ee reme, aḁu a vara mu a akpata."†

<sup>3</sup> Reve nan ganu a gbagbain na azagbain o ḁoloto o u'wa wa aabara a nan ganu na a tsu ḁe Kayafa. <sup>4</sup> Aḁu a yuwan ifoḁi tsara e reme Yesu usokowu, reve o una yi. <sup>5</sup> Reve a damma, "Woo lobono tsu

yuwan yi a mantsa mā Abuki a Mapasa shi, adama a na ama a ta 'yaṣan nlangi.”

*Ka na mani'in ma maguru  
(Mak. 14:3-9; Yah. 12:1-8)*

<sup>6</sup> Ele pe atsuma e ifobi i na ee reme Yesu, ayi gba u dana ta de Batanya o u'wa wa Simo makutu. <sup>7</sup> Ayi a alya e ilyalya dafa ka ro tawai ubata wa yi na meden ma aatali ma sa'ani. Atsuma a yi mani'in ma maguru me ikebe lon ma dana ta pe. Reve u tsuwan Yesu a aaci.

<sup>8</sup> Ana o ojoro a yi e enei ili i ndolo, avu a uwwa upan hali a damma, “Cine tsa da waa lungususa ikebe? <sup>9</sup> Na a shi a wina yi, a shi ta tsura ikebe ya abunda, reve a ca alambi.”

<sup>10</sup> Agba Yesu reve ta ili i na aa dansa, dafa u damma nle, “Cine tsa da yaa damatosun ka nda? U yuwaan mu ta isa'ani. <sup>11</sup> I ta na alambi atsuma a du kuci, amu agba maa jima pa obolo na adu shi. <sup>12</sup> U tsuwan mu ta mani'in ma nda, tsara u fobo lipu va adama a acifa. <sup>13</sup> Amayun a da maa dansaa du, ubata u na aa yuwan alajiya a Alabari a Sa'ani a nda atsuma o uvadi suru, a ta damma ili i na ka nda yuwain a cuwusan na ayi.”

*Yahuza usu ta u wina Yesu  
(Mak. 14:10-11; Luk. 22:3-6)*

<sup>14</sup> Avu za ta atsuma a Kupanejere, za na a tsu de Yahuza Iskariyoti, 'yawa u yuwan adanshi na ganu a gbagbain. <sup>15</sup> Reve u damma, “Nye i da yaa tsupa mu nna n ca du Yesu?” Avu a ca yi ikebe†

i azurufa\* mata'atsu. <sup>16</sup> Diga a mantsa'a reve u reme izami ure u na waa winaa le Yesu.

*A yuwain Abuki a Mapasa*

(Mak. 14:12-21; Luk. 22:7-13, 21-23; Yah. 13:21-30)

<sup>17</sup> O urana wu ufaru u na aa yuwusan Abuki o Opopofu, † avu ojoro a tawa a yuwan Yesu yeci, “Te da vu cigai tsu fofo alya e ilyalya adama Abuki a Mapasa?”

<sup>18</sup> Avu u usu, “Yawai a lyuci ubata u vuma ro, avu i damma yi, Manlu ma damma: ‘Mantsa ma na a dangwaa numu ma ta yuwusan. N ta yuwan Abuki a Mapasa no ojoro a va o u'wa wa wu.’ ”

<sup>19</sup> Avu a yuwan cine u damma nle, reve o fofo ilyalya ya Abuki'i de.

<sup>20</sup> Ana urana u kotoi, reve Yesu na Kupanejere† a danu alya. <sup>21</sup> Ele pe atsuma a alya, avu u damma, “N ta dansaa du amayun, za ta atsuma a du u ta wina mu.”

<sup>22</sup> Ojoro'o a uwwa uyo'o shi, reve a kara e eceshe yi aza a ta ta, “Amayun, Zagbain, amu da maa wina wu shi. Ko amu da?”

<sup>23</sup> Reve Yesu usu, “Vuma na otoy i ukere wa yi a matada ma ta na amu, ayi da za na aa wina mu.

<sup>24</sup> Amu Mawun ma Vuma, n ciga n 'yuwan n kuwa, cine a danai adama a va de nu ujimu. Amma woo yo'ono vuma na wina numu shi. U shi ta la'aa yi nna a shi a matsan yi shi.”

<sup>25</sup> Avu Yahuza za na aa wina yi, damma, “Manlu, amayun amu da shi, ko amu da?”

---

\* **26:15** Danshi na a yuwayin ulinga pa nda na Tsheleni ayi da “aguriyon.” Kalyuwa Ucuɗuwu wi “Ikebe.”

Avu Yesu usu, “Ee, avu da.”

*Alya e Ilyalya yu Ukosu*

*(Mak. 14:22-26; Luk. 22:14-20)*

<sup>26</sup> Ele pe atsuma a alya, reve Yesu tara oopopofu. Avu u godyoo Asula reve wu busa yi. Dada waa ca ojoro'o avu u damma, “Ushiyi oopopofu a nda'a i tama yi, lipu va da nda'a.”

<sup>27</sup> Avu Yesu tara mokoto avu u godyoo Asula adama a yi, reve u ca ojoro'o avu u damma, “Suru ndu sowoi. <sup>28</sup> Adama a na mpasa n va n da za na o'woi iroci ya akucunu† a na Asula a yuwain na ama a yi, adama a yuwaan le gafura vu nusu le. <sup>29</sup> N damma du nda, maa dashi sowo masayan ma inabi† shi, she na n sowo yi o ure u sa'avu o tsugono tsa Dada va.”

<sup>30</sup> Ana a canai ishupa, reve o uta a tyo a Masasan ma Zetun.†

*Bituru kucina ta u te isawan na Yesu*

*(Mak. 14:27-31; Luk. 22:31-34; Yah. 13:36-38)*

<sup>31</sup> Reve Yesu damma ojoro a yi, “Na ayin a nda, suru ndu i ta suma avu i lyawa mu, cine vumavasula dammai, ‘Asula a ta gala za va aguba, waru ikyon ya yi i te bete'we.’ ◇

<sup>32</sup> “A mantsa ma na n 'yoyin atsuma a akwakwa, n ta 'yawa atsuma a Galili, n ta fara rawaa du de.”

<sup>33</sup> Reve Bituru damma, “Ko na akapi aa wasan wu, amu maa wasan wu shi!”

<sup>34</sup> Avu Yesu damma, “Amayun a da maa dansaa wu, na ayin a nda, kafu moton ma saala vu ta damma vu reve mu shi, toto uta'atsu.”

<sup>35</sup> Amma reve gba Bituru damma, “Maa damma n kuḍa ta e reve wu shi! N ta kuwa obolo na avu!” Ne da fo akapi o ojoro'o a dammai.

*Yesu yuwan ta avasa e Getisemeni*  
(Mak. 14:32-42; Luk. 22:39-46)

<sup>36</sup> Avu Yesu kara a 'yawa ubata u na a tsu de Getisemeni obolo no ojoro a yi, avu u damma le, “Isawain pa nda, amu n ta 'yawa ndede n yuwan avasa.” <sup>37</sup> Reve u tara Bituru no olobo e re a Zabadi, Yakubu na Yahaya. U dana ta na atsumolangu waru lon. <sup>38</sup> Dada u damma nle, “N ta na atsumolangu gashi u to una mu. I danu pa nda, i dana e ipiri obolo na amu.”

<sup>39</sup> Avu u 'yawa makasu, reve u kingyo avu u kadato urewesu wa yi a tyo e ida. Avu u yuwan avasa, “Dada va, nu u n ri yuwan, she vu ca mu mokoto ma atsumalima a nda wan. Amma vu yuwan ili i na n cigai wan, she ili i na vu cigai.”

<sup>40</sup> Avu u kamba ubata wo ojoro a ta'atsu'u, reve u cina le a nlavu. Avu u damma Bituru, “Cine tsa da mata'atsu ma du i ri a nlavu, agba i gura yuwan ipiri na amu hali rumu ta shi? <sup>41</sup> I dana wuma tsara i yuwan avasa i tsura ucira u na yaa gura isawan mantasa ma malyungwa. Asuvu a du a ciga ta a yuwan ili i na i ri mejege, amma lipu ri nu ucira shi.”

<sup>42</sup> Reve waru u lyawa le tsara u yuwan avasa, avu u damma, “Dada va! Na aa tawa mokoto ma nda shi, reve wo o'wo she na n sowo yi, n ta yuwan ili i na vu ciga numu n yuwan.”

<sup>43</sup> Ana u kambisai avu u cinisa le a nlavu adama a na a gura kpatu'wa esu e le shi. <sup>44</sup> Dada u lyawa

nle a nlavu, ̑vu u 'yawa u yuwan avasa wa ta'atsu, ̑vu u vasa adansa ili i ta.

<sup>45</sup> Reve u kambisa ubata wo ogoro'o, ̑vu u damma le, “Cine i buwai a nlavu e ivuwusan? Gogo mantsa ma yuwan ta. Amu da, Mawun ma Vuma, ma na aa ca e ekere o ucira wa ama a vama.

<sup>46</sup> 'Yoyin tsu karai. Kalyuwai, apa vuma na aa wina mu rawai.”

### *E reme ta Yesu*

*(Mak. 14:43-50; Luk. 22:47-53; Yah. 18:3-12)*

<sup>47</sup> Yesu atsuma a adanshi, ̑vu Yahuza atsuma a Kupanejere, u rawa ugeru no obolo a ama. Nan ganu a gbagbain na azagbain a lyungu ta ama'a no oloko na mutsun m pe'eni adama a nlangi.

<sup>48</sup> Yahuza damma le ta de, “I te reve vuma na yee reme, na n 'yawa n casa yi ni ikatalu.” <sup>49</sup> ̑vu Yahuza kara a 'yawa ya Yesu mejege, reve u damma, “Aku, Manlu!” ̑vu u katala yi.

<sup>50</sup> Dada u usuyi, “I'utsa, yuwan ili i na vu tawai vu yuwan.” Dada ama'a a tawai ̑vu e reme yi ugbamu.

<sup>51</sup> ̑vu za ta atsuma o ogoro e Yesu u tala matsun me pe'eni, reve u kodo utsuvu wa aagbashi wa aabara a nan ganu. <sup>52</sup> ̑vu Yesu damma yi, “Kambuwa matsun me pe'eni ma wu. Za na yuwain nlangi na matsun me pe'eni, na matsun me pe'eni ma da fo waa kuwa. <sup>53</sup> I reve ta amayun n ta gura pati Dada va, ̑vu u ca mu obolo obolo a nlingata ma Asula kupa ne ejere† a na a la'ai obolo suru adama a nlangi. <sup>54</sup> Amma i ciga i 'yuwan wo

† **26:53** Obolo suru, a ta na asoja 6,000: Reve Yesu damma u ta gura de nlingata ma Asula 72,000 n tawa n kamba yi nnu u ciga u yuwan ne.



o'wo tsunda, tsarā o shiton ili i na Adanshi a Asula a dammai.”

<sup>55</sup> Dada Yesu dammai obolo'o, “I tawa ta tsara i reme mu no oloko na mutsun m pe'eni gashi amu za vu ngalalai da. Usana suru n dana ta o ritosu atsuma a Aa'isamapada, agba i reme mu pe shi. <sup>56</sup> Amma ili i nda i fara ta suru, tsara ili i na amasula a danai i shiwan.” Dada ojoro'o suru a sumai avu a lyawa yi.

*Azagbain a Mbara a yuwan ta Yesu yeci*

(Mak. 14:53-65; Luk. 22:54-55, 63-71; Yah. 18:13-14, 19-24)

<sup>57</sup> Aza a na e remei Yesu a tara yi ta a tyo o u'wa wa Kayafa, aabara a nan ganu, ubata u na munlu n Wila na azagbain o bolotoi wira u ta. <sup>58</sup> Avu Bituru tonishi le makasu, hali a rawa a arara o u'wa wa aabara a nan ganu. Reve u danu zuzu na adugari a Aa'isamapada, tsara we ene ili i na yaa fara na Yesu.

<sup>59</sup> Nan ganu a gbagbain na Azagbain a Mbara† suru a shi ta a ciga o una Yesu. Reve a zamishi ama a na aa yuwan epen gayin a aci a yi o ukobu wu uge'etosu. <sup>60</sup> Ama na abunda a tawa ta a yuwan epen gayin a aci a yi, amma azagbain a tsura ili ya amayun i na yaa zuwa o una yi shi.

Reve ama e re a tawa a damma, <sup>61</sup> “Vuma nda damma ta, ‘N ta lungusa Aa'isamapada a nda, avu n suwisa yi atsuma a rana ta'atsu.’ ”

<sup>62</sup> Avu aabara a nan ganu a 'yon mishin, reve we ece Yesu, “Vu ri ni ili i na vaa damma adama e ili i na ama a nda a dammai shi?” <sup>63</sup> Agba u damma ili i ro shi.

Avu aabara a nan ganu a dammisa yi, “Atsuma a aala a Asula a wuma n zuwa wu ta vu kucina: Damma tsu na avu da Zamawawa, Mawun ma Asula.”

<sup>64</sup> Reve Yesu usu, “Ee, ne daɗa cine vu dammai. Amayun a da maa dansaa du suru: a 'yawa elime i te ene Mawun ma Vuma nden o ukere usa'ani u Mogono ma Asulazuwa, waru i te ene yi a tawa e eleshe a zuva!”

<sup>65</sup> Ana aabara a nan ganu a uwwai ili i ndolo, avu wu kara itana ya yi adama a atsumolangu, reve u damma, “Kai! Vuma nda yuwan ta adanshi a vama e ekere a Asula! Tsu ciga za dashi yuwan adanshi o ro adama a yi shi. Suru ndu yu uwwa ta a na u yuwain adanshi a vama e ekere a Asula.”

<sup>66</sup> Nye i cigai a yuwan na ayi?”

Avu a usu, “U yuwan ta unusu u na u rawai o una yi.” <sup>67</sup> Avu a caraa Yesu matsan o urewesu, reve a kukumu ekere avu a cikwa yi. Reve ozo o ro a basa yi. <sup>68</sup> Reve a damma, “Vu damma avu daɗa Zamawawa'a! Adama o ndolo damma tsu za na cikwa nuwu!”

### *Bituru wasan ta Yesu*

*(Mak. 14:66-72; Luk. 22:56-62; Yah. 18:15-18, 25-27)*

<sup>69</sup> A mantsa mo ndolo, Bituru lo ubuwu nden a aarara, avu aagbashi o usheli a rawa ya'a yi, reve u damma, “Avu fo vu to obolo na Yesu za va Galili.”

<sup>70</sup> Reve Bituru damma a makakan ma ama, “Ne da u ri shi! N reve ili i na vaa dansa shi!”

<sup>71</sup> Ana u lyawai ubata u na u shi, reve u kamba o unantsu, avu usheli u ro we ene yi. Reve u damma ama a na a danai lo, “Vuma nda fo u to obolo na Yesu za va Nazara.”

<sup>72</sup> *Avu* waru Bituru wasisan u damma, “N kucina *tā* n reve vuma nda shi!”

<sup>73</sup> A *jima* shi, *avu* ama o ro a na a *danai* lo mishin a *karā* a '*yawā* ubatā *wā* Bituru *avu* a damma, “Amayun, *avu* vu *tā* pe *atsuma* a aza a na o tonishiyi Yesu. Tsu reve *tā* ne, o *unā* u na vaa yuwusan adanshi tsa ama a *Galili*.”

<sup>74</sup> *Daḍa* Bituru dammai, “N kucina *tā* amayun a *ḍa* maa dansa! *Asulā* a ca mu *atsumalimā* na amayun a *ḍa* mu shi! N reve vuma ndolo shi!”

*Daḍa* moton ma saalashi. <sup>75</sup> *Daḍa* Bituru cuwain ni ili i na Yesu damma niyi: “Kafu moton ma saala, vu ta wasan a na vu reve numu uta'atsu!” *Avu* wu utā u shon *nā* *atsumolangu* a *abunda*.

## 27

### *A tara tā Yesu a tyo ya Bilatu*

(*Mak. 15:1; Luk. 23:1-2; Yah. 18:28-32*)

<sup>1</sup> *Nā* wasasa, *avu* nan ganu a gbagbain suru na azagbain a yuwan ifobi i le a aci e Yesu *tsarā* o una yi. <sup>2</sup> Reve a *nla* yi *avu* a tara yi a tyo ya Bilatu† Gwamna.

### *Ukwā wa Yahuza*

(*Ajy. 1:18-19*)

<sup>3</sup> Ana Yahuza, za na cayi Yesu e ekere a n'yuwatan *mā* yi, we enei a *paḍaa tā* Yesu ugana wu *ukwā*, reve u yuwan shinreve nu ulinga u na u yuwain. *Daḍa* u tarai ikebe i azurufa\* mata'atsu'u u *kambuwaā* nan ganu'u oḅolo na azagbai'in. <sup>4</sup> Reve u damma, “Unusu† u na n yuwain *ayi* *ḍa*:

\* **27:3** Danshi na a yuwayin ulinga pa nda *nā* Tsheleni *ayi* *ḍa* “aguriyon.” *Kalyuwa* Ucuḍuwu wi “Ikebe.”

N ca ɗu ta vuma na ri nu unusu shi tsara yu una yi.”

Avu a usu, “To, te imini i tsu na za ndolo? Addama a wu a da ndolo'o, babu imini i tsu.”

<sup>5</sup> Dada Yahuza ocoi ikebe'e pe atsuma a Aa'isamapada. Reve u 'yawa wu nla aciyayi zuva hali u kuwa.

<sup>6</sup> Avu nan ganu a gbagbain a tara ikebe'e reve a damma, “U ushi ta ikebe i nda adama a wuma u vuma. Wila u damma ta tsaa zuwa le obolo ni ikebe ya Aa'isamapada shi.” <sup>7</sup> Avu a tara ikebe'e reve a tsula ufuma wu za na a ma'asa mpondo, tsara a tsura ubata u na aa cido omocin na a kuwa atsuma a Urishelima. <sup>8</sup> Ayi da i zuwai e deyi ubata'a, “Ufuma wu Mpasa” hali a tyo a mantsa ma na a danai aatagada a nda. <sup>9</sup> Adama o ndolo a da ili i na Irimiyaf vumavasu la dammai i shiwain: “A tara ta ikebe i azurufa mata'atsu, ikebe i na aza a Isra'ila a usuyi a na aa tsupa adama a yi.

<sup>10</sup> A tsula ta ufuma wu za na a ma'asa mpondo cine Asulazuva a damma numu.” ◇

*Bilatu yuwan ta Yesu yeci*

(Mak. 15:2-5; Luk. 23:3-5; Yah. 18:33-38)

<sup>11</sup> A mantsa mo ndolo, Yesu shi ta mishin a makakan ma Bilatu Gwamna, avu Bilatu ece yi, “Avu mogono ma aza a Isra'ila ma da?”

Reve Yesu usu, “Ee, cine vu dammai ne da u ri.”

<sup>12</sup> Amma ana nan ganu a gbagbain na azagbain a yuwain epen a aci a yi, u yuwan adanshi shi.

<sup>13</sup> Dada Bilatu damma niyi, “Vu uwwa adanshi a na aa yuwusaan a aci a wu shi?” <sup>14</sup> Agba Yesu

damma ili i ro shi, dāda gwamna'a wo o'woi a asalama lon.

*Bilatu usu tā Yesu kuwā*

*(Mak. 15:6-15; Luk. 23:13-25; Yah. 18:39-19:16)*

<sup>15</sup> Aa'wan suru a mantsa mā Abuki a Mapasa, gwamna tsu lyawa tā za ro na ri o u'wa wa ali, za na ama a dangwai. <sup>16</sup> A mantsa mo ndolo, vuma na a tsu de Baraba danā tā pe atsumā o u'wa wa ali. Ama suru e reve tā a na vuma vā aḅula da shi, ko ke'en. <sup>17</sup> Adama o ndolo ana ama o bolotoi ubatā u tā, dāda Bilatu ece nle, “Atsumā aza a na a ri pe atsumā o u'wa wa ali, zane da i la'a cigai n lyawa? I ciga tā n lyawa Baraba ko Yesu za na ee desu Zamawawa?” <sup>18</sup> Bilatu reve tā a na azagbain a tawai nā Yesu ubatā wā yi adama a tsushu'un tsa da.

<sup>19</sup> Bilatu† ubuwu lo nden o ootogu o uge'etosu, dāda ka vā yi lyunguwā niyi ikaka i nda: “She vu yuwan ili i ro nā vuma nda wan, adama a na ko iwuya i tā u yuwan shi. Ana'an n yuwan tā alavu a aci a yi, waru u tā ḅali mu lon.”

<sup>20</sup> Agba nan ganu a gbagbain na azagbain a zuwa tā okolo a ama o obolo'o a pati a lyawa Baraba, agba o una Yesu.

<sup>21</sup> Avu Bilatu ecishe obolo'o, “Atsumā a ama e re a nda, zane da i cigai n lyawaa dū?”

Reve a usu, “Baraba.”

<sup>22</sup> Reve Bilatu ece le, “To, cine i cigai n yuwan nā Yesu, za na ee desu Zamawawa?”

Avu suru nle a usu, “Vara niyi a akpata.”

<sup>23</sup> Reve Bilatu ece le, “Nye i zuwai? Unusu u ne u da u yuwain?”

Avu a dashi saala lon, “Vara niyi akpata!” <sup>24</sup> Ana Bilatu enei babu ili i na waa gura yuwan waru, waru ama a da nda e temei nlangi. Dada u kenei mini avu u sa'a ekere a yi a makakan me le reve u damma, “Babu imini i va na mona ma vuma nda, adu da yoo una yi.”

<sup>25</sup> Reve suru nle a usu, “E reme tsu nu unusu atsu na muwun n tsu adama a na o una niyi.”

<sup>26</sup> Avu Bilatu lyawaa le Baraba. Reve u damma asoja a fufaba Yesu na asudu, avu a 'yawaw a vara yi a akpata.†

### *Asoja a yuwaan ta Yesu ulamu*

*(Mak. 15:16-20; Yah. 19:2-3)*

<sup>27</sup> Avu asoja a gwamna a tara Yesu a uwa pe o ukobu, reve a kandaruwa yi suru. <sup>28</sup> Reve o fodo yi itana, avu o oto yi aayala a saan lon. <sup>29</sup> Avu a tara awanda a kandaruwaa yi a aaci gashi ookokolo. Reve a zuwa aadanga o ukere usa'ani wa yi, avu a kingyo a makakan ma yi reve a yuwaan yi ulamu, “Tsu ca wu ta tsugbain, mogono ma aza a Isra'ila.”

<sup>30</sup> Avu a tsuwaan yi matsan. Avu a ushi aadanga o ukere wa yi'i, avu a fufaba yi a aaci na ayi. <sup>31</sup> Ana a kunai a yuwusaan yi ulamu a tyo o ukosu, avu o fodo yi aayala'a, reve otowiso yi itana ya yi. Avu o utaa yi tsara a 'yawaw ubata u na oo una yi.

### *A vara ta Yesu a akpata*

*(Mak. 15:22-32; Luk. 23:27-43; Yah. 19:17-27)*

<sup>32</sup> Ele a motaa, avu a ga'an na vuma va Kurani, vuma na a tsu de Simo. Avu asoja'a a zuwa yi u tanu akpata'a nu ucira. <sup>33</sup> Reve suru nle a tawaw ubata u na a tsu de Gologota† (urevu wa yi u da Ubata wo Ookoluwo.) <sup>34</sup> Avu asoja'a a ca Yesu

masayan ma na a jambarai na aguma o okono tsara u sowo. U pede yi ta reve u 'yuwan o sowo. <sup>35</sup> Ana a vara niyi a akpata'a,† reve asoja a yuwan anca'wa dada e ne'eshein itana ya yi. <sup>36</sup> Reve asoja'a e isawan lo e ipiri ya yi. <sup>37</sup> A dana ta ili i na i zuwai a vara niyi akpata'a, reve a vara yi zuva va aaci a yi a akpata. Apa ili i na a danai:

AYI NDA, AYI DA YESU MOGONO MA AZA A ISRA'ILA.

<sup>38</sup> Waru asoja'a a vara ta evu e re a akpata, za ta o ukere usa'ani, za ta gba o ukere ugula. <sup>39</sup> Aza a na a karasa lo, reve a lumgbatsasa aci e le avu e isula yi. <sup>40</sup> Reve a damma, "Vu damma ta vu ta gura buɓoso Aa'isamapada, avu vu suwisa yi atsuma a rana ta'atsu. Adama o ndolo wawa aciyawu! Na avu Mawun ma Asula ma da vu ri na amayun, cipa de a akpata'a!"

<sup>41</sup> Ne da waru nan ganu a gbagbain na munlu n Wila n yuwaan niyi ulamu. <sup>42</sup> Reve a damma, "U wawa ta ozo o ro, agba u gura wawa aciyayi shi! U damma ta a na ayi da mogono ma aza a Isra'ila. To, lyawa niyi tse ene u cipa e ida diga de a akpata'a. Nnu u yuwan ne tsu ta usu yi. <sup>43</sup> U zuwaa ta Asula ucira, lyawa Asula a wawa yi, nu u ciga. Hali gba u damma ta, 'Amu da Mawun ma Asula.' " <sup>44</sup> Evu a na a varai a akpata obolo na ayi e isula yi ta fo.

### *Ukwa wa Yesu*

*(Mak. 15:33-41; Luk. 23:44-49; Yah. 19:28-30)*

<sup>45</sup> Ana urana u rawai aci, avu irumbu i faru ida mabula a tyo rumu ta'atsu vu ulivu. <sup>46</sup> A

mantsa mo ndolo, reve Yesu saala, “Eloi, Eloi,† lama sabaktani,” nga, “Asulā a va, Asulā a va, nye i zuwai vu vari numu?”

<sup>47</sup> Ozo o ro a na a danai lo mishin ubata'a, ana a uwwai ne, avu a damma, “Iliya da wee desu!”

<sup>48</sup> Avu za ro suma u tsupu ashidi a mini ma alamu, reve wu nla yi a aadanga reve u cayi tsara u sowo. <sup>49</sup> Reve ozo o ro a damma, “Isawain, tse enei ko Iliya ta tawa u wawa yi!”

<sup>50</sup> Avu Yesu saalisa, dada u kuwai.

<sup>51</sup> A mantsa mo ndolo, reve Asulā a zuwa umuna‡ u na u danai Upasu wa Akiza atsuma a Aa'isamapada u karalai ure, diga zuva a tyo e ida. Avu ida i ramo, avu atali a batsa. <sup>52</sup> Reve ason a kpatu'wa, avu a 'yasan ama a abula na abunda a na a kuwai de. <sup>53</sup> O uta ta atsuma a ason, waru ana a 'yasin Yesu atsuma a akwakwa, a uwa ta atsuma a lyuci va akiza, Urishelima, ubata u na ama a abunda e ene nle.

<sup>54</sup> Ana yali na asoja a na a ri obolo na ayi a pirishi Yesu e enei cine ida i ramoi, obolo ni ili i na i farai suru, a uwwa ta wovon lon. Dada a dammai, “Mawun ma Asulā ma da u ri mayun!”

<sup>55</sup> Amaçi na abunda a na o utai Galili a na o toniyi Yesu tsara a kamba yi, a dana ta lo mishin makasu a akanla. <sup>56</sup> Merit Magadaliya dana ta pe atsuma e le, na Meri mma va Yakubu na Isuhu,

---

† 27:46 Ayi danshi “Eloi” mesun ma yi ma shon ta unata na mesun ma aala a Iliya. Adama o ndolo ana ama'a a uwwai Yesu adansa “Eloi, Eloi” a ta dansa u ta desu Iliya. ‡ 27:51 Umuna u nda u da u ne'eshein Upasu wa Akiza nu Upasu u na u La'ai Akiza atsuma a Aa'isamapada. Aabara a nan ganu a da goon a tsu uwa Upasu u na u La'ai Akiza u ta atsuma a aa'wan.



na ka va Zabadi za na ayi da mma va Yakubu na Yahaya.

### *Acida e Yesu*

(Mak. 15:42-47; Luk. 23:50-56; Yah. 19:38-42)

<sup>57</sup> A yuwan ta vuma vi ikebe ro na a tsu de Isuhu, vuma lyuci va Arimatiya. Toni va Yesu da. Nu ulivu u ndolo avu u tawa Urishelima. <sup>58</sup> Avu u 'yawa ubata wa Bilatu, tsara u lyawa yi u tara lipu va Yesu. Dada Bilatu dammai asoja a yi a ca yi. <sup>59</sup> Dada u tarai lipu'u, reve u katala yi no okoro. <sup>60</sup> Avu u zuwa yi atsuma a aason a sa'avu za na u kapa atsuma a aatali. Reve u kebe aatali a gbain tsara u ula una wa aaso'on. Ana u yuwain ne dada u kara. <sup>61</sup> Avu Meri Magadaliya na Meri ro a danu lo zuzu na aaso'on.

### *Asoja e ipiri ya aason*

<sup>62</sup> O urana we ire, Ashibi, avu nan ganu a gbagbain na Afarishi o boloto ubata wa Bilatu. <sup>63</sup> Reve a damma, "Zagbain, tsu cuwan ta ana za ve epen o ndolo dana wuma u damma ta, 'Na a yuwan rana ta'atsu n ta 'yon atsuma a akwakwa.' <sup>64</sup> A zuwa ama a piri aason o ndolo ulobonu hali rana ta'atsu ndolo. Na ne da a yuwain shi, ojoro a yi a ta tawa e iva lipu va yi, reve a damma ama a na Asula a 'yasan yi ta atsuma a akwakwa. Epen o gogo a ta la'a za vu ufaru uwuyan." "

<sup>65</sup> Dada Bilatu dammai, "Tarai asoja o ro tsara a 'yawa a piri aason o ndolo cine yaa gura yuwan ulobonu." <sup>66</sup> Reve a kara o fofo aaso'on ulobonu lon, waru avu a zuwa eerepu o urotsu wa gwamna, reve a lyawa lo asoja a dana e ipiri.

## 28

*U'yosun wa Yesu atsuma o ukwa  
(Mak. 16:1-10; Luk. 24:1-12; Yah. 20:1-10)*

<sup>1</sup> Na wasasa wa Aladi, reve Meri Magadaliya na Meri ro a 'yawa tsara a kalyuwa aaso'on.

<sup>2</sup> A mantsa mo ndolo, ida i ramo ta nu ucira. Reve malingata ma Asulazuva ma cipa diga zuva, avu u 'yawa ubata u na aaso'on a ri, avu u gan daluwa aatali a na a ulayi unwa aaso'on. Reve u danu zuva va yi. <sup>3</sup> U dana ta e ikanasa tsi imadatsu, itana ya yi i dana ta u'uri puwu. <sup>4</sup> Asoja a na a danai e ipiri ya aaso'on, reve wovon u reme le lon adama a malingata ma Asula, avu a uwa meje'en ma lipu, avu a riyā e ida gashi akwakwa.

<sup>5</sup> Reve malingata'a ma damma amaci'i, "She yu uwwa wovon wan. N reve ta i te izami ya Yesu, za na a varai a akpata. <sup>6</sup> Wu pa shi. U 'yon ta atsuma a akwakwa cine u damma ndu waa yuwan. Tawai ye ene ubata u na lipu va yi danai. <sup>7</sup> 'Yawai i damma ojoro a yi gogogo, 'Yesu 'yon ta atsuma a akwakwa. U ta de elime a du a 'yawa Galili, i te ene yi de.' Ayi da n tawai n damma du."

<sup>8</sup> Dada amaci'i a lyawushi aaso'on. A dana ta a uwwusa wovon, waru a dana ta a yuwusan mazanga lon fo. A suma ta tsara a damma ojoro'o ili i na i farai. <sup>9</sup> Babu usan reve Yesu† cina le, avu u casa le. Reve a rawa zuzu na ayi e reme ana a yi, avu a yuwaan yi aganda. <sup>10</sup> Avu u damma, "She yu uwwa wovon wan! 'Yawai i damma ojoro a va a 'yawa Galili. A ta cina mu de."

*Asoja a usu ta a yuwaan epen*

<sup>11</sup> Ana ȁmaçì'i ȁ yuwain ukaru u le, reve ȁsoja a na ȁ ðanaì e ipiri ya aaso'on ȁ kamba ȁtsuma ȁ lyuci, ȁvu a damma nan ganu a gbagbain ili i na i farai suru. <sup>12</sup> Reve nan ganu a gbagbai'in o ȁoloto ubata u ta na azagbain ȁ lyuci ȁvu a yuwan ȁsala. Reve a ca ȁsoja'a ikebe ya ȁbunda, <sup>13</sup> reve a damma le, “Dammai ama a na ojoro e Yesu ȁ tawa ta na ayin, ðada e ivai lipu va yi ȁdu pe ȁtsuma a nlavu. <sup>14</sup> Nna adanshi a nda a rawa a atsuvu a gwamna, tsu ta yuwaan yi adanshi tsara tsu wawa du ȁtsuma a addama.” <sup>15</sup> ȁvu ȁsoja'a ȁ ushi ikebe'e, reve a yuwan cine a damma nle a yuwan. Ne ða adanshi'i a bazai ȁtsuma a Yahuda hali ȁ tyo ana'an.

*Yesu yuwan ta adanshi no ojoro a yi*

*(Mak. 16:14-18; Luk. 24:36-49; Yah. 20:19-23; Aji. 1:6-8)*

<sup>16</sup> ȁvu ojoro kupa na za ta'a a kara a 'yawa a masasan mo ro ȁtsuma a Galili ubata u na Yesu damma nle a 'yawa. <sup>17</sup> Ana a rawa e ene niyi, ȁvu a yuwaan yi aganda, agba ozo o ro e le a usu shi. <sup>18</sup> Dada Yesu tawai ubata u le reve u damma, “Asula a ca mu ta ucira ȁtsuma a zuva ni ida suru. <sup>19</sup> 'Yawai i tsura otoni ȁtsuma o uvadi suru. I rumbu le ȁtsuma a ala† a Dada, na ala a Mawun na ala a Ruhu va Akiza.† <sup>20</sup> I rito le a yuwan ili i na n damma ndu. N ta ðana obolo na ȁdu kuci, hali ȁ tyo o ukosu wu uvadi.”

**Nzuwulai n Sa'avu na Tsishingini na adiva a  
na a dangulai a Nzuwulai mu Ufaru  
New Testament in Tsishingini (NI:tsw:Tsishingini)**

copyright © 2011 Wycliffe Bible Translators, Inc.

Language: Tsishingini

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tsishingini

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files  
dated 29 Jan 2022

bb185c63-dc44-572c-ae93-66252c4dfa1e